

ПЕТӖ 1926 ВОСЯНЬ

ЛЕДЗӖНЫ: КОМИ ГИЖЫСЬ КОТЫР, ПЕЧАТЬ ДА ЮӖР СЕТАН КОМИ
РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

1

ТӖВ ШӖР (ЯНВАРЬ)

2008

ТАЙӖ НОМЕРЫН:

Евгений МАРТЫНОВ. «Мед войтырсӖ ӧтувтны гортын...» Кывбур	3
Михаил ЛАДАНОВ. Ӑтчид парма шӖрын. Повесът	4
Ксения КАРМАНОВА. ГижтӖм кывбуръяс	24
Никон ХАТАНЗЕЙСКИЙ. КӖр овмӖса сикт. Очерк	28
Нина ОБРЕЗКОВА. Гусьӧник нин кызӖкталӖ ар... Кывбуръяс	45
Александр ПАНЮКОВ. Мича Даша. Очерк	47
Ольга БАЖЕНОВА. СӓтшӖм окота енӓжас усьны... Кывбуръяс	55

КРИТИКА ДА БИБЛИОГРАФИЯ

Вера ЛАТЫШЕВА. Галина Бутыревалӧн кывбуръясн челядьдыр	57
Василий ПОПОВ. Ӑз повлы некутшӖм уджысь	65

СЕРАМБАНА ГИЖӖД

Егор РОЧЕВ. Сет, мый тшӖктис мамыд... Висьт	71
Ен праздникъяс	77
Виль небӖгъяс	79

Обложка вылын снимокыс Денис Беяевлӧн.

© «Войвыв кодзув» («Северная звезда»), 2008 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Геннадий
БЕЛЯЕВ

Зам. гл. редактора

Евгений
КОЗЛОВ

Ответственный
секретарь

Алексей
ПОЛУГРУДОВ

Владимир
ТИМИН

Александр
УЛЬЯНОВ



Евгений МАРТЫНОВ

* * *

Мед войтырсö öтувтны гортын,
Мед кытчöкö бокö эз уй,
Ас кыв вылын векныдик «Ордым»
Виль олöмö индаліс туй.

Мед некод эз лэдзчысь, эз нярмы,
Мед эскöмлун мортлөн эз быр —
Со туйö нин петіс «Ударник»
Да мудзлытöг восьлаліс пыр.

Война бöрын виль нимön водзö
Бур войтырлысь кыпöдіс лов.
И öнöдз на со «Войвыв кодзув» —
Лов пыкöд да няныс и сов.

Мед ордымöд нуöдас водзö
Ударникön лöсавлöм пас,
И зарниön югъялысь кодзув
Мед нэм кежлö лоö пыр ас.

Мед сьölöмын öгырсö пестас,
Мед ломалас биыс, оз кус.
Оз быр «Войвыв кодзув», ми эскам,
Бур войтырлөн енби оз чус.

❖ ❖ ❖



Михаил Александрович Ладанов чужис 1960 воын Вильгорт сиктын (Сыктывдин район). Школа бӧрас ветліс армияӧ, сӧсса пырис Сыктывкарса университетӧ, филология факультетлӧн коми юкӧнӧ. Помалис сійӧс 1988 воын. Уджалис «Чушкан-зи» журналын корреспондентӧн. Ӧні «Коми му» газетын.

«Войвыв кодзув» лыддьысьяслы Михаил Ладанов тӧдса ӧкмысдасӧд воясьянь: журналын сылӧн петалисны «Вӧрса мойд» новелла, «Ёкыша вадса кӧзяин», «Медбӧрӧя тӧвса лун», «Бипур дорын» да «Лявда» висьтӧяс. Гижӧдӧясыс петавлісны и «Югыз туй», «Коми му», «Охотник-рыболов Приволжья и Урала» газетӧясын, «Би кинь» журналын.

Михаил Ладанов висьталӧ: «Вӧр-ва — лов личӧдысь да пальӧдысь. Быд отпуск колляла пармаын да ю-ты дорын. Некутиӧм лунвыв ни шоныд саридз оз ков. Жаль, мый бӧрӧя воясӧ коми войтырлӧн вежсис вӧр-ва вылӧ видзӧдласыс — вунӧдам пӧль пӧчлысь законӧясӧ».

Михаил ЛАДАНОВ

Ӧтчыз парма шӧрын

П О В Е С Т

«...Мӧдӧд вежон нин Республикаса войтырӧс доръян да виччысьтӧмторъясысь видзан комитет да милиция корсьӧны Княжпогост районын Павел Кыневӧс. Сыктывкарса олысь мунӧма вӧравны Ёлва ю йылӧ...» Талун асыв тайӧ юӧрсӧ Леньӧ бара на кывзис республикаса радио пыр. Но-о, сідзкӧ, абу на аддзӧмаӧсь. Кыкнан кинас шамыртіс дзормыны нин заводитӧм юрсӧ. Рытнас бара лоӧ радиотӧ кывзыны. Гашкӧ, мыйкӧ выльтор висьталасны да.

Ӧшиньӧ видзӧдігмоз мӧвпаліс. Кыдзи помтӧм-дортӧм пармаысь корсян мортӧс!? Гашкӧ, Пашыс ылаліс да? Вӧтчис зверь бӧрся, воис тӧдтӧминӧ, а компасыс жугаліс либӧ тэрмасигас уськӧдіс-воштіс... Рӧкыз вылӧ, некымын вежон нин зӧрӧ. Кымӧрӧясыс польдӧмаӧсь, тайкӧ крукасыны медджуджыз пу йывъясӧ. Шонді оз мычысьлы. А сытӧг кыдзи тӧдмалан, кӧні лунвылыс да войвылыс? Шӧйтӧ, кӧнкӧ, Паша мортӧн некор на вольтӧм яграскын али келӧ паськыз нюрті, и оз аддзы йӧз дінӧ петан ордымсӧ.

Лёньо ачыс ёнасё эз вёравлы. Коть батыс зэв радейтліс кыйны сёла-чукчитё. Бура помнитё, кыз медводдзаыс ая-пия ветлісны войколён Куш нюрё. Сэки Лёньолы, буракё, муртса вит арёс на и тыри. Восьлалігмозыс батыс висьтавліс, көні кутшом пу быдмё, мыйла кыз вожйин тулысын потё кор, а пожом-козлөн лыскыс пыр веж... Верстьё морт тёдіс паныдасьлысь быд шор-юлысь нимсё. А сэсся, кор пуксисны лолыштны да коксё веськөдыштны Максим юбокса пөрөм пу вылё, батыс зепсьыс перйис сёла чипсан да дзик ловъя пётка моз заводитіс чуксасыны. Аслыспёлёс шы ловзьёдіс чёла олысь пармасё. И пыр жё воча шыасис сёла. А здук мысти сійё жбыркнитіс-пуксис паныда сулалысь ныв пуё. Татшом матысь ловъя пёткаёс Лёньо некор на эз аддзых. Зонка кынмис места вылас, весиг лолавнысё поліс. А друг да сійё казлас найёс, дерт, повзяс да дзебсяс пашкыр пу сывійё. Сёла вёлі мича. Батыс гусьоник пель дорас шопкөдіс: аддзан пё сылісьыс сёд пассё? Тайё ай пётка. Эньылөн сійё абу.

Чёс туйыс кузя нюждөчөма. Сёрывса быд нельөд-витөд лэчкын ошаліс сёла. А вот муё октомъяс мыйлакё кушось. Оти лэч кодкё орөдөма. Батыс нюмуніс:

— Тайё сан пакөститчө. Шедөм дозмөр-тарсё нетшкё, сёйё либё дзебё. Во-мөд сайын весиг лои эновтчыны. Саныс сэсся вешйыліс. А таво со бара велаліс дась яйнад чөсмасыны. Вывті мурдер. Капканнад ок сёкыд кыйны.

Рыгладорыс воисны неыджыд шор бердө. Сы кыркөтшын сулаліс вөр керка. Сэтчө и шуисны узьмөдчыны.

Регыд мысти нин би вылын батыс пуис сёла шыд. А Лёньо кытшлаліс неыджыд вежөсті, видзөдіс да малыштліс лабичсё, пызансё... Тані ставсё вёлі вөчөма батыс кйөн. Мудз вылё видзөдтөг, ичөт мортлөн, тыдалё, эз пукавсьы. Быдтор зіліс төдмавыны. А мыйла торъя джаджйин, медся тыдаланаинас, сукар, шыдөс, сов, сакар да тшай? Кодлы ставсё тайёс дасьтөма? Вөрса мутиыслы? А ставыс пё тайё пөгибё воомалы, гөгөрвоөдіс батыс. Друг да кодкё ылалё-вошө матігөгөрся яг-раскас. Уна лун келалас татшөмыд сёд вөрті, дерт, мудзас, ёна тшыгъялас. Петас вөр керка дорё и аддзас кольөм нурсё. Тэа-меаёс на пё сёысь аттьөалас...

А аскинас найё бөр гортё веськөдчисны. Мамыс ломтөма нин пывсян. Мудзтё пё вөтлөй, лысьөмтё небзьөдөй! Ок и корөсясисны жё ая-пия өтвылысь! А сэсся ставөн чөсмасисны сёла шыдөн... Та бөрын некымынысь на ветлісны пёткатё кыйны. Зонка некымын пёткаёс ачыс лыйис.

Сійё кадсянныс уна ва визувтіс. Но вунөдан өмөй тайё ветлөмсё! Медся сёкыд здукъясас пыр мыйлакё усьлі төд вылас сійё вөралөмыс. И сёлөм дойыс личавлі.

А сідзсё Лёньолы эз мусмы вөралөмыс. Коть чужан парматё да ютё радейтіс, ичөтгысянныс «сирассис» книга дорё. Ёртгыссыс рытывбыд клубыньс, а сійё — библиотекаысь оз петав. Медводдза книгаыс, мый босьтіс лыддысянінысь, вёлі Владимир Обручевлөн «Земля Санникова». Сійёс сэки кыкысь помся лыддис. Та бөрын кызвын кадсё зунясис книга сайын. Григорий Федосеевлөн, сэсся Жюль Вернлөн романъясыс... Кутшом нин вөралөм. Кадыс сы вылё эз тырмы. Школаас на мусмис археология, чу-

жан мулӧн история, нэмӧвӧйся традициясыс. Верстыммис да, содтӧд висьмис НЛО-ӧн, лым мортӧн — етиӧн... Став тӧдтӧм-гӧгӧрвотӧмторйыс быттӧ магнитӧн кыскис. Библиотекалӧн лыддысян вежӧсыс лои рыт колляланінӧн. Вочасӧн тӧдмасис войтыркӧд — уфологъяскӧд, кодъяс туялісны тайӧ гӧгӧрвотӧмторъяссӧ. Письмӧасисны, гежӧдика аддзысьлісны.

Дерт, Леньӧӧн сійӧс шулывлісны медматыс ёртъясыс да рӧд-вужыс. А сідзсӧ, олӧмас да удж вылас лои нин пыдди пуктана мортӧн, Леонид Матвеевичӧн. Паськыда тӧдса учёнӧй, археология наукаесса кандидат. Дасьтысис дорйыны доктор диссертация.

Шулӧны тай, олӧмтӧ овны абу тай пӧ потшӧс вомӧн вуджны. Луннас, Коми наука шӧринын зілігӧн, Леонид Матвеевичлы звӧнитісны Питерсянь. Чукӧртчӧны пӧ мир пасьта нималана археологъяс, Тіянӧс пӧ тшӧтш корам... Сӧмын гостиницаын дум вылас усис Ёлва йылын вошӧм морт йылысь юӧрыс. Вежоныд ӧдйӧ коли. Но и Сыктывкарын, Питерсьыс воӧм бӧрын, дыр овны бара на эз мойви. Мукӧд учёнӧйкӧд лэбис Венгрияӧ. А сэсса босьтчис дасьтыны докторлысь диссертация... Кадыс быттӧ вӧрса визув ю шывгис-колис. Ар, сы бӧрын тӧв, тулыс. Шондӧдӧм бӧрын Леонид Матвеевич юрнудӧм улын археолог котыр веськӧдчис кӧдзыд саридз дорӧ. Кык тӧлысь корсисны уна нэмсайса олӧмылысь пасъяс: морт оланін, важся эмбур, гуяс... Аддзӧмторйыс шонтіс туясьсыссяслысь сьӧлӧмсӧ: тані вӧліны изйысь вӧчӧм эз сӧмын шы йывъяс да пурт-чер, но и исерга да мукӧд мичмӧдчантор, важ паськӧм колясьяс.

Ставыс вӧлі бур. Войтыр кыпыда уджалісны. Но налӧн оланін да уджаланін гӧгӧрын ӧтчид дай мӧдысь петкӧдчыліс ош. Ыджыд ош. Матыстчас метр куимсӧ ылнаӧ, водас кутшӧмкӧ веретяӧ да куйлӧ, быттӧ шондӧ водзас шонтысьӧ-пӧжсьӧ. Медводдза вежоннас йӧз весиг радлыштісны, со пӧ и тані, осьса эрд вылын, пармаса кӧзяиныд олӧ. Леонид Матвеевич гусьӧник заводитіс сы бӧрся бинокль пыр видзӧдны-кыйӧдны. Учёнӧйлы окота лои тӧдмавны, мыйла ош бергалӧ йӧз син водзын. Эм-ӧ талы кутшӧмкӧ помка? А уськӧдчас кӧ? Дерт, вӧліны эськӧ карабин да ружье. Кодсюрӧ вӧзйис, со пӧ свежӧй яйыс ачыс пӧртйӧ вӧзйысьӧ. Учёнӧйӧс чуймӧдіс, мыйла ош кутчысьӧ йӧз дорын, вежоннас кыкысь-куимысь быть воліс. И ни ӧтчидысь эз матыстчыв пусянін дорӧ. Став сёян коляссӧ пыр жӧ гуавлісны, мед кортӧм гӧсьтъяс-зверьяс эз сибавны-велавны.

Ӧти асылӧ Леонид Матвеевич водз садьмис. Мыйлакӧ эз узьсы. А вай пӧ видда вуграсьыштны. Татчӧс юясыс вӧліны озырӧсь чериӧн. Кыснансӧ ком-кебӧс мыйлакӧ век азыма босьтіс. Археологъяс, кор чуктыліс кадыс, радейтісны вуграсьны. Сёймӧныд век шедліс. Свежӧй юквасӧ быдӧн окотапырысь панялісны. Но медъена радейтісны сола кебӧс-ком. Тайӧ вӧлі збыльысь чӧс-масынторйӧн. Ӧд чериыс вомад веськыда сыліс.

Ёртъясыс узисны. Мед чӧжӧны вын-эбӧссӧ. Босьтіс спиннинг да петіс палаткаысь. Сылӧн вӧлі радейтана неыджыд ю, визувтіс километр джын ылнаын. Сы дорӧ и веськӧдчис. Сӧстӧм сынӧдсӧ лолаліс морӧс тырнас. Тані, йӧзӧн вольтӧминын, войвывса ывлаыс вӧлі шензьӧдана мича. Абу сэтшӧм кывйыс, медем сійӧс серпасавны. Водзын, увтасінгясын, гӧвкъяліс ру. Сӧстӧм, быттӧ пыдӧстӧм лӧз енэжын нюмъяліс шондӧ. А тайӧ помтӧм-дортӧм

восьса эрдын олöмыс пуöмөн пуис. Гөгöр шыалісны утка герчкöм, лэбач сьылöм... Неыджыд гөп берегас ыпнитіс кось: тшыгыялöм кынь уськöдчис дзодзөгпиян вылö. Но бать-мамыс öттшöтш дор-йысисны, бордьяснас швачöдöмөн öтвылысь котöртісны кортöм вөрöг вылö. Мудер кынь крута бергöдчис, думсьыс, кöнкö, зіліс тадз ылöдлыны пöткаяссö, тэрыба найöс кытшовтны да кватитны шöйöвошöм пиянысь медматыссасö. Но тайö вöліны арлыда дзодзөгьяс. Некумын во помся найö тані поздысьлісны. И кыньяслысь мудеритöмсö, дерт, бура тöдісны. Гозья пыр жö крута бергöдчисны, öтиыс кокыштіс мустöм локтысьлысь бöжладорсö, а айыс витіс юрас, но вына нырас веськаліс кыньлөн пельыс. Зверь никöстіс, öдöбтöмөн чашнитчис... Дзодзөг эз лэдз. И кынь шмоткысис-уси муö. Ярмöм пöтка нöшта на някыртіс пельöдыс пакöститчысьöс да вöлисти лэдзис. Зверь пышйигмозыс пыркöдіс юр-нас...

Мужичöй долыда вашмуні. Но кытысь нöшта татшöмторсö аддзылан!? Сійö восьлаліс тэрмасьтöг, лабутнöя. Öд коли вуджны тайö неыджыд веретясö. Нöрыс вывсянь казяліс ошкöс. Сійö сулаліс визув вылын да кокнас гудыртіс васö. А сэсся друг чепöс-йыліс места вывсьыс да вом-гыжнас тшапнитіс-кутіс чери. И вöчис тайöс быттьö ворсігмоз, кызкö вывті нин кокниа. Сэсся петіс косінö, тэрмасьтöг чöсмасис комөн. Виль пöв келіс юö, бара гудыртіс васö, кымынкö шöйöвошöм чери кыптыліс веркöсö, на пиысь медся матыссасö кватитіс да варгыльтіс косінö. Лабутнöя сөйис. А паныдөн, сыв ылнаын, неыджыд из вылын чöла пукаліс кырныш. Сійö видзöдіс, кызди бырö комлөн тушаыс. А ош нурьясис да бара пырис йиа ваö. Кырныш матыстчис да заводитіс кокавны сылы кольöмторсö. Со öд кызди — зверь да пöтка, вöлöм, өртасьöны.

Морт сулаліс да видзöдіс. Код тöдас, уна-ö коли кадыс. Ку-тшöмкö здукö ош быттьö казяліс, мый сы бöрся кыйöдчöны. Кын-мис места вылас, тыдаvmөн лыбис тшöтьыс. Но и тайö звукас юрыс некодарлань эз вөрззы. Боксянь видзöдлан да, пöтöм Микайлöтö унзілыд личкис. А сійö, дерт, мудеритіс. И тайö звукас енэжö качис кырныш, коді дзуртан гөлöснас став матігөгöрыслы юöртіс, тан пö кык кокаыд... Тайö здукö и ошкыд нин аддзис мортлысь юр-пельпомсö. Черисö босьтіс вомас да веськöдчис медматысса нöрыслань.

Леонид Матвеевич лыддыліс ошлөн сюсьлун йылысь. А талун тайöс ас синнас аддзис. Да, мортыд вель уна на оз тöд вөр-валөн да зверь-пöткалөн олöм-вылöм йылысь. Тадз мөвпалігөн восьлаліс ю дорö. Вуграсис буретш ош кыйсянінын. Кыснан вылö комкебöс ордйысьöмөн уськöдчылісны, мукöдыс килоысь гырысь. Вуграсьысь дзикöдз ыззис, кöть чериыс вöлі нин ыджыд ведра тыр. Кутшöмкö здукö, кор лöсьöдіс кыснан-вугырсö, казяліс ошкöс. Первойсö весиг нюммуніс, а сэсся гыркыс кöдзаліс. Зверь куйліс буретш сійö местаас, кöні дзик на неважөн кыйöдчис ачыс Леонид Матвеевич.

Веськыда кö, учёнöй повзис. Мый водзö вöчны? Чукöртчыны да мунны? Но öд ошкысь он пышйы... Ки-кокыс, весиг и гырк пытшкöсыс, заводитіс тіравны, кымöстіыс визувтіс пöсьыс... И тайö звукас зверь чöла чеччис, нöшта öтчыдысь видзöдліс сы вылö да муніс.

Луннас ош бара сибөдчис уджалысьяс дорё, воськов куимсё ылнаё, водіс веретяё, рытнас лөня муніс. И пöшти быд лун тадз. Сöмын медбөръя вежонсö сійö эз петкөдчыв. Вертолётон нин лэбигөн Леонид Матвеевич дугдывтөг видзөдіс гөгрөс öшиньö, думсьыс синнас корсис зверлысь тöдса мыгöрсö.

Сыктывкарса олөм-уджыс вабергач моз кыскис. Луннас студентъяслы лыддис лекцияс, зілис наука шöринын, рыгъяснас дасьтіс виль книга... А нöшта на дача, машина, гараж... Тадз коли во-мöд.

Октябрлөн медводдза лунъясас, воторникö, гозъя ветлісны Сöбин нюрö турипув вотны. Кык ведра вотöс вайисны. Студент-пиыс, кор аддзис турипувсö, раддыштіс:

— Таво бара на морс төвбыд юам! Вай ме тіянылы отсышта весавнысö.

Батьыс раминика шуыштіс:

— Первой колö косьтыны. Тазйö кисьтам, лун-мөдөн турипувйыс и косьмас. Любаша, киөн öд весавнысö дыр. Вай менам мам-бать моз вöчам, весалан пöвсö гаражын видза.

— А тадзсö вотöсыс лоö сöстөм дай ас кинад весалöмыд чöс-кыдджык,— эз сетчы гöтырыс.— А тэ, Лёня, мун шойччы. Книгатö колö помавны, уджыс сэн юр выв тыр на. Ме ачым ставсö вöча.

Рытнас пуксисны пажнайтны. Лёньö, кызди и пыр, ловзёдіс радио. Тайö кадас буретш комиён лыддисны медбөръя юөръяс. Семьяын бура тöдісны: батьыс радейтіс кывзыны чужан кывъя передачаяс. Та вöсна вежöсын вöлі чöv-лөнь. Пöсь шыд панялігөн Леонид Матвеевич кывзіс республикаын лоөмторъяссö. Кызд и век, ошкисны правительствоын мырсъысьясöс, казътылісны Юралысьлысь водзмöстчөмсö... Бара лоöны бөрйысьмөмъяс... И медбöрын МЧС республикаса юкөнын уджалысь юөртіс, мый бөръя вежоннас пö вошöма куим вотчысь. Удора районса посёлокысь кык пöч мунöмаöсь вотны турипув, а бöрсö гортас абу локтöмаöсь. Аски пö найöс босътчасны корсьны. Емваланын вошöма мужичöй. Ёлва ю йылын некымын лун шойччöма дас морта котыр. Мунөм водзвылас сійö пырöма орчча нюр вылö. Урчитөм кад кежлö абу локтöма. Ёртъясыс кык лун асьныс туялöмаöсь-корсьысьмаöсь. Но абу аддзöмаöсь.

Тайöс кылөм бöрын Лёньö весиг паньсö пуктіс. Кыськö татшөм сямасö сійö кывліс нин. Синсö кунис, заводитіс «лукйысьны» паметяс. А сылөн юрыс вöлі компьютер кодъ. Öтчыд кывлөмторсö, дерт, быгтьöкö колана юөр кө, кутіс вежöрас. Ёлва йыв. Эз-ö кодкö сэнi вошлы?.. Часлы-часлы, буракö, кутшөмкö Паш, Павел. А овыс коми. Водзö эз кут казътывны. Сійö чеччыштіс да рөдтіс компьютер дорö. Сэнi став татшөм сяматорсö гижавліс. Сідз и эм, Павел Кынев, вошöма Ёлва йылын, со и кад-луныс индöма. А делöыс вöлöма сентябрын.

Войнас эз узьсы. Юрас жуис мөвп бöрся мөвп. Бара Ёлва йыв. Аттö дивö! Кыкөн, а гашкö, вошысьыс ёна унджык нин да? Став гөгөрвотөмторйыс мыйöнкö кыскөмөн кыскис. Аски телефон пыр лоö звөнитлыны МЧС-ас, юавны, кымын морт вошліс Ёлва йылын. Воськыда кө, сэтчöс уджалысьяс öдвакö стöча вермасны вочавидзны. Радио-газетö вошөм, вöйөм, биын сотчөм-кулöма йылысь лыдпасъяссö, көнкö, юөртöны. И таөн ставыс

помасьö. Коді нö кутас пасъявны, коді, көні да кутшөм ускөттёö веськавліс.

А некымын лун мысти республикаса радио пыр бара юөртіс-ны, Ёлва йылын пö вошөма вөралысь... Леонид Матвеевич эз аддзы местасö. Мый нö тайö, бласлө Кристос? Эм-ö кутшөмкө гуся помка? Другөн вошысьыс соді да. Гашкө, тадз кодкө йөзсö өтвадитö Ёлва йывсьыс? А мый, вермас лоны. Бөръя кадас уна озыр радейтö петавны вөр-ваö. Торъяиның, колөкө, кыпөдөма вөр керка, пывсян... Кадысь кадö сэтчө волöны шойччыны, ловсö личöдыштны. И тайö «гаж» шөрö веськалө тöдтөм морт. Гөгөр-воана, мый пармаын дзик öти прокурор — ош. Да и кык кока «ошкыс» тырмө. Ковтөм свидетельöс мыйкөкерöны, а шойсö — ваö либö вужля улö. Видлы сэсся сійöс корсьны-аддзыны.

А гашкө, ю дорас важся ордым. Веськалө тайö визирас пар-маö вошөмаыд, аддзö пöлынтьчөм нэмөвöйся вөр керкалысь ко-ляссö, дерт, заводитö визирті мунны. Воö сэсся гыбада нюр. Муртса тыдалана визьтыс босьтчö вуджны. А сэсся веськалө кадйö и... Сэтысь öдвакө петан. Кыдз тай «А зори здесь тихиеад» Лиза Бричкинаыд...

Но öд эм жö кутшөмкө помка!? Дерт, позьö ылавны ягын либö нюрын. Леонид Матвеевич казтыштіс, кыдзи найö, ая-пия, вошлісны Койгорт районың. Том зонлы, буракö, сэки вöлі 18 арöс. Кык машинаөн мужикулов кайисны вөравны да пув вотны. Батыс тані водзті вöвлөма нин. Первойя жö асывнас найö му-нісны нюр дорö. Вай пö сійöс кытшовтам. Чукчиыд радейтö та-тшөминас овны. И збыльысь, Катшысыс кыпөдіс да увтіс куим дозмөрöс. Куимнансö лыйисны. Содтöд на некымын сьöлаөс. Биасисны вöрса ёль дорö. Пуисны кык сьöла. Сöмын тай повод-дьяс заводитіс вежсьыны, төвзъысис, кымөртчис.

А сэсся лои нем виччысьтөмтор. Сөйөм бөрын шуисны чай юны. Леньö муніс вала. Джуджыд берегсянныс копыртчис васö гумовтны, и тайö здукас морөсыввса кизявтөм зепсьыс компасыс уси, кыснан моз бергаліг, сунгысис ёльö. Том морт шөйөвоши. Лоөмтор йывсьыс, дерт, висьталіс.

— Эн майшась. Лавкаысь выльöс ньобам. Сöмын водзö вылö зептö кизяв,— шуис батыс.

— А кодарö колö мянлы мунны? Көні вөр керкаыд?— юаліс Леньö.

— Асыввылын. Öні кежам шуйгавылö, петам визирас, воө-чам сюръяөдзыс, сәні сэсся и видзөдлам. Петкөдла, кыдзи төд-мавны войвыв-лунвывсö.

Кык час мысти зэрмис. И прамöя. Ывлаыс вöлі октябрын кодъ: төла, букыш, и зэрыс көдзыд. Кыкнанныс öдйö көтасисны. Точ-кис нин сизим час рыт. Батыс шыасис:

— Мудзин öд, көнкö? Вай корсям ва да биасям, вöчам чом. Войсö ноддя дорын узям. Аски сэсся и ёртъяс дорö петам.

— А найö мянөс оз воштыны?— юаліс пиыс.

— Оз. Чайта да, гөгөрвоасны, мый зэрысь дзебсим.

Час джын гөгөр шөйтісны на парматі. Воисны нейджыд шор дорö. Сывъя ныв улö вöчисны чом, биасисны. Пусигмоз кось-тысисны. Öтарö төвзъысис. Батыс нюммуніс:

— Тыдалö, мичаммас. Медъя, мянлы колö вотчыны дай вö-ралыштны на.

— А кыз ми петам вөр керка дорё?— шога юалис пиыс.

— А мый майшасян? Повзин: ылалім тōдтōминын, ог аддзōй петан туй... Ми жō тэкōд коми йōз дай вōралысьяс! Вошōм йылысь и сёрни абу. Чайта да, аски асыв кобас, сідзкō, шондіалас. Енэжтас сайысь сійō пыр петō асыввылын, кōні и вөр керка.

— Батьō, но òд пармаыс паськыд? Кыдзи ми аддзам нейджыд вөр керка?— шензыштис Лёньō.

— А тэ, пиук, помнитан, кызди машинаōн воōдчим вөр керка дорōдзыс? Вōрса туйыс пармасō вождō асыввысянь рытиввылō. Керка дортіыс визувтō нейджыд ю, ылōсас — лунвывсянь войвылō. Керка дорсяныс нюр дорō восьлалім важся лежнєвкати. Сідзкō, асыввылō мунігōн петам туй вылō либō жō ю дорō. Жаль, карта абу. Сы серти эськō позис дзик стōча петны. Но ми и сідз, чайта да, ёна ог кытшлалōй. Кывзы, вōралігōн и тшак вотігōн, овывлō, бура тōдса яг-раскын ылалан. Но оз ков повзыны, шōйōвошны. Медбур татшōм пōранас биасыны, чай пузьōдны. А сэк кості казытыштны, кызди вōртіыс мунін, кутшōмкō тōдса места, гашкō, казавлін. Сэсся луннас енэжас шонді, войнас — Полярнōй кодзув. А пармаō мунігōн медся бур босьтны компас да карта.

Батьыс вōлōма прав. Войнас енэжыс воссис, лыдтōм-тшōттōм кодзуласис. Кыкнанныс садьмисны. Лōсьōдчисны чай юны. Батьыс сэки индіс:

— Аддзан Полярнōй кодзувсō? Сійō пыр войвылын. Òні ми, зонмō, дзик нин петам.

Асывнас югдігас садьмисны. Кольōм съōла шыдсō панялісны, чукōртісны нопъяссō. Вōрзисны. Кык час мысти петісны вōрса туй вылō. Нōшта минут дас вит восьлалісны да воисны вөр керка дорō. Ёртъясыс весиг абу майшасьōмаōсь. А ми пō тōдīm: парматыд Матвей кызди ас йōртіыс ветлōдлō...

Сылысь дум-казытлōмсō торкис телефон звōнок. Звōнитіс Оңдрей дядьыс.

— Но кыз олан-вылан, племяш! Кывзы, ыджыд корōмōн тэ дорō шыōдча. Менам медбур ёртлōн вокыс вошōма. Òлексей шуō, нель морта котыр пō мунōмаōсь вōравны Емваланьō. И Василейыс вошōма, быттьō му пырыс мунōма. Оз кō быттьō ёртъясыс ылōдчыны. Òлексейлōн ыджыдджык пиыс, Иваныс, милицияын, уголовнōй розыскын уджалō. Колō эськō видлыны корсьны вошысьсō. Ме тōда, тэ татшōм сяма гōрōдьяссō радейтан разьны. Сэсся и батыдлōн ружьеыс тэ вылō гижōма. Кōть пōрысьōнэмō чукчиōс бара лыян. Нуасны да бōр ваясны дон босьттōг. Вай мōвпышты, племяш. Мортыд абу ем, и съōд пармаад кок туйыд кольō. Татшōм рōбōта вылад ме вывті жō нин пōрысь. Чукōртчылōм вылō гоз лун. Кыкōн ылі ош пельōсō, дерт, он мунōй. Нōшта на кōть нин òти бур морт колō.

...Кык лун мысти «Нива» машина тыр òдōн муніс Ёлва йылō. Машинаас вōліны нельōн: шоперыс — Иван, сылōн кык ёрт-милиционер — Òльōксан да Анатолий, и Леонид Матвеевич. Òльōксан медся варов. Помся шмонитіс, висьтавліс анекдотъяс, бід сикас вōвлōмторъяс... Медся зумышōн вōлі Иван, сійō пōшти эз сёрнит, быттьō вомас ва босьтōма.

Машинасō колисны некымын керкаа грездō. Сэтчōс олысь пиысь дзик некод, кōть грездса куимнан мужичōйыс — вōра-

лысьяс, эз окотит мунны урчитöминö. Муö видзöдiгмоз медся олöма-ыс муртса кывмөн нурбыльгiс, ми пö Ёлва йылö во вит-ö-кwait нин ог ветлöй. Кыдз Питирим пöль воши. А сийö кызь ош лый-лис. Сэтчöс яг-юсö ассыйс вит чунь моз вöли тöдö. Колö кö, пыж сетам и мотор сетам, но ог мунöй. Кötь кыдз эн корöй. И сьöм былö ог ыштöй...

Водзö катiсны мотора пыжөн. «Ямаха» моторыс уджалiс часi моз, бура да лöня. Öткодялан öмöй миян «Вихркöд»?! Иван раз-мöдысь вöвлöма Ёлваö усьысь öти вöрса ю вылын. Но водзö-сö абу ветлöма. Иван ышöдiс ёртъяссö:

— А мыйла миянлы отсасьысьяс: карта эм, весиг вöра-лысьяс серпас вöчисны. Ми öд локтiм эг вöравны, а вошöм мор-тöс корсьны.

Пыжын пукавны — абу подөн тапиктыны. Луныс сулалiс шоньд. Енэжын нюмъялiс шондi. Матiгöгöрса вöр-ваыс синтö долымöдiс. Дерт, кызвын пуыс сарапаннысö шыбитöмаöсь нин, но öткымын кыдз кольквиж рöмнас югзьöдiсны на серпассö. Берег пöлöнын быдмысь сэтöрлөн корйыс весиг рöмсö пöшти абу на вежöма. А пелысь да жов пуяс ас костаныс, дерт, ордйысьöны, кодi на пиысь мичаджык: вожъясын кольöм коръясыс сотчисны-öзйис-ны...

Ю öтар берегсянь мöдарö жбыркнитлiсны сьöла котыръяс. Öткымын пöтка пуксьылiс пелысь былö да чöсмасис вотöснас. Көнсюрö мотора пыж ньöжмöдлiс öдсö, грымöбтылiсны пищаль-яс. Кодкö вöралысьяс пиысь петалiс берегö да вайлiс лыйöм сьö-лаяссö. Изъя берегысь лыйисны и кык ыджыд чукчиöс. Аддзы-лiсны йöраöс, кодi сулалiс кыр йылын да видзöдiс локтысь пыж былö. Но матöдз эз сибöд, сайöдчис пуяс сайö. Анатолий ыззис:

— Ёртъяс, вай видлам йöрасö туявны. Сийö ылö эз мун. Сы мында яй ваям, мый гортсаяс сёысь аттьöаласны.

Иван жö пыжыслысь öдсö нöшта на öдзöдiс:

— Первой корсям Василей дядьöс. Сэсся кötь йöраöс, кötь ошкöс лыям.

...Сöмын пемдiгас нин воисны урчитöминö. Джуджыд берегын сулалiс вöр керка, орччөн — пывсян. Рытиввыв-сибырса лайка Батыр медводзөн чеччыштiс муö. Ставөн öтвылысь катлiсны ноп-эмбурсö. Леонид Матвеевич вöзйис:

— Вай юксям: öти пач ломтö, мöд — пусьö, а тэ, Иван, кытшовт керка гöгöрыс, друг да мыйкö казялан.

Коркö-некоркö пуксисны пажнайтны. Сьöла шыдлөн кöрыс вöли чуймöдана чöскыд. Пызан былö лэптiсны еджыд юра кык сулея. Леонид Матвеевич да Иван муртса видлiсны курыдторсö. Öльöксан да Анатолий кыкнансö помалiсны. Сёйигмоз сёрнит-чисны, мый медводз кытшовтасны вöр керкадорса ягсö, ю öтар-мöдар берегсö. Эскисны: кытчöкö кутшöмкö да кок туй, дерт, колис. Сэсся водiсны.

Садьмисны ставөн öтвылысь. Иван чеччис, биалiс пöнар. Му-кöдыс тшöтш жö пасьтасисны. Иван друг юалiс:

— А кöнi Толя? Ружьеыс стенмын, сапöгыс со и...

— Ывлаö, кöнкö, петiс. Часлы, локтас,— шыасис Öльöксан.

Ывлаын пестiсны би, öшöдiсны сы весьтö са сьöд чайник. Пызан былö лэптiсны калбас, сыр, шöралiсны нянь, тасьтиясын руалiс тöрытъя сьöла шыд. Анатолий пызан сайö эз во.

— Тöрыт Толя ёнакодъ гажмис. Гашкö, ывлаас петіс да көн-кö узьö. Палялас да локтас,— эскöдіс Öльöксан.

Ывлаыс ньöжйöникөн югдіс. Ставөн чöла пукалісны пызан сайын. Иван вердіс понсö, сэсся лэдзис вöля вылö. Батыр окотырысь уськöдчис пуяс сайö. Вөр керкаын сійö войбыд ышло-лаліс, ас ногыс майшасис, пармаö пö вайисны, а дом йылын көзяиныс видзö.

Иванлөн быри терпенньöыс да горöдіс:

— Толя! Толя! Шыдыд көдзалö!

Здук-мöд мысти кыськö көзяин дорö чеччыштіс Батыр. Мыйкö вомас вайис. Иван ышловзис:

— Да тайö жö часі. Кытысь аддзин?

Батыр чикыль бöжнас ворсыштіс. Леонид Матвеевич да Öльöксан матыстчисны. Иван бергöдіс часісö да лыддис:

— «На память Анатолию от сослуживцев». Сідзкö, тайö Толялөн. А кöні нö ачыс?

Öдйö нопъясисны, босьтісны öружие да öтчукөрөн мунісны пон бöрся. Батыр лыйыштіс пуяс сайö. Неыджыд котыр муніс векньыдик визирöд. Быдөн ас кежас мөвпаліс. Пон сэсся эз петкöдчыв. Километр мысти кымын водзын восьлалысь Иван сувтіс.

— Батыр абу овчарка, мортлысь кок туйсö оз корсь. Часісö тай вайис жö-а. Эз-ö омöльтор ло... Мыйкö тан неладнö. Леонид Матвеевич, тэ мый думайтан?

— Кутшöмкö кывкöртöд вöчны, чайта, водз на... Вай гөгöртам вөр керка гөгöрыс. Первой вöчам ичöt кытш, сэсся ыджыдджыкöс.

Бөр бергöдчисны. Куим морт мунісны öта-мöдсянныс некымын сыв ылнаын, быдөн сюся видзöдіс кок улö. Матыстчылісны юлань да бөр бергöдчылісны... И тадз некымынысь мунісны. Медбөръяысьсö — вөр керкасянь куим километр ылнаын. Но дзик нинöм эз аддзыны. Неыджыд шор дорö биасисны, пузьöдісны чай.

— Мый кутам водзö вöчны?— шыасис Иван.

Леонид Матвеевич мөвпалігмоз вочавидзис:

— А гашкö, ми прöстö повзим. Колöкö, Толя öні вөр керка дорын. А часісö уськöдіс. Олöмад быдторйыс овлö. Но век жö, чайта да, колö öтчукөрөн кутчысьны. Мыйкö тані збыльысь чуймöдö-повзьöдö...

Водзын сьöкыда кыпöдчис чукчи. А сэсся вөр-валысь унзільсö пальöдіс Батырлөн увтöмыс. Иван нопъясис.

— Мунöй керка дорö. Ми Батыркöд вötöдам.

Леонид Матвеевич да Öльöксан сідз и вöчисны. Тайö визиртіыс найö эз на ветлыны. Но видзöдны кö карта серти, сійö петкöдö стöч вөр керка дорö. Мунісны тэрмасьтöг. Бöрсьыныс кыліс лыйöм шы. Сідзкö, чукчи дорö Иван сибöдчис.

Син водзаныс вöрыс югдіс. И аддзöмторйыс найöс шемöсмöдіс. Матö верст пасьта-кузьта ягсö вынйöра бушков ставнас пузувтöма. Öткымын пожöм чегöма, мукöдсö вужнас нетшыштöма... Быттö ярмöм Ягморт вын-эбöссö песöма. Воськыда мунöм йылысь нем и думайтны. Татшöминад коктö чеган. Кытшовтны али бөр бергöдчыны? Öльöксан юаліс:

— Леонид Матвеевич, мый кутам вöчны?

— А вай бөр бергöдчам. Воськыда мунны ог вермöй. Кытш-

лавны сьод парматі — уна кад воштам. Иван кутас майшасьны. Визирті восьлавны кокниджык. Сідз өд?

Дерт, кытшов жö эськө артмис, но дась ордымті мунны лө-сьыдджык. Вөр керка дорын тшынасис бипур. Иван, кор кыліс Батырлысь увтыштөмсö, бергөдчис. Чужöмыс вöлі зумыш.

— Ме повзыштікодъ, вель дыр он локтöй да. Мый, мися, бласлö Кристос, лои нин?

Леонид Матвеевич вочавидзис:

— Лои бергөдчыны. Бушков чайшöма-пөрөдöма пожöмгьяссö. Визирыс пöшти на шөрö и петкөдіс.

— Бур, мый бергөдчинныд. Ме, терпеннöй быри да, весь-көдчылі тiянлы паныд. Төв нырөн пузувтöминö вои, да бергөдчи жö. Керкасянныс абу ылын — муртса километр. Но тайö абу главнöйыс. Сійö местасьыс неылын пон увтіс ошкөс. Кок туй сертиыс — вель ыджыд зверь. Дай мудер. Кыдзкө вывтi нин кокниа Батырысь мынтөдчис. Весиг шемöсми — лайка дас минутсö эз увт, видзöда да, ме дорын нин... Кыкөн сэсся сэтчанö ветлім. Та ыжда жö кок туй аддзылі чукчи лыянінысь. Пашкыр ныв пу улö быттö дзебсьылöма али кодöскö кыйöдöма ошкыс. Меным тай тадз кажитчис. Леонид Матвеевич, вай аски ветлам да видзöдлам. Гашкө, став омöлыс нин каститчö да.

Ставөн өтвылысь босьгчисны пусьыны: öти биасис, мөд чукчисö куштіс, коймөд картофель весалис. Дыр олісны чöv. Шыдсö пуис Леонид Матвеевич. Иван сэк кості лэччыліс ю дорö вуграсьны, вайис дас сайö ком, кыв шутөг заводитіс черисö пражитны. Пызан сайö пуксьытөдз Леонид Матвеевич паніс сёрни:

— Ёртгяс, чöv овны оз ков. Ме, дерт, гөгөрвоа, мый лов ылын абу зэв гажа. Öні, чайта да, нöшта на ёнджыка колö öта-мөд бердö кутчысьны.

Пызан вылö Öльöксан лэптiс еджыд юратö. Кружкаясö муртса чолькнитышталіс. Чöла юисны. Шыдсö панялігмоз сійö бара на нюжөдчис сулея дорö. Леонид Матвеевич кружкасö бергөдіс. Ме пö сэсся ог көйы. Öткажитчис и Иван. Öльöксан вочасөн штопсö öтнасөн бырөдіс. Мортыд гажмис.

Узьны водігөн Иван понсö бара на керкаас пыртiс да өдзöс дорас домалис. Мудзöм йөз өдйö унмовсисны. Öльöксанлы эз узьсы. Окота на вöлі содтöд курыдторсö чипнитны. Гусьöникөн нопсьыс перйис водка сулея да петіс керкаысь. Ывла вылас бипурыс вöлі нин кусан выйын. Ловзьöдыштiс бисö. Ачыс пуксис кер пом вылö, паныдөн мөд кер пом сувтөдіс. Сы вылö сэсся сувтөдіс дозсö, кружкасö, газеттор вылö пуктіс шөрöм нянь, калбассö пуртөн вундаліс. Кисьтіс кружкаö, тэрмасьтөг юис. Лов вылас лои шоныдджык. Да-а, а мый нö эськө Толя ёртыскöд лои? Быттö өд му пырыс муніс... Мутиыс өд тані оз жö, буди, ов? Сы йылысь сöмын мойдын мойдöны. Бара на сулеяысь кисьтіс кружкаö. Друг быттö көнкö лов шы кыліс. Гөгөр видзөдліс — некод абу. Тыпу, сьöлыштiс-карснитіс. И пөрөдіс во-мас кружкасö. Штопыс вочасөн тыртöммис, ачыс öтарö гажмис.

Асъядорыс, кылö, вөрзис Батыр, унзиль сорыс весиг эргыштiс... Иван юрсö лэптiс:

— Тэ нö мый сэнi воюйтан? Узигад нин ош-саныс дэльөдчöны...

Пон чеччис, мыйкө дыра исасис, сэсся өдзöс дорас нюжөдчис-водіс. Югдытөдзыс куйлісны. Иван ни Леонид Матвеевич

эз узыны, кыкнанныслөн унмыс быттё палялёма. Быдён мыйкё ассыс мөвпаліс. Чеччисны сэк, кор лайка заводитіс ывлаё вөз-йысьны. Сэки сөмын аддзисны, мый Ольёксан керкаас абу. Ота-мөд вылас видзөдлөм бөрын кыв шутөг петісны ывлаё. Иван дом йылын петкөдіс Батырөс, Леонид Матвеевич киас босьтіс ружье.

Бипурыс, дерт, кусёма. Сылы паныдөн — кык кер пом. Оти вылас газеттор вылын куйлісны няньтор да вундалөм калбас, Ольёксанлөн пуртыс, кружка пыдөсас — водка, тыртөм сулея-ыс — му вылын, но муртса бокинджык. Быттё кодкө сійөс чужйёма. Иван горөдіс:

— Ольёкса-а-ан!

Горөдөмыс садьмөдіс унзіль пармасө. Неылысь жбыркнитіс кык сьёла. Иван понсө эз лэдз, мөдарө, дом поводсө көртыштіс өдзөс вугйө. И видзөдліс Леонид Матвеевич вылө. Мөдыс синнас ошкыштіс ёртыслысь вөчөмторсө. Найө кыкнанныс матыстчисны Ольёксанлөн пируйтанінө. Медводз кытшлалөмөн туялісны мусө. Но мый аддзан кос сукар кодь муысь? Иван сувтіс пидзөс вылас да киас босьттөг видзөдіс курччөм няньсө, калбассө, исаліс кружкасө. Сэсся шыасис:

— Леонид Матвеевич, видзөдлы, мортыс быттё кисьтёма кружкаө водкасө, заводитёма юны, но мыйкө сійөс торкөма, кольөм курыдторсө бөр пуктөма, тэрмасьөм сорөн курччөма калбас да нянь. Здук кежлө быттё кытчөкө вешйылёма... Мыйкө гөгөрвотөмтор тані вөчсьө...

— Ваня, а тэ өд прав. Сідзи, буракө, и вөлөма. Кывзы, вай первой чай юам. Мича луннас нин кытшовтам матігөгөрсө. Ог эскы, мед дзик некутшөм туй эз коль.

Сөйисны-юисны. Леонид Матвеевич эз варовит, ас кежас мыйкө мөвпаліс. Тайө ясыда петкөдчис. Иван юаліс:

— Леонид Матвеевич, мый тэнө майшөдлө? Быттё мыйкө тэнө йирө...

— Ваня, миян ныр улын воши кык морт. Лөк мөвпгьас юрө воёны. Гашкө, матігөгөрас збыльысь эм кодкө. Мортлысь ловсө босьтөмыс сылы быттё кутшөмкө радейтана удж. Но сап пемы-дын морт өдвакө вермас сьөд вөрті келавны. Толя да Ольёксан, тыдалө, войнас мыйкөкерисны. Мөд-кө, кыкнан ёртным асья ру моз сыліны. Толялөн сөмын часыс сюри. Коймөд-кө, найө вошины бура дарьясьөм бөрын. Код юра морт, дерт, кокниа вермас вөрын ылавны. Но сьөрсьөн-бөрсьөн кык вөралысь? Төдан, таысь өтдор со мый некыз ог гөгөрво — мыйла пон эз увтышт? Эз кывлы? Ог эскы. Али кутшөмкө помка вөсна кыкнан вошөмаыс асьныс керка дорысь вешйисны... Вай вөчам тадз: өні өта-мөдысь ог сэсся торйөдчөй. Пыр ки улын мед вөлі ружье. Чайта да, пуляа патрон бурджык стволө суюны. А вот мый Батыркөд вөчны? Талунсянь сійө миян син да пель. Кыдзкө видзны сійөс колө... Тэ сөглас, Ваня?

— Мый сэсся вөчан, Леонид Матвеевич. Дерт, лайкаөс вөрті дом йылын вөдитны сьөкыд. Но быть ковмас. Ме кызкө эг ка-зав, мый вошөны код юра йөз. А өд Василей дядь вошөма ёна-кодь жө юөм бөрын. Асывнас пөкмеллясө веськөдны мунөма вөрса өти неыджыд ю дорө. Сыкөд орччөн эм изьяин. И буретш изьяс костас артмөма неыджыд ты сяма. Тасянь сьөдз уна вы-

лӧ верст кык. Нелямын градус кӧдзыд дырйи сӧні ваыс муртса кеняслӧ-йизьӧ. Шондӧдӧм бӧрын ваыс бара восьса. Та вӧсна пӧ тӧвбыд тыыс руалӧ. Тадз Василей дядь вӧлі висьтавлӧ. Тыас, вӧлӧм, быд дой позьӧ бурдӧдны. Василей дядь ӧтчъд коз увйӧ сапӧгсӧ косялӧма дай увйыс кок пӧксӧ ёнакодъ чашнитӧма-орӧдӧма. Лун мысти воськовтны абу нин вермӧма, пыктӧма ко-кыс. А бурдӧдӧма тыас. Коксӧ, вӧлӧм, ваас видзӧ. Лунтыр. Нель лун мысти бурдӧма. А сӧсся йӧраӧс лыйӧма да ю дорӧдзыс ма-тӧ сизим километр ас вылас яйсӧ петкӧдӧма.

— Ваня, чайта да, колӧ сэтчӧ ветлыны. Ӧні первой корсьы-сям керка гӧгӧрыс.

Нопйӧ суйисны ичӧт чер, пӧрт да сӧян. Заводитисны туясыны. Югдӧс нин. Некымынысь кытшовтисны керка гӧгӧрыс. Бӧръя-ысьсӧ матӧ километр пасьта кытшов сямӧс вӧчисны. И некы-тысь нинӧм эз казавны. Да, пармаыд тай кужӧ дзебны кок туйтӧ. Леонид Матвеевич бара зумышмис:

— Ваня, ми сӧмын ю дорас ӧтчъд петалім.

— А мый сӧні вӧчнысӧ? Векныдык видз да бадь визь. Важӧн нин кырнышгъяс лӧбалісны, вӧлі кӧ сӧні кутшӧмкӧ яй коляс.

— Ваня, вай бергӧдчылам керка дорӧ. Усьӧм сулеяыс оз-ӧ отсав...

Керка дорас Иван выльысь биасис, ӧшӧдіс пӧрт. Чай пӧ юам, сӧсся заводитам выль пӧв корсьысыны. Леонид Матвеевич жӧ дыр сулаліс Ӧльӧксанӧн медбӧръя пируитанінас. Ӧти ног видзӧд-лас, бокӧ вешйӧмӧн бара на мыйкӧ мӧвпалӧ-донгъялӧ. Чай юигӧн весиг синсӧ Ӧльӧксанӧн кольӧм сулея вылысь эз вешты. Друг сійӧ пуктіс кружкасӧ кер пом вылӧ да шыасис:

— Ваня, аддзан, кыдзи сулеяыс куйлӧ. Ӧльӧксан, ме ног, сійӧс пуктӧма кер пом вылӧ. Водкасӧ помӧдзыс мыйлакӧ абу юӧма, пуктӧма кружкасӧ. Чеччигмозыс пидзӧснас кер помӧ инмӧдчӧ-мысь сулеяыс муас усьӧма, а воськовтігас кокнас чужйӧма. Су-леяыс, аддзан, бокӧ лӧбӧма. Видзӧд, кабалаыс чужйӧмсьыс ко-сяссьӧма.

— А сідз ӧд и, буракӧ, вӧлӧма. Артмӧ, мый Ӧльӧксан мунӧма со эстчӧ. Вай ветлам.

Но мыйкӧ выльтор эз казавны. Ветлӧдлісны, корсьысисны, сӧмын ставыс весышӧрӧ. Иван муніс чай юны. Леонид Матве-евич друг казалис нитш клӧк. А кодӧ да кытысь сійӧс нетшыштӧс? Татшӧм сям гӧрӧдгъяссӧ археолог радейтис разыны. И аддзис ӧд — пашкыр коз дорысь быттьӧ кодкӧ сапӧг нырнас нитшсӧ чужйӧма. Сувтіс пидзӧс вылӧ и кынмис — коз чаляс ӧшаліс гӧн клӧк. Вылынджык увйыс чегӧма... Водзӧ пидзӧсчанясьӧмӧн мунігмоз нитшсьыс аддзис... патрон.

— Ваня, лок татчӧ,— горӧдіс ёртыслы.

Кыкӧн дыркодъ на корсьысисны, но сӧсся нинӧм эз сюр. Пат-роныс, дерт жӧ, вӧлі Ӧльӧксанӧн. Сійӧ лыйсис сӧмын магазин-ысь ньӧбӧм «Феттер» патронӧн.

Кыкнанныс чӧла восьлалісны визирӧд. Век жӧ шуисны талун видзӧдлыны бурдӧдчан тысӧ. Лайкасӧ Иван нуӧдіс дом йылын. Мунігмозыс эз сёрнитны. Ты дорас воигӧн Батыр тшӧтясис. Кыкнан вӧралысьыс киас босьтисны ружьесӧ. Пон исаліс сынӧд-сӧ, кывзысис... Тыыс вӧлі неыджыд, пӧшти гӧгрӧс, некымын метр пасьта-кузгъта. Гӧгӧрыс — ош кок туй. Лапаыс вель ыджыд.

Сідзкө, зверыс арлыда нин. Иван индіс:

— Леонид Матвеевич, видзөд, веськыд бөръя кокыс муртса ичөтджык шуйгасыс... Мыйла?

Но сійö эз вочавидз. Археолог сулаліс пидзöс вылас.

— Ваня, ме кизь аддзи. Со нöшта öти. Вурыснас быттö не-тшыштöмаöсь.

Неыджыд из дорыс сійö аддзис некымын чигарка пом, ку-сöдöм истöг тувъяс. Чöв олыштöм бöрын Леонид Матвеевич кывкöрталіс:

— Тайö из вылас пукавлöма куритчыс морт. Но мыйла кизьяссö орöдöма? Ачыс-ö тайöс вöчис?

Иван быд аддзöмтор пуктіс торъя целлофан пакетö. Бара на биасис. Чай пузьöдігмоз видзöдіс учёнойлыс корсысьöмсö.

— Леонид Матвеевич, лок, чай пузис.

— Ваня, со сынан...

— Да тайö жö Василей дядьлөн... Видзöд, пиньясыс нин ниртчöмаöсь. Тайö сынансö сылы козынавлöмаöсь санаторийын, баянөн ворсöмысь. Помас гирийöма «В» шыпас. Аддзан со...

Сёрнисö торкис Батырлөн эргöмыс. Ярмöм пон дульнас весиг виньдіс. Тшöтьсö лэптöма, синмас би киньяс ломалöны, лёкыс увтö... Паныда быдмысь коз-нъывлөн лапйыс вöрзис, на сайын кодкö вуджöртіс. Иван уськөдчис ружьелань.

— Тайö ош. Йöз угодыöö, тыдалö, миян пырсöма.

Чöв олыштöм бöрын горöдіс:

— Пармаса көзяин! Тэысь, зонмö, ми ог полöй!

Коркö-некоркö лайка лönис. Но помся кывзысис, сынöдсö иса-ліс и.

Нуръясьöм бöрын вöралысьяс веськөдчисны керкалань. Батыр бара муніс дом йылын. Ёртъяс вöчисны кутшöмсюрö кыв-кöртöдъяс.

— Леонид Матвеевич, тэ мый думайтан?

— Кизьяс, сынан, патрон, часі... Но көнöсь вошöмаясыс? Шойясыс öд эз сывны?

И тайö здукас лёкыс эргöмөн Батыр чашнитчис коз чукөр-лань. Иван тайкö кок йывсьыс эз усь. Леонид Матвеевич квати-тіс пельпом сайсыс ружьесö, но лыйны эз удит. Мугов мыгөр саяліс пуяс сайö. Иван тшöтш босьтіс киас ружье.

— Леонид Матвеевич, оз-ö ошкыс миянöс кыйöд? Ноко, вай ветлам да кок туйсö видзöдлам.

Но нитш вылын некутшöм туй эз тыдав. Тшöтъясьöм пон исаліс мусö... Леонид Матвеевич бара аддзис чегöм нъыв вож да гөн ёкмыль. Но тайö пöрйö сійö нинöм эз шу.

Югыднас на воисны керка дорö. Леонид Матвеевич вöзйис ветлыны ю дорö. Бадьсö пö колö видзöдлыны. Гашкö пö, лыа вылын кутшöмкö да туй коли. Муртса вöчисны некымын воськов, кыз Батыр бара заводитіс увтны козъяслань. Иван лэптіс ружьесö. Некымын здук сулалісны. Лайка сэсся лönис.

— Леонид Матвеевич, тайö меным оз кажитчы. Талун, гашкö, некытчö ог мунöй?

— Ваня, миян час-мöд эм на. Вай ветлам ю дорö. Ош — зверь, но öд кык ружьеөн сяммам жö дорйысьны. Дай Ба-тыр — молодец, ас кадö юөртас сылөн матысмöм йылысь.

Вөр керкаыс сулаліс юыскöд орччөн. Найö лэччисны шуйга-

выв увлань, көні вöлі виддзыс. И регыд мысти аддзисны ош трöпа. Сійö лэччис буретш бадь визьлань. Друг сэні көнкö кыліс зверьяслөн эргём-тышкасьöмыс. Вöралысьяс сувтісны, а Батыр тшö-тясис. Сэсся друг ставыс лöнис. Некымын здук мысти найö аддзисны, кыдзи пуяс сайысь, метр 300 ылаын, петіс ош, зэв тэрыба котöртіс яглань, сы бöрся вöтчис мöд ош, но ёна ыджыд-джык. Медводдзаыслы пуяс дорöдз коли некымын воськов, кыдзи бадь визьысь петіс коймöд ош, коді вöлі нин повзёдана ыджыд. Сійö лабутнöя восьлаліс пышйысьяс бöрся. Но тан сувтіс, кор төвруыс сы нырö вайис мортлысь дуксö. Сувтіс бöрья кок вылас, быттö петкöдліс ассыйс вынйöра туша-мыгöрсö. И тайö кадас Иван горöдіс:

— А-а-а, со сійö көні, трустыд!

Мортыд енэжас шковгис-луйис. Ош весиг эз вöрзы. Недыр сулыштöм бöрын веськöдчис вöралысьяслань, весиг заводитіс налань рöдтыны. Иван вежис патронсö.

— Но лок, лок. Ачыд тай пуля улö пыран. А куыс добра дай мича. Бур ковёр лоö. Кило 500 кымын яйыс и.

Батыр уськöдчис зверлы паныд. Лайка сэтшöма ярмис, мый эз увт, а лёкысла сöмын эргис. Понлысь гөлөссö кылöм бöрын ош сувтіс, бара сувтіс кыккокийв, сынöдсö выльысь исыштöм бöрын уськöдчис пышйыны яглань. Вöралысьяс видзöдлісны öта-мöд вылö. Пожöмъяс пöвстö ошлөн саялöм бöрын Иван вöзйис:

— Леонид Матвеевич, гашкö, бөр керкалань бергöдчам. Мый-сюрö колö мөвпыштны. Тайö ошкыс мортысь оз пов.

И найö бергöдчисны. Но медводз жежалісны пыж дорö, мыйкö дыра сэні ноксыштісны. Уна вылö час кымын коли. Кор матыстчисны керка дорö, кыкнанныслөн юрсиыс сувтіс. Öдзöсыс гурийв восьса, öшиньсьыс стеклөсö кодкö пазьнитöма... Вежöс пытшкөсас серпасыс абу жö бурджык: эшкын-юрлөс джоджас, мыйсюрö косялöма лестукöдз, ногъяс чашйöма... Иван пöрччис нопсö да заводитіс чукöртны паськөмсö. Леонид Матвеевич кыв шутöг кисö сылысь кутіс, сэсся лöня копыртчис да нюжöдчис пызан улö. Иван мыйлакö ружьесö киас босьтіс.

— Ваня, лок татчö,— корис сійö ёртсö.— Видзöд, леменьысь кыкнан кружкасö быттö нарошнö куснялöмаось-лямöдöмаось. Тайö кружкаыс Толялөн да Öльöксанлөн. Мукöдыс со джодж шöрас дзоньось.

Иван босьтіс кыкнан кружкасö киас, мыйлакö исыштіс öтисö, сэсся мöдсö. Сувтіс кок йылас да котөрөн сорөн кватитіс джоджын туплясьысь мукöд кружкасö.

— Леонид Матвеевич, а тайö кык кружкаыс — водка дукаось, мукöдсьыс öд сöмын чай юим.

— А ме тайöс тöді. Ваня, эскы көть эн, а тöдтöм морт виысьыс, ме ног, терпитны оз вермы водка дук. А нöшта, чайта да, полö понйысь.

— Тэ көсьян шуны, мый тайö талун аддзылöм ошкыс? Но а көні, сідзкö, вошöмаясыс? Либö көть нин шойясыс?

— Ваня, ме стöча немтор на ог тöд. Казялін, кодкö волöма миян ветлігкості? Войнас ни луннас миян дорö сійö оз матыстчы. Мыйла? Да Батырысь смертьысь моз полö. Аски, чайта да, мыйкö югзяс. Колö нöшта корсьыштны юдорса бадь визьын.

— Леонид Матвеевич, аскиӧдзыс ӧд дыр на... Висьтав кӧть ылӧсас, мый думайтан.

— Иван, вай меным час кымын кад. Вежӧс пытшкӧссӧ пер-вой пелькӧдам, пусям... Сӧйигӧн и варовитам.

Тадз и вӧчисны. Батырӧс домалисны ӧдзӧсӧ. Кыкнан ружьеыс ки уланыс. Ваныс тырмымӧн. Пестісны ыджыд би. Иван весиг заводитіс вомгорулас мургыны кутшӧмкӧ долыд сьыланкыв. Бидорса пызан вылын сӧйисны. Леонид Матвеевич кыв эз шу. Чай юигӧн шыасис:

— Лӧсьыд эськӧ тадзитӧ бипур дорад пукавны да. Видзӧдлы енӧжас — кодзувсӧ быттӧ пожайыс койыштӧмаӧсь. И татшӧм мичас морт виыс овмӧдчӧма.

Иван чӧла видзӧдіс ыджыдджык ӧрт вылӧ. Леонид Матвеевичлӧн гӧлӧсыс чорзис:

— Гашкӧ, ме и сорася, но тані пакӧститчӧ кодкӧ гӧна. Помнитан Толялыс часісӧ. Видзӧдлы сюсьджыка браслет вылас. Сэтчӧ пысасьӧма руд гӧн сі. Олъӧксанӧ корсигӧн коз увйыс гӧн клӧк жӧ сюри. А лямӧдӧм кружкасыс казялін зверлыс пинь туйсӧ?..

Иван чечыштіс места вывсьыс. Нопсьыс перйис казтылӧм эмбурсӧ да заводитіс найӧс видзӧдны. Леонид Матвеевич чӧла видзӧдіс би вылӧ. Водӧм водзвылас ӧдзӧссӧ пыкисны. И Батырӧс сы дорӧ домалисны. Ружьеясыс сулалісны юр дорас. Пыр и унмовсисны...

«...Ваня, садьмы!» Кодкӧ сійӧс пельпомӧдыс летйис. Синсӧ восьтіс, а сы водзын сулаліс... Василей, сы сайын Толя, сӧсся Олъӧксан. Куимнанныс синтӧмӧсь, вомтӧмӧсь... Иван кватитіс киас ружьесӧ. А ӧртъясылӧн мыш саяс кодкӧ, кылӧ, вак-вакӧн сералӧ. Коді сійӧ? Тыдалӧ сӧмын мугов мыгӧрыс да гӧныс... Вомас пиньясыс быттӧ крокодиллӧн... Иван ружьесӧ лӧптіг-мозыс витіс мугов мыгӧралы плешкас да пезьдіс-луйис. А сійӧ пиньяссӧ жергӧдӧмӧн юрсӧ бокӧ катовтіс, и пуляыс юр боктіыс лӧбис. Вӧралыс мӧдыс шковгис, но гӧна плешкаыд бара юрсӧ катовтіс... Морт шӧйӧвоши. А мугов рӧмаыд паныда сулалӧ да гылыда гӧрдлӧ, содтӧд кузь кывсӧ петкӧдлӧ, быттӧ дӧльӧдчӧ.

...Иван садьмис. Но и вӧтассяс жӧ. Ки пыдӧснас чышкис пӧсялӧм плеш-чужӧмбансӧ. Кӧть пернапасась. Муртса кыпӧд-чыліс: Леонид Матвеевич узис. Иван бергӧдчис бок вылас.

А тайӧ кадас юдорса баддын ыпнитіс тыш. Лӧкыс равзӧм-эргӧмыс повзӧдіс матігӧгӧрса быд ловъя ловсӧ. Пыста, сьӧд-бӧж — ставӧн пышйисны. Шыр шай-паймуні, сутшкысис турун пӧвстӧ. Кык ошлы паныд сулаліс коймӧд, вель ыджыд зверь. Сійӧ повтӧг варгыльтіс налань. Кыкнанныс жӧ эргисны-гораліс-ны, пиньяссӧ жерйӧдлісны... Тадз быттӧ кӧсйисны кортӧм гӧс-тӧс повзӧдны. Но весышӧрӧ. Паныдӧн сулалысьясӧс сійӧ во-часӧн зырис сук бадьянь. Видз вылӧ пышъян туйсӧ потшис. И ставсӧ вӧчис чӧла. Весиг эз эрӧстлы. Тӧдіс ассьыс вын-эбӧссӧ. Сувтіс бӧр кок вылас. Кыкнан ошкыс ланьтісны. Та ыджда зверӧс некоднанныс, дерт, эз на адзывны. На водзын сійӧ су-лаліс быттӧ ыджыд из. Повзӧмысла заводитісны шыавны-го-равны. Сьӧкыд вӧлі гӧгӧрвоны, корисны-ӧ найӧ прӧща али бӧр-дісны, вӧльной светыскӧд-ӧ, олӧмыскӧд-ӧ янсӧдчисны.

И тайö шыяс улö чöла ыджыд ош уськöдчис на вылö. Öтиыс, тыдалö, мöвпыштис пышйыны, пуля моз лыйыштис видзлань, но вынийöра лапаөн öвтыштöмысь сутшкысис нырнас лыаö. Син дорсяныыс пель сайöдзыс потöм кучикысь ыльöбтис вир. Ёртыс сувтис паныд, видлис эськö дорйысьны, но ыджыд ош здукөн пöрöдис му вылö, пиньнас шашаритчис сьылиас. Кротшмуні сюрса лыыс... Здук мысти чеччыштис муын мöд туплясьысьлань, коді юрсö муртса заводитис лэптыны. И сійö сöмын удитис вöсна чилöстны.

Ярмöм ош ас гөгöрыс видзöдлис, но некодöс сэсся эз аддзы. Но некыдз эз вермы кöдзавны, вывті нин кокниа виис эсійöясöс. Кватитис лапанас орччөн сулалысь ыджыдкодь бадь да шöрипельö чегис. И вöлисти эрöстис, мед ставөн кылісны, тöдісны, код тані көзяиныс.

Та бöрын кыкнан виöм зверсö öтилаö кыскис, чегьяліс бадь вожсö да наөн вевттис... И юрсö вылö кутöмөн веськöдчис яглань. Вуджис видзсö. Воис радейтанаинас. Сук ньыв пуяс пöвстö и водіс. Пыр жö лönис. Вöтасис радейтана мамсö, кыкнан чой-воксö.

Шуда вöлі челядьдырыс. Мамыс найöс велöдис корсявны пöрöм пуяс кырсьысь чöскыд пучöйясöс, чашйыны-пузувтны кодзувкоткар, пытшкас сы мында еджыд колькйыс. А кутшöм чöскыд вöлі öмидз. Вомад сылö! Ставыс тайö помасис.

Öти арся лунö ю вылысь кыліс кутшöмкö шы. Мамыс звирк чеччыштис. Кык пиыс орччөн узисны. Коймöдыс, медся ичöтыс, кыдзи пыр, кöнкö шландайтис. Сійö здук места вылас эз öшйы. Сы вöсна мый быдтор көсйис тöдмавны. И со öні, кор кыліс тöдтöм шысö, тюрöдис восьса видз вылö, сувтис бөр кок вылас да заводитис видзöдны матысмысь мотора пыж вылö. Мый тайö татшöмыс, дерт, эз тöд. Сідзкö, колö туявны. Экма, ичöt ошпи весиг эз вермы мöвпыштны, кутшöм налькйö ачыс веськалас дай лоö мыжаөн мам да чой-вок водзас.

Сяргысь кер, кыдзи нимтис мотора пыжсö ошпи, крута бергöдчис береглань. Берегас тшукöм бöрын пыжсьыс чеччыштис сы кодь жö нель кока, но читкыль бöжа зверь, коді пыр жö уськöдчис сы вылö, кутис пурны-курчавны, чашйöмөн чашйис... И ошпи бөрэдзис, мамсö отсөг вылö чукöстис. А мамыс лэбис нин сылань. Лайкалы сötис лапанас кос шöрас... Кулöм водзвылас пон весиг никöстны эз удит. Но тайö здукö мамыс вылö уськöдчисны нöшта кык пон. Öтиыс шашаритчис бекъяс, а муртса зверь сыланьö бергöдчас — мöд понйыс нин яйсö чашйö. Ува-ава, эргöм... Сэсся кыліс некымын лыйöм шы. И мамыс лönис. Пиыс нырсö дзебис сылөн киняулö, но понъяс сійöс и сэтысь нетшыштисны... Сэсся друг кодкö кватитис шошаöдыс да лэптис сынöдö. Ошпи дзикöдз повзис, шöйöвошис... Ас син водзсьыс аддзис кузьмös чужöм, кык син, ныр, гöрд ус-тош, кытысь паркйис табак да водка дук. Найö нэм помöдзыс йиджисны сы вир-вемöсö. И öні, весиг узигас, тшöтгыс лыбис.

Ыджыдджык воыс гусьöник пышйис. А чойыс тэрыба тюрöдис-кайис неыджыд кыддзö. Сійö пыр тадзи вöчліс, кор мыйыськö повзьиіс. И здук мысти нин бөрдіс, корис мамсö... Но сы пыдди локтисны кык морт, бедь помö көрталісны сутуга пекая, суйисны сьылиас да кыкисны пусьыс.

Кыкнан ошписö суйисны кыз брезентысь вурöм мешöкö. Вель дыр кык вöралысь кулисны мам ошсö, перйисны мус-сьö-лöмсö, сьуссö, сэсса кералісны тушасö... Та бöрын пестісны би-пур, пусисны. Найö некытчö эз тэрмасьны. Лов выланьс вöлі долыд. Öд вель нин кокниа лыйисны ошсö, кутісны кыкнан быдтассö. Кытчö сöмын найöс инавны? Татшöм бур кыйсьöмсö, дерт, колö пасйыны. И заводитчис гаж. Рытнас нин коддзöм мужичöйяс перйисны ыджыджык ошписö. Мыйла? Да гөгөрвоан öмöй код юраös? Öти лайкаыс бара заводитіс лёкысь летйыны зверös. Сылön öти коксьыс вирыс ыльöбтіс. Кöзяиныс домаліс понъяссö. Матъкöм сорön ошписö бөр дзумгис мешöкö, кызкö-мыйкö көрталіс.

Чойыс чöла куйліс. Вокыслön курчöм кокыс висис, но вокыс эз зыныгы, эз норась. Сы морösын чужис лöглун кык кокаяс былö. А сьölöмас вужъясис понъясысь полöм.

Би дорын, кылö, лөнисны. Ошпи заводитіс нювны доймöм коксö. Зверлön вөрöмсьыс öмöля вöчöм көртöдыс разьсис. Сійö петіс мешöкысь. Чукöстіс чойсö, мöдыс чöv куйліс. Шыш моз кыссис пемыдас. Понъяс кылісны, юрсö лэптісны, заводитісны увтны. Но дом йылысь мынтöдчыны эз вермыны. И коддзöм вö-ралысьяс эз садьмыны. Ошпи чепösйис пышйыны. Сöмын сора-сис, яглань котöртöм пыдди уськөдчис юлань, и некымын дас метр мысти бузгысис ваö. Эз повззы, кывтіс мöдлапöлас. Берегас петöм бöрын көтасьöм гөнсö весиг эз пыркөд. Рөдтіс мыйлакö ю йывлань. Дыр-ö муніс? Сійö быттö вошис чужан вөр-ваас. Öдйö восьлавны эз вермы — кокыс висис. Сэсса бара пырис ваö да юсö выльысь вуджис.

Лун-мöд мысти кокыс öді, краж кодь лои. Тувччыны прамöя эз вермы. Кынöмыс эз ёна сюмав. Асывнас пувйön пöткөдчис. Водзын, кылö, кырныш шыасис. Сылань и муніс. Воис неыджыд ты дорö. Видліс кывнас васö, көрыс торъяліс юсаысь. Кокнас, буретш доймöминön, тальччис ёсь изйö. Син водзас лои пемыд, тайкö садьсö эз вошты. И тайö здукас вильснитіс тыö. Пукаліс ваас, кытчөдз дойыс эз ланьт. Но и та бöрын косас эз пет.

Некымын лун помся воліс татчö, лунтыръясön пукаліс ваас. Öдöмыс вочасön быри. Кокыс эз нин сэтшöма вись. Но лои вич-чысьтöмтор: кыськö локтіс пöрысь ош. Сійö öмöля нин аддзис, пöшти пельтöм, но ёсь ныриса на. Зверь эргыштіс, быттö шуис, мун пö бурön татысь... И сійö муніс.

Тайö кадыс вöлі сьökыд. Кынöмпöт перйыны ёнасö эз на сяммы. Но мездіс юыс. Öти лунö бара кыліс мотор шы, а сэсса чöv-лөнсьö поткөдіс лыйöм шы. Берег дорсьыс чепösйис йöра. Ошпи лöсьöдчыліс жö пышйыны, но казяліс, мый зверыс кызкö тешкодя рөдтö. Сувтіс бөр кок вылас да кутіс видзöдны. Йöра воши син водзысь. Но коли кымынкö здук, и кыліс сылысь усьöмсö, чужъясьöм-пессьöмсö. И ставыс лөнис. Мотор шы во-часön ылысмис и быри. Ошпи матыстчис йöра дорö. Сійö вöлі эштöма нин. Тайö яйыс öні сылön. Некымын лун бура коли. Друг кыськö локтіс руч. Пыр жö уськөдчис сёйны. Мый вöчны? Бөр кок вылö сувтігön тратшнитіс ув. Руч бергөдчис, аддзис ошпиös. И медводз заводитіс исавны сынöдсö: ылын-ö мамыс? Ошпи веськөдчис ручлань. Öд тайö сылön яйыс. И таысь содіс

смеллунныс. Руч эз виччысь татшѣмторсѣ, гѣрд ньѣвѣон лы-
йыштѣс пуяс сайѣ.

Некымын воѣн сѣѣ бѣдмис, вынсялѣс. Сылы пыр, позѣѣ шу-
ны, везитѣс. Сѣмын дзик ѣтчѣд, коркѣ том дырѣиыс на, веськалѣс
пуля улѣ. Ѡмидз сѣѣгѣон эз казѣв вѣралысѣс, кодѣ резина пы-
жѣн кывтѣс. 16 калибра ружѣелѣн пуляыс бара веськалѣс доймѣм
кокас. Кокыс ѣдѣс. И сѣѣ казѣтыштѣс тысѣ, кѣнѣ коркѣ бурдѣд-
чылѣс. Некымын дас верст варгыльтѣс, некымын лун сѣсся бур-
дѣдчис... И бара сѣѣс вѣтлѣс ош, сыысь ѣна ыджыдджык зверь.

Олѣмыд бур велѣдысь. Кѣсѣян кѣ овны, пыр колѣ видзчысь-
ны: мортѣсь, тѣысь ѣнджык зверысь, ас угодѣѣ колѣ пинѣон-
гыжѣон дорѣыны... Сѣѣ велалѣс кѣйны ѣѣра. Та вѣсна эз
тшыгѣяв. Том дырѣиыс на веськалѣс ѣѣра ордым вылѣ. Сѣнѣ
кузь кокаяс ветлѣсны ю дорѣ юны. Дзебсис берегдорса кырѣѣ,
кѣнѣ бѣдмис некымын дас ньѣв. Окота лои видзѣдлыны, кыдзи
найѣ юѣны. Недыр мысти локтѣсны зѣня-пиа. Пыр и казѣлѣс,
мый бѣдтасыс висѣѣ — кок пѣвнас ѣна чотѣс. Кор ѣѣрапи ко-
пыртѣс юрсѣ, ош чечыштѣс сы вылѣ. Кытѣсь и чужис повтѣм-
луныс! Мамыс тѣв ныр моз пышѣйс. Тадз медводдзаысь джагѣдѣс
ѣѣраѣс. Сѣрѣнджык аддзис места, кѣнѣ муас вѣлѣ сов. Став зве-
рыс сѣтчѣ волывлѣс. Тшѣтш и ѣѣраяс. Бара кавшасѣлѣс мед-
дждуджыдѣнѣ, дзебсѣылѣс и виччысис, кор локтас кузь кокаыд...

Коркѣ и паныдасис мамсѣ лыысѣяскѣд. Найѣ кѣйисны ком
да кѣбѣс, вѣтѣсны ю берегас бѣдмысь ѣмидз. Накѣд вѣлѣны
понѣяс. Матѣ эз сибѣдчѣв. Куим лун мысти, кор пыжнас кывтѣс-
ны, тѣдмалѣс найѣс дук сертиыс. Арнас кѣѣѣдѣс мамсѣ виысѣяс-
ысь ѣтиѣс. Визиртѣыс мунѣгас мужичѣѣ дугдывтѣг сѣткис-матѣкис.
Ружѣеыскѣд, тыдалѣ, мыйкѣ лоѣма. Жбыркнитѣм сѣѣла вылѣ эз
видзѣдлы. Мышсянныс, пѣрѣм коз сайсянѣ, ош ѣвтыштѣс лапанас,
а сѣсся пинѣнас кватитѣс купайкаѣдыс да нуис ылѣ сѣѣ мес-
тасѣыс. Кодѣйс неыджыд гу сѣмаѣс, кыскис сѣтчѣ шойсѣ, тыртѣс
нитш-лыс лапѣон.

Мѣд вѣралысѣсѣ, гѣрд ус-тошкасѣ, дыр кѣѣѣдѣс. Но понтѣгыс
морт весиг ю дорѣ ведрѣон вала эз ветлы. А лайкаысь ош полѣс.
Та вѣсна вѣр керка дорѣ матыстчыны эз лысѣт. Кадыс мунѣс.
Бура вуграсѣм либѣ вѣралѣм бѣрын пыр гажѣдчылѣсны, а водка-
винатѣгѣд нѣ кутшѣм праздник!

Сѣѣ войыс вѣлѣ тѣла. Дугдывтѣг кысѣтѣс-зѣрис, быттѣѣ
енѣжыс розѣяссис-писѣтѣс. И ош гусѣѣник сибѣдчис. Мѣтр комын
сайсянѣ кывзысис, кыдзи керкаас ѣѣзыслѣн гѣлѣсыс гораммѣ.
Лайкаяс эз вѣвны. Гѣрд ус-тошкаыд курыд зѣлясѣ ок и радѣйтѣс.
Зверь тайѣс тѣдѣс. Нем виччысѣтѣг пемыдас югдѣс визѣ — тайѣ
ѣдзѣсыс дзуркнитѣс-воссис. Сѣсся югѣд визѣыс быри: кодкѣ
петѣс ывлаас. Тѣлыс вайис вѣрѣглысь дуксѣ. И ош лѣня заводитѣс
матыстчыны. Олѣма морт ѣнѣ кажитчис сѣтшѣм ичѣтѣн. А ѣд
сѣки шошаѣдыс ошпиѣс кутѣс, сѣсся дзумгис пемыд мешѣкѣ...
Лапанас камгис юрас. Ѡти кучкѣмѣн сѣылѣдзирсѣ песовтѣс.
Пинѣнас кватитѣс пасѣкѣмѣдыс да ѣдзѣдчѣмѣн веськѣдчис пе-
мыдас. И кыскис медшѣр вѣрѣгсѣ кодѣѣм гуѣ, тыртѣс нитш-коз
лапѣон.

Та бѣрын уна мортѣс на виис. Весиг сѣѣйс налысь дуксялѣм
нин ѣйсѣ. Нем жалитѣг помавлѣс и паныд веськалѣм ошгѣясѣс,
весиг и зѣнясѣс. И найѣс тшѣтш сѣѣлѣс. Асѣсѣ лыддис матѣгѣгѣрса

пармаас көзияинөн. Ягын ни нюрын эз вөв сылы паныд сув-
тысьыс. Вывті нин ыджыдөн да вынаён вөлі, а медшөрыс — зэв
скөрөн. Ярмөм бөрас некыдз эз вермы лөньны. Сөмын понъяс-
ысь век биысь моз поліс, ичөтдырсяньыс на, кор лайкаяс сійөс
чашйисны, коксө тайкө эз чегны...

Ош друг садьмис. Кыліс, кыдз көин заводитіс омлявны юдор-
са баддын, көні вөлі сылөн яйыс. Места вывсяньыс өдөбтіс.
Но видз помас өдсө чинтіс, сэсса сувтіс да кывзысис. Окаян-
нөйясыд, збылысь жөритөны. Шыш моз пырис баддө. Пемыд-
нас сійө бура аддзис. Со и отсөг вылө кымөр сайысь мыччысис
төлысь. Эня-ая, көинъяс, повтөг сөйисны. Весиг юрсө эз лэптыв-
ны. Сійө чөла чеччыштіс энъ вылас да пыр жө кос шөртіыс
курччис, сюрса лысө чегис. Айыс повзёмысла, буракө, винь-
дыштіс яйнас, курснитіс, да ыджыда чеччалөмөн котөртіс пе-
мыдас. Ош бөр вевттис чукөрсө бадь вожъяснас, лөга видзөдліс
көин туша вылө. Кырнышъяс, гашкө, сөясны да... Неуна бокө
водіс да лөнис.

Югдөм бөрас Леонид Матвеевич да Иван восьлалісны юлань.
Асывнас сөйигөн үчөнөй эскөдіс, колө пө баддяс быть ветлыны.
Сэні пө мыйкө вермас разьсьыны. Ывлаө петтөдз Леонид
Матвеевич перйис патронташсьыс пуляа некымын патрон.

— Ваня, вай отсав бөрийыны. Ог төд, бура-ө найөс заради-
төма. Магазинысь эськө ньөби да.

— Леонид Матвеевич, а вай асьным кык патрон зарадитам.
Менам сьөрысь порокыс эм, пистона гильзаыс, тшөтш и пуляыс.
Со этійө шусьө «Бреннекеөн». Гырысь зверлы шогмана.

— А батөй мыйлакө пыр вөдитчыліс гөгрөс пуляөн. Ичөт
дырйи, помнита, патронташсө видлалігөн сійө вөлі шуө, со эта-
йөяс — өтка пуляа патронъяс.

Зарадитчөмыс да нопъяс чукөртөмыс «сөйис» матө час. Иван
Батырөс нуис дом йылын. Көнкө ю дорсьыс кыліс мотора пыж-
лөн шыыс. Ю чукуль сайсянь кыліс сылөн матысмөмыс. И сув-
тіс буретш баддяс, налы көнкө паныда. Батыр зэвтчис да заво-
дитіс исавны юсянь локтысь төврусө, весиг бөръя кок вылас
сувтліс, тшөтясис. Леонид Матвеевич гусьөник шөпкөдіс:

— Ваня, вай лөня да видзчысьмөнджык...

Бадь визьө найө пырисны ош ордымөд. Лайка исаліс мусө.
И тайө здукас Иван аддзис руд көинлысь шойсө, неылын — бадь
вож чукөр. Бергөдчис, медем тайөс висьтавны ыджыдджык
ёртыслы... Нем виччысьтөг Батыр нетшыштчис. Джынвийө бер-
гөдчөм вөралысь сапкыси-уси. И му вывсянь нин сынөдсьыс
аддзис катласьысь юра мортөс. Батыр чашнитчис, дом поводыс
чеччыштіс Иван кийысь да крукачис орчча бадьлөн чегөм кыз
вожйө. Иван чеччыштіс кок йылас. Сы водзын сулаліс ош, коді
вомас кутіс морт шой. Зверлөн синмыс ломаліс. Иванлы кажит-
чис, мый ош быттө нюммуніс. Вөралысь лэптіс ружьесө, витіс
ошлы плеш шөрас да личкис куруксө. Боёкыс тітшнитіс пистонө
кыдзкө вывті нин гораа: пөръяліс патроныс. Кийыс кутіс посниа
тірзыыны. Мушкаыс йөктіс. И тайө здукө шковгис лыйөм шы.
Ошлөн веськыд пель пөлыс уси. Зверь равөстіс. Иван тэрма-
сьөмөн босьтчис вежны патронсө, но некыдз эз вермы перйыны

патронташсыыс. Горөдіс, шыбитіс ружьесө да перйис пуртөссыыс пурт. Ош сувтіс бөръя кок вылас. Иванысь сійө вөлі ёна ыджыдджык. Зверь тэрмасытөг бөр лэччис му вылө да здук кежлө өшөдліс юрсө.

Бара шковгис лыйөм шы. Ош сатшкысис лыа вылас, кокыс весиг эз вөрзыйв. Иванлөн мыш сайысь чеччыштіс Леонид Матвеевич, метр ынасянь кымын нөшта өтчыдысь лыйис зверлы юрас. Батыр сулаліс бөр кок вылас, сөмын вомсө восьталіс, но гөлөсыс эз вөв.

Иван ас саяс воис сөмын стөкан джын водка юөм бөрын. Киыс дыр на тіраліс.

Пажын бөрас найө өтвылысь бара мунісны ю дорө. Первой матыстчисны бадь вож чукөр дорө. Найөс вешталөм бөрын ад-дзөмторйыс шогөдіс. Кык ош шой костын тыдаліс Ольөксанлөн юрыс. Сэні жө и Толялөн шойыс. Нөшта на морт колясьяс. Вель уна вөлі и лыыс. Ю дорысь казялісны мотора пыж. Пы-дөсас куйлісны ноп, өти ствола ружье, спиннинг. Көзяиныс мыйлакө петөма берегас да пырөма баддьө. И веськалөма ош гыжйө...



*Ксения Карманова чужис
1987 воӱ Кулӱмдін районса
Помӱсдін сиктын. 2005 воын
помаліс школа, олӱ-уджалӱ чу-
жанінас.*

*Кывбурӱяс гижны босьтчӱ-
ма школаын велӱдчигӱн на,
йӱӱӱдчӱма «Йӱлӱга» газетын.
2006 воын «Кӱсӱя лоны журна-
листӱн» конкурсын босьтӱма
медводдза тшупӱда диплом.*

*Ксения пасйӱ ас йывсьыс:
«Гижны радейта философскӱй темаяс вылӱ: олӱм йылысь, ку-
лӱм йылысь; сӱмын кывбурӱясын верма тырвыйӱ петкӱдлыны
ассьым сӱлӱм кылӱмӱясӱс. Гижӱдын корся ассьым визь... Радей-
та кывзыны Rock-музыка, овлӱ весиг, тайӱ ышӱдӱ выль кыв-
бурӱяс вылӱ».*



Ксения КАРМАНОВА

Гижтӱм кывбурӱяс

* * *

Гижтӱм кывбурӱяс,
Гажтӱм кывбурӱяс.
Ловӱя яй шмакӱн
Ме пытшкын олӱны.
Гижтӱм кывбурӱяс —
Кусӱм бипурӱяс,
Вылысь ловзыны
Бытӱӱкӱ полӱны.
Гижтӱм кывбурӱяс —
Потӱм йиторӱяс,
Кӱдзыд сӱлӱмӱс
Лӱсалысь дорышӱяс.
Гижтӱм кывбурӱяс
Сета китырӱн,
Сӱмын кодкӱ мед
Этшаник корыштас.

* * *

Важӱн янсӱдчим...
Сӱлӱм тӱпкӱмӱй кылӱ нин ылісянь,

Вирёй чепёсйö юр вылөдз кок увсянь.
Кыдзи аддзысим,
Усьöм коръяс моз төв сорөн ляскысим,
Кодысь бара-й сэк дзебсясим-яндысим?
Коді аддзывліс,
Быдөн гөгөрвоис тайöс ас ногыс.
Асьным төдім ми, кутшöма гажтöмтчим.
Кадыс надзмывліс,
Йöртліс му весътас кодзула тасъясөн,
Медым ас костаным гусьөн вашкөдчим.

* * *

Аддза шондісö потöм мачөн —
Чукар-мукар.
Сійö лунысь-лун лэччö-качö,
Он тай чукöрт
Сотчысь югöрсö. Он тай кутчысь
Ловъя чуньнад.
Ачyd видлы вай, колök, судзан,
Мед ме чуйма.

* * *

Енэжсö торйөдла юкөнъяс вылө:
Тэныд — медыджыдсö,
Аслым — медшöрсö,
Ёртъяслы вичмас на.
Некодлы сэсся Лөзсö ог гылөд:
Лөкъяслы — кушинсö
Либö съод кымöрсö,
Шуа ним-вичнас да
Горöда-равöста, быдөн мед кылас!
Сизимысь пасйышта,
Öтчыдысь вундышта.
Сьölөмö пуртөн Енэжыс пырас,
Бырас. И му вылас
Олөмсö кусодас...

* * *

Дойманінъясöс
резьöда, солала...
Сотö-косялö,
өдва и лолала.
Ме öд ловъя на,
кыла на дойясöс.
А тэ чайтан, мый
кокнъыд мен войяссö
Тадзи колявны
öтнамлы, көдзыдас?
Эськö мыйкö ме аскөд
и вöчи да!

Сөмын доймө өд,
висьө өд. Оз-ө мөй?
Сөмын гажтөмыс
бытшйөдлө — горзымөн.
Тэ он кыв менсьым
талунъя бөрдөмөс.
Шогыс вывті нин
топыда көрталіс,
Менсьым муслунөс
нетшкөмөн орьөдліс,
Тэнсьыд олөмтө
ме дорысь торйөдіс.

* * *

Мед и зэрө! Мед и гымалө!
Сөмын лёкыс медым — ме вомөн.
Медым лыөс менсьым чегъялө
Сьөкыд кадыслөн скөр вой төлыс,
Киөс лэдза мөй? Шоглы сетча мөй?
Медым доймө, ёнджык вачкалөй!
Медся сотчысьыс тайө Му вылас —
Медся ловъяыс мөдар югыдас.

* * *

Дойдалі ме тэнө, ёна вачкалі,
Чужъялі да вөтлі көдзыд ывлаас.
Бөрді сэсся кыз синваён, ырзөмөн,
Мыйла менө ку пиысь тэ петкөдан?
Ядөвитөй змейөн дойыс пукалө
Ме пытшкын. Быд курччөмөн и йөймөдө.
Важөн ассьым олөмөс ме пузувті,
Сійө сідз нин гуга вөлі, чужтөдз на.
Водзө лоө мый? А коді висьталас?
Ставным өти лунөн өні олам ми,
Өта-мөдөс вачкалам да виалам,
Сэсся аскисө нин панам «Чолөмөн».
Лоис бара сэтшөм сьөкыд лолавны...

* * *

Мен тэкөд лөсьыд, тэтөг — лёк,
И көсья, мед пыр вөлі тадзи,
Мед некор ме эг шу мөд ног,
Мый тэтөг лөсьыд, тэкөд — лёк.

* * *

Кор ме кула, сійө луныс лоө лөнь да югид,
Весиг петас зарни шонді, енэж оз ло букыд.
Лоө гожөм — шоньд пөра, радейтана кадөй.
Кор ме кула, оз ло райыд, муна аслам адө.

Кор ме кула, кодкӧ шуас: «Прӧщайт, менам ёртӧй,
Мыйла тадзи тӧкӧд лоис, чегис кыкнан бордйыд?»
Тӧда, кодкӧ шуас лӧжсӧ, кодкӧ шуас збыльсӧ.
Кадыс коляс — вунӧдасны нимӧс, крестӧс, мыльксӧ.

Кор ме кула, сійӧ луныс лоӧ медся шуда,
Грекӧй тырыс, но ог повзъы ньӧти Страшнӧй судад.
Кор ме кула, гижан сямӧс сӧмын босьта съӧрысь,
Мӧдар югыдас мед лоа кывбур гижысь-сӧрысь.

* * *

Кор вӧлім ӧтлаын, сӧк лымйыс вӧлі еджыдӧн
Да кӧдзыдавліс, кӧть и тӧв, а гежӧда.
Но олӧмыслӧн гуранас ми вӧйим,
И ӧта-мӧдысь дзикӧдз бокӧ кежим да...
Руд енӧжсянныс ӧні киссьӧ пӧим.

❖ ❖ ❖

**«Войвыв кодзув» журналлы Москваса
«Пресса» выставка вылын шуӧма сетны
«Золотой фонд прессы — 2008»
ошкана-торйӧдана пас.
Юксям лыддысьысьяскӧд тайӧ долыд лоӧм-
торнас да юӧртам, мый журналлӧн матысса
номеръяс кутасны петны тайӧ паснас.**

Көр овмөса сикт

О Ч Е Р К

Лазарь Михайлович Артеевөс, Изьва сиктса почёта олысьёс, пыдди пуктылісны пöрысь и том. Шоныд лунъясö важиник ма-лича кышалöмөн сійö дыр пукавліс Изьва ю берег вылын. Ме тшöкыда пуксьывлі сы дорö, окотапырысь кывзі сылысь висъта-сьöмъяссö. А тöдіс сійö Изьва сикт йылысь уна.

— Войвылын öтка мортлы абу кокни овны,— шуывліс сійö.— Тані ачыс вөр-ваыс тшöктö öта-мöдкöд овны мирöн да öтсöгла-сөн, кортöг локны ёртыдлы отсöг вылö. Кузь нэмнад уналаын вöвлі. Германскöй война вылын кыкысь ранитчылі. И граждан-скöй война вылад пуля веськавліс кокö. Меным кажитчö, мый войвылын йöзыс прамöйджыкöсь, прöстöйджыкöсь. Помнита да, сиктын зэв гежöд керкаын томнавлісны öдзöс. Ставыс öта-мöд костын вöчсис веськыд кыв вылын. Быд керкаын локтысь мор-тöс вердлісны-гöститöдлісны, вой улö эз лэдзны туйö. Револю-цияыс да войнаясыс олöмысылысь гутсö петкöдлісны, но бурыс сиктса йöз пöвстад коли уна. Радейта ме ассьым чужан сиктöс. Жаль, мый сы йылысь öнöдз абу гижöма книга.

Царлөн грамота серти

1967 воын Изьва сикт — водзті слободка — пасйис 400 во. Овмöдчылöмаöсь татчö Емва да Мозын вылысь локтöм комияс, Чилимдінысь — рочьяс, православнöй вераö пыртöм яранъяс.

Дыр кад сэтчöс войтырыс олісны вöралöмөн да чери кыйöмөн. Низь кыйны найö ветлывлісны весиг Рытиввыв Сибирö. Горта-ныс кольчöмаяс дасытылісны вөр да кылöдлісны сійöс Пусто-зерскöдз (500 верст).

Изьва слободкалы сöвмыны отсаліс сідз шусяна «чрезкамен-нöй» туй. Нюжаліс сійö Великöй Устюгсянь, мунліс Эжва, Емва, Изьва да Печора кузя, водзö Урал из сайö, Сибирö. Сэті ветліс-ны низь кыйны вöралысьяс, сы кузя мунлісны прöмысла купечь-яс, кынöмпöт корсьысьяс. Изьваын вöлі лöсьöдöма таможеннöй застава. Сэні гижалісны Сибирлань мунысьясöс да сэтысь лок-тысьясöс, босьтісны туйвыв пошлина. Заставасö бырöдісны 1763 воын.

Кöдзыд климат вöснаыс нянь быдтісны этша. Земскöй цело-вальник Григорий Терентьев 1611 воын гижліс, мый няньыс тані оз чуж, нянь тырмытöм вöсна унаөн пышйисны слободкаысь Сибирса оланінъясö.

XVII нэмын изьвасаяс босьтчисны видзны көръясöс. Унаторйö

найö велöдчисны яранъяслысь. А сэсся и асьныс көр видзöмö пыртисны уна буртор. Морелань көр стадаясөн кутисны мунны лым улысь петöм эрдъяс вивтi, медым көръяслы сёяныс сюрлис унджык. Туйсö бөрйылисны ялаа ягъяс вивтi, выльджык, йирöд-тöм, таявтöм местаястi.

Изьвасаяслөн олöмыс да весиг и промышленностьыс воысь-во пыр ёнджыка йитчис көр видзан овмöскöд. Россиялөн 1849 вося экономической обзорын пасйöма:

«Изьвасаяс көр тшöгысь сывдöны сисьяс. Вöчöмторсö — көр кывъяс, көр гөн, сюръяс — нуöны Пинегаö. 1897 воын Изьва вöлöсьтса олысьяслөн (Изьва сикт да Ласта грезд) вöлис 30500 сайö көр».

Дас öкмысöд нэм шöрланьыс том инженеръяс Аслан да Циммерман босьтöм кредит выlö Изьва сиктса Куча ю бердын лэптисны завод керка. Заводас кутасны песны няр, вöчны кром кучик, сисьяс да майтöг. Но сиктса озыръяс сувтисны локтöм йöзлы паныд, эз көсийыны косытыны ассьыныс зарни юкмöссö, вöчисны ставсö, медым көр видзысьяс некутшöм донысь эз вузавны көр куяссö заводыслы. Инженеръяслы быть ковмис эновтчыны да неыджыд донысь вузавны заводсö став көлуйнас.

Изьва юбердса ойдлан видзяс вылын быдмö бур турун. XVIII нэмын татчö вайöдисны Великой Устюгысь великорусскöй пöрöдаа, татчöс серти йöладжык, мöсьясöс. Сиктын öдийö кутис содны гырысь скöтлөн юр лыдыс. 1870 воын шöркодя быд семьялөн вöлис 11 душ гырысь скöт да 6 вöв. Архангельскысь священник И.Молчанов пасйылис: «Губернияын Изьва сиктын моз некөн оз вöчны сэтшöм чöскыд йöв да вый».

1891 воöдз вöлöсьт пырлис Архангельск губерняса Мезень уездö, 1921 восянь — тайö жö губерняса Печора уездö. Войтырыслөн олöмыс уна вожъясөн важысянь йитчылис Россиякöд. 1812 воын, кор французъяс уськöдчисны Россия выlö, вöлöсьт мöдöдис Рöдинаöс дорйыны 64 рекрутöс, урчитöм серти ёна унджык. Сэтшöм ыджыд вöли Россияысь вöрöгöс вöтлыны көс-йöмыс! Рекрутъяс пиысь Григорий Истоминлы вöлöма на сöмын 16 арöс, Созон Семяшкинлы — 17 арöс. Врагкöд тышын уси 13 салдат, быд сё морт выlö артыштöмөн, ёна этшаджык Коми мулөн лунвыв районъяс серти.

Священник А.Попов пасйылис, мый изьватас зонъяс 12—13 арöссянь зэв стöча лыйсьылöмаöсь, томсянь велавлöмаöсь венны быд сьöкылдун, некод водзын абу копрасьлöмаöсь. Та йылысь бура висьталöны 1833—1838 вося вöвлöмторъяс. Тайö воясас изьвасаясöс көсиймаöсь кыскыны Пинегасянь Мезеньöдз пошта новлан туй стрöитöмö. Туйсö кутöмаöсь нюжöдны Изьва сикт-сянь матö тысяча верст сайын. Да и местаыс, мый индöмаöсь изьвасаяслы уджалöм выlö, васöд, ставыс тайö эськö дзикöдз рöзöритис крестьянаöс. Со мыйла найö корисны правительствöс, медым сийö мездис тайö уджсыс. Татчöс крестьяналөн кывзысь-тöм йылысь сёрни кыптылис Россияса министръяс комитетлөн заседание вылын. Крестьянаöс лöньöдöм выlö Архангельскысь мöдöдисны 200 салдатöс пушкаөн. Бур, мый найöс туй вывсыныс косöдисны, вир эз киссьы. Царь тшöктöм серти Изьваö волис флигель-адъютант Крузенштерн. Сийö тöдмасис татчöс йöзлөн олöмөн, вöчис кывкöртöд: «Туй стрöитан уджыс дзикöдз рö-

зөрйтис сиктса войтырсö». Крузенштернлысь докладсö видла-лöм бöрын извасаясöс мездисны туй стрöйтöмысь, вöтлисны öт-кымын чиновникöс, кодлön горшлун былö норасьлисны татчöс крестьяна.

1828 воын Изьва слободкаысь крестьянин Прокопий Ануфриев аслас сьöм былö восьтис приходскöй училище — Коми крайын сиктса медводдза школа. Куим воөн сийö велöдiс лыддысьны-гижны 40 зонкаöс. Архангельскса губернатор ним былö письмöын Ануфриев корис, медем сетисны позянлун ветлыны школаö тшöтш и православнöй вераö пыртöм яран зонъяслы. 1834 воын вичко жыннъянс шы улын Изьваын воссис государственнöй училище. Партаяс сайö пуксисны 11 зонка. Ылi войвывса сиктясысь челядьöс грамотаö велöдöмысь вöлöсьтса юралысь Иван Вокуевöс пасйылисны зарни, а крестьянин Прокопий Ануфриевöс эзысь медальясөн.

Тöждысисны эз сöмын ас вöсна

Владимир Георгиевич Зыкин (дыр кад уджалiс Коми государственнöй пединститутын) туялiс Коми муын гражданскöй война кад. Сийö пасйылiс, мый революцияöдз Изьва бердса сиктясын шöркодя быд сё овмöсысь дасыс вöлi озыр. Лунвыв районъясын серти озыръясыс вöлисны кык да джын пöв унджык. На пиысь унджыкыс тöждысисны эз сöмын ас вöснаыс, но и сы вöсна, медем Изьва му вылын стрöитны школаяс, вичкояс, туйяс.

Печорскöй крайлön историяö пырис Зиня рöд. Вужйöдысьнас вöлöма Зиновий Степанович Филиппов. Том дырйиыс сийö вöчлöма бöчкаяс, а сэсся лöсьöдлöма неыджыд көр стада. Батыслысь делöсö водзö нуöдöма Егор пиыс, көр лыдсö содтöма кык пöв.

Зинялön пияныс, внукъясыс — быд выль көлена лолiс озырджыкөн, лöсьöдалiс йитöдъяс Россияса каръясысь купечьяскöд, промышленникъяскöд. Егор Зиновьевичлön пияныс, Фёдор да Алексей, 1895 воын сувтöдiсны парöвöй мельница (уджавлiс арсянь ва воссытöдз). Изöмсыс вокъяс босытлöмаöсь зэв ичöt дон. Алексей гөгөрволöма машина делöсö — сяммылöма дзоньтавны ытшкан да куртан машинаяс. Няр вöчан заводас сувтöдлöма шведскöй двигатель, заводса цехъяссö да тшöтш и орчча керкаяссö югдöдлöма электричество биөн. Печора вылын татшöмыс лои медводдзаөн.

Алексей Филиппов аслас сьöм былö кыпöдiс школа, мынтысис велöдысьяслы. Сийö жö, аслас компаньон Василий Поповкöд, босытчис вöчны Изьвасянь Щельяюрöдз гожся вöла туй. Помалисны совет власыт дырйи нин.

Купеч Степан Норицын 1895 воын вöчис Печора вылын пароходьясөн почта да пассажиръясöс новлöдлöм былö договор. Правительствоон сетöм субсидия былö лöсьöдiс пассажирскöй да буксирнöй пароходьяс. Нель воөн вештiс став рöскодсö. 1912 воын Норицынлön вöлi нин квайт пароход. Таысь кындзи, сийö лöсьöдiс нель магазин, кыкыс вузасисны пызьөн, табакөн, сахарөн. 1899—1901 воясын Норицын лэптiс зэв мича керка, по-

дувсянныс да вевтөдзыс сійөс кыпөдісны медбур мастеръяс — Фёдор, Гаврил да Макар Филиппов вокъяс. Стрөитісны найө и мукөд короминаяс. Ыджыд төргөвечөн вөвліс Иван Сметанин. Сылөн магазинъясыс вөліны Изъваын, Мокчойын, Чилимдінын.

Изъваө волысыяслы сьөлөм вылас ёна волісны ылө тыдалысь зарни креста вичкоясыс, джуджыд көлөкөльняыс, кык судта короминаяс, уна йөза ярмаркаясыс, көръясөн да вөвъясөн (төвнас кыкысь да өтчыд гождөмнас) ордйысьөмыс. Кажитчыліс и сійө, кутшөм радпырысь тані примитөны гөсьтыясөс. Гашкө, та вөсна архангельскса губернатор князь С.Г.Гагарин Изъва сиктсө көсйыліс вөчны карөн.



Революцияөдз татчөс сиктыяс олісны ыджыд семьясөн. Сідз, юрсиқтысь Иван Терентьев өти овмөсөн оліс гөтыра куим пикөд — дас өкмысөн! Овмөсас вөлі кык сюрс сайө көр, уна мөсвөв. Иван Артеев өти семьяөн жө оліс гөтыра кык пикөд. Вөлі налөн көр стада, вөвъяс да мөсъяс. Быдтісны нянь, төвнас вөчлісны 400 сайө няр ку.

Первой мирөвөй войнаыс сиктлы вайис ыджыд ускөттө. 388 овмөсысь өкмысдасыс колисны вөвтөг, ветымын куимыс — көдзатөг, нелямын кыкыс — мужичөй рөбөтникъястөг. Сиктын унаөн тшыгыялісны.

Первой мирөвөй войнаыс сиктлы вайис ыджыд ускөттө. 388 овмөсысь өкмысдасыс колисны вөвтөг, ветымын куимыс — көдзатөг, нелямын кыкыс — мужичөй рөбөтникъястөг. Сиктын унаөн тшыгыялісны.

1917—1918 воясын унджык мужичөйыс — вөвлөм салдатъяс, матросъяс — ветлөдісны шинельөн либө матрос бушлатөн. Асылысикас клубөн тані вөлі Прокопий Васильевич Рочевлөн керкаыс. Ачыс көзяиныс — «Иван» пароходвывса боцман — уна ветлөм, быдтор аддзылөм, вежөра морт. Чукөртчылысыяс окотпырысь кывзісны висытасьөмъяссьө, волісны сы дорө сөветла. Судзөдіс боцман и газетъяс. Сы ордын тшөкыда коляялісны рыгыяссьө «Севастополь» крейсер вылысь вөвлөм матрос Степан Симонович Канев, фронтовикъяс Василий Ефимович Канев, Аника Ефимович Канев, Фёдор Павлович Попов, унаөн мукөдъяс. Кадысь кадө пыравліс и политссылнөй Кеңзерский. Сёрнитісны политика йылысь, сиктса сьөкыд олөм йылысь. 1918 воын Кеңзерскийөс еджыдыяс лыйлісны, Рочевөс суйисны йөрданө.

1918 вося январ 24 лунө школаө чукөртчылісны сиктса став верстыө йөзыс. Сёрнитысьыс вөлі уна. Öтияс көсийисны лөсьөдны сиктын сөвет власьт, мөдъяс — кольны земскөй управа. Торйөннин сөвет власьт сувтөдөмлы паныд сулаліс Алексей Андреевич Рочев. Войнаөдз вөлі учительөн, а германскөй война дырйи лоис офицерөн, 10 Северно-Печорскөй полкын ротаса командирөн. А кор полк сетчис гөрдъяслы, мыйкө дыра дзебсясис тундраын. 1921 воын өтувтис сөветскөй власьтлы паныд мунысыясөс. Öтрядыс виаліс коммунистыяссьө, активистыяссьө. Бөрынджык эрдө-

дісны сійӧс аслас жӧ бандасаясыс да гӧрдъяс лыйлісны Рочевӧс Усть-Усаын. Виль власът лӧсьӧдысьяс воисны ӧти кывйӧ — кӧтыртны сідз шусяна организационнӧй комиссия. Сэсса комиссияс босьтіс ас киас власът да кутіс шусьыны волисполком сӧветӧн. Председательнас бӧрйисны Фёдор Павлович Поповӧс. Тшыгъялӧмысь йӧзӧс мездӧм могысь волисполком пуктіс озыръяс вылӧ чрезвычайнӧй налог.

1918 вося август тӧлысын Печора вылын заводитчис гражданскӧй война. Сійӧ жӧ вося арнас «Стелла Поларе» заводысь воӧм рабочӧй-сезонникъяс вайисны «испанка» висьӧм. Сійӧ ӧдйӧ паськаліс. Сиктса олысь Фекла Мартыновна Семяшкина казътыліс:

«Быд лун вичкоын сьылӧдісны 7—10 кулӧмаӧс. Тайӧ висьӧм-сьыс менам вокъяслӧн, Павеллӧн да Прокопийлӧн, кувсисны гӧтыръясныс, ныв-пияныс». Куим тӧлысь висьӧмыс ытшикс йӧзсӧ.

1918 вося декабрь заводитчигӧн Изьваӧ пырисны еджыдъяс. Крестьянскӧй Краснӧй Армиялӧн неыджыд отрядъяс бӧрынтчисны Кожваӧ да Аранечӧ. Сэні найӧ ӧтувтчисны кык ыджыд отрядӧ. Ӑти татшӧм отряд, кӧні командирнас вӧлі М.Черемных, декабрь 18 луно белӧйясысь мездіс Изьва сикт.

Яков Ануфриев, коді тайӧ отрядас вӧлі коннӧй разведкаса начальникӧн, казътыліс:

«Миян отряд Кожвасянь локтіс тӧвсья туйӧд. Винтовкаясысь да берданкаясысь кыңдзи вӧлі кык «Максим» пулемёт да неыджыд пушка. Белӧйяс паныдалісны сиктсьянь кык километр сайын. Луныс вӧлі вывті кӧдзыд. Еджыдъяслӧн лыйсьӧмыс лӅк эз вай, кӧть кӧлӧкӧльня вылӧ сувтӧдӧм пулемётыс помсья лыйліс. Ми некымынысь лыйим пушкаысь. Еджыдъяс водзсасисны куим час сайӧ, но ковмис бӧрынтчыны. Накӧд тшӧтш сиктысь пышйисны озыръяс. Но бӧрынтчылісны недыр кежлӧ. 1918 вося декабрь 29 луны воча войӧ еджыдъяслӧн куимсӧ сайӧ морта отряд, поручик Василий Хозяинов веськӧдлӧм улын, кӧръясӧн бӧр пырис сиктӧ. Шытӧг бырӧдісны часӧвӧйясӧс да кытшалісны гӧрд партизанъяслысь штабсӧ. Тышыс часысь часӧ чорзис. Атака дырйи сьӧкыда ранитчис еджыдъяслӧн поручик Хозяинов, мукӧд офицеръясыс эз вермыны кыпӧдны йӧзсӧ виль атакаӧ. Югдыштӧм бӧрас еджыдъяс эновтісны сикт. Кыкнанладорсьяныс лои воштӧма 80 сайӧ морт. Туйын кувсьӧма еджыдъяслӧн командирныс, поручик Василий Хозяинов».

1919 вося февральын гӧрд отрядъясысь кӧтыртісны Ижмо-Печорскӧй полк, март помын полксӧ мӧдӧдісны Эжва вылӧ, а сэсянь — Войвыв Двина вылӧ, кӧні сійӧ тышкасис интервентъяслы да еджыдъяслы паныд.

Апрель 1 луно жыннӧнъяс шы улын еджыдъяс бара пырисны Изьваӧ, но озыръяс, кодъяс сэтшӧм ёна виччысисны мездысьяснысӧ, радлісны недыр. Сы пыдди, медем бурмӧдыштны сиктысь оласногсӧ, вайны тшыгъялысь йӧзлы нянь, мукӧд колана товӧръяс, еджыдъяс кутісны виавны сӧвет дор сулалысьясӧс, весиг и мыжтӧм йӧзӧс, мырдӧвны скӧт, сӧян, эмбур.

1920 вося февраль 14 луно кыпӧдчис 10 Севернӧй белогвардейскӧй полкыс (штабыс сьлӧн вӧлі Изьваын) пулемётнӧй ко-

манда, арестуйтис полкса командирсö, офицеръяссö да сувтис гөрдъяс дор. Изъваын котыртчис революционнöй комитет.

Первой мирöвöй да гражданскöй война бöрын ёна чинис сиктса олысьяслөн лыдыс. Эз тырмы сёян, паськөм, карасин, майтөг. Волисполком пöшти быд вежон котырталис субöтникъяс: дзоньталисны школа, туйяс, заптисны пес, семьяяслы, көнi эз коль мужичöйыс, сетисны отсөг.

Виль олөм туйвизын

1920 воын Изъва сиктысь унаöн уджалисны ухтаса промыселъясын. Лоис позянлун могмөдны Изъва да Печора бердса олысьясöс карасинөн, майтөгөн, солөн. Промыселъяс сөвмөдöмын ыджыд пайыс Гавриил Прокопьевич Семяшкинлөн. Коми крайын медводдзаөн сылы сетисны Уджын Россияса Геройлысь ним. Семяшкинлысь нимсö сетöма ухтаса да изъваса уличаяслы.

1923 воын Изъва сиктын нывбабаяс котыртисны кустаръяслысь артель. Предприятиеыс көр куысь вурис пимияс, туфлияс, шапкаяс, кепысьяс. Сiйö жö воас Филипповъяслөн (Зиня рöдлөн) вöвлөм заводуын воссис няр песан мастерскöй. Вылö донъялана замша, кром вузалисны ыджыд выгöдаөн Москваын.

Медым ньöбны нянь, машинаяс, государствоы колiс уна пушнина. 1921—1925 воясын сиктысь быд нельöд мужичöйыс вöралис, шöркодя быд ружье былö кыйисны 250—600 ур, тундраысь вайисны кынь куяс. Медуна зверь ку сдайтисны Андрей Михайлович Рочев да Василий пиыс. Кыкнансö премируйтисны бельгийскöй ружьеөн.

Зарни киа мастер Ананий Иванович Артеевöс сиктын и матiгөгöр грездъясын ошкөмөн нимтылисны изъваса Левшаөн. Сiйö кужис дзоньтавны быдторсö. Жугалис парöвöй мельница — сiйö жö лöсьöдiс. Детальяссö кузнечаын ачыс дорис.

1923 вося арын сиктса комсомолечъяс котыртисны субöтник, пунктисны пуяс. Комсомольскöй ячейкаса секретарнас вöлис Алексей Филиппов (комвуз помалөм бöрын сiйö лоис горноруднöй промышленностьын зэв нималана инженерөн, Ленин ордена кавалерөн). Вöли пунктöма 400 сайö пу. Öнi сад пытшкас усьöм гөрд партизанъяслы памятник.

Ыджыд лектор көр видзысьяслы вайлис сибирскöй язва да ящур. Мокчой вөлöсьтса правление отчётъяс серти, 1884—1888 воясын Большеземельскöй тундраын сибирскöй язваысь кулöма 189 тысяча, 1897 воын — 147 тысяча көр, пемöсьяслөн юр лыдысь 41 прöчентыс. Озыр көр видзысь И.Ф.Хатанзейскийлөн тундраса Чёрнöй ю дорын тайö висьöмсьыс öти суткиөн усьöма матö дас тысяча көр. Совет власть дырйи нин, 1924 воын, тайö висьöмыс воис Малоземельскöй тундраö, а сэсса вуджис и Большеземельскöй тундраö. Войвыв районъясын ветеринар да санитар службаяс бурджыка котыртöм йылысь ыджыд сёрни мунис Советъяслөн XI Всероссийскöй съезд вылын.

1925 воын Изъваын кутис уджавны ветеринарно-бакте-

риологическoй институт. Тундраын уджалoм мoгысь сы бердын кoтыртисны кoим ветеринарно-эпизоологическoй oтряд. Вeськoддисны ветеринарнoй врачьяс Л.В.Николаевский, А.Ф.Куратов да Г.И.Терентьев. Институт сoвмoдoмo ыджыд тoждлун петкoд-лисны уезднoй испoлкомса председатель Ф.А.Чупров да уезднoй комитетса секретарь Е.Е.Ануфриев. Дженъыд кадoн администрациялы да лабораториясылы лoис кыпoдoма ыджыд керка, врачьясылы да фельдшерьясылы oланінъяс. Институтлы лoсьoдoма ичoтик кoр стада. Сийoс тoв и гoжoм видзисны сикт бердын. Институт водзын сувтoдисны мoг: аддзыны дoнтoм лe-карство, нo сэк жo мeд эськo бура видзис кoръясoс висьoмысь. Мeдым аддзыны татшoм лeкарствoсo, кoмис вoчны уна сe кoрлы прививкаяс. Изъваса кoр видзысь Василий Пoпoвлoн стадаысь прививкаяс бoрын oти лунo кулис 227 кoр, нo Пoпoв эз кут видчыны, сетис oпытьяс нуoдoм вылo нoшта кыксe сайo кoр. 1929 вoын кoлана вакцинасo аддзисны. Сийo вoас привив-каяс вoчисны 15933 кoрлы, на пиысь кулис сoмын 0,13 прoчeнт мында. Ветбакинститутлысь сибирскoй язвалы паныд вакцинасo oшкис СССР-са Наркомземлoн ветеринарнoй управление. Вoйвывса тундраын сибирскoй язва висьoмлы вoлi пуктoма пoм.

Став тайo корсьысьoмъясac тoдчана пай пуктис Ф.А.Терентьев, кoдi профессор Мануйлов мунoм бoрын дыр кад вeськoддис институтнас. Изъва бoрын Фeдoр Александрoвич дыр кад уджалис ветеринарнoй санитариялoн Ставoюзса научно-иссeдoвa-тельскoй институтын, лoис ветеринарнoй наукаысса докторoн, йoзoдис кoръясoс да гырысь скoтoс висьoмъясысь бурдoдoм кузя матo сe удж. Учeнoйлысь статьяссo йoзoдoма 13 странаын. Oни на видз-мy oвмoсса да скoт видзысь специалистьясoс дасьтoны сьлoн книгаыс сeрти, oшкoны «Северное oленевoдство» учеб-никсo. Ыджыд тиражoн кoимысь нин петалис Москваын.

1939 вoын Изъваын вoссис кoлхозно-совхознoй театр. Кoтыр-нас вeськoддис ыджыд таланта артист да режиссeр В.П.Вывoров. Театр мoгмoдис Усть-Уса, Изъва да Чилимдин районьясса oлысь-ясoс, петкoддис кoми драматургьяс С.Ермoлинлысь «Кырнышгьяс», Н.Дьякoнoвлысь «Дoмна Каликoва», В.Савинлысь «Шoндi петигoн дзoридз кoсьмис» да тшoтш и рoч авторьяслoн пьесаяс сeрти сувтoдoм спектакляс.

— Парoхoдoн кыпoдчылим Усавoмoдз,— кaзытылo Екатерина Семьяшкина.— Печoра гoрув лeччывлим и вoвьясoн. Бьд сиктын петкoдлим кутшoмкo спектакль либo кoнцeрт. Пoмнитa, oти нeыджыд сиктын клубыс зeв дзoля, a пoстановкаяссo видзoдны кoсьысьыс уна. Кoмис oти спектакльсo петкoддыны кoимысь. Зeв мылаoсь вoлины гoлoсьясыс Сергей Артeевлoн, Василий Филиппoвлoн, мукoдлoн.

— Бьд пoстановкаын мeнам вoлi рoль,— кaзытылo Сергей Артeев.— Пaмeтьo бур вoлi да вeсиг суфлeрыс эз кoвмыв. Вoйна заводитчoм бoрас став мужичoй-артистсo бoсьтисны армияo. Театрса режиссeрным мeным кoзьналис зeптын нoвлан чaсисo, да шулис: «Тэысь, Сергей, бур артист эськo петис, Енмыс бур талант сетлoма».

— Мe вoрси мeдсясo тeш балаа рoल्याс. Кoнцeртьяс дырйи сьылi сиктса oлoм йылысь aсoн лoсьoдoм частушкаяс. Мeным

кажитчис ворсөмыс Михаил Филипповлөн, Ольга Поповалөн. Ставным вөлім томось, быдөн көсйим вөчны мыйкө ыджыдөс, бурөс,— казтылө Полина Истомина.

Война вылын Полина вөлі ротаса санинструкторөн, петкөдіс тыш мунанінысь уна раненөйөс.

Фронт вылын да тылын

Война лоис виччысьтөм шогөн. Ижма сиктысь фронт вылө мунісны 442 морт. Повтөг косясисны врагкөд пехотинецьяс, танкистьяс, лётчикъяс, разведчикъяс... Торйөн нин унаөн веськавлісны Карельскөй фронт вылө, көра дадювъясөн ветлывлісны враглөн тылө, жуглісны сылысь опорной пунктъяс. Көр видзысьяслөн, пиян-нывъясылөн подвигъяс йылысь висьталөны фронтөвөй газетъяссысь вундөм гижөдъяс, письмөяс, орденъяс да медальяс.

Шөр школа помалөм бөрын Василий Филиппов ас көсйөмнас муніс фронт вылө. Командиръяслысь квайт төлысья курсъяс помалөм бөрын том лейтенант веськаліс Ленинградса фронт вылө, индісны взводса командирөн. Медводдза тышас и ранитчис. Матө кык төлысь куйліс госпитальын.



Бурдіс да сійө жө вося октябрын индісны бронетранспортёръяс ротаса командирөн. 1943 вося январын 177 номера танкөвөй бригада вөчис рейд враглөн тылө. Тайө бригадаас пырис и Филипповлөн ротаыс. Враглы лои вөчөма ыджыд урон, бырөдөма уна дас танк, машина, орудие, вражескөй салдатөс. Война бөрас нин снимайтісны «Корпус Шубникова» фильм, көні подувнос буретш вөлі танкөвөй бригадалөн тайө рейдыс. Филиппов гортсаяслы письмөас юөртліс: «19 лунө чорыда тышкасим враг тылын. Менам рота бырөдіс враглысь некымын орудийной расчөт. Рейд петкөдіс: ми вермам водзсасьны фашистьяскөд, нөйтны найөс. Ме ачым пөдті враглысь пулемётной расчөт, бырөді некымын салдатөс».

Торйөн сьөкыд тышъяс мунісны Югославия мездігөн, Белград вөсна.

Наградной листысь пасйөд: «Капитан Филиппов служитө 53 номера мотоциклетной полкын. Куимысь ранитчыліс. Сылөн ротаыс торйөн нин героическөя тышкасис Драва юбердса плацдарм бырөдігөн, Дьер кар вөсна. Боевөй подвигъяссысь Филипповөс наградитөма первой да мөд степеня Отечественной Война да Красной Звезда орденъясөн».

Война помланьыс нин Филипповөс индісны батальонса командирөн, а сэсся недыр мысти мөдөдісны велөдчыны бронетанкөвөй да механизированной войскасса академияө. Велөдчөм помалөм бөрас мыйкө дыра вөлі полкса, а сэсся дивизияса командирөн.

Генерал-лейтенант Филипповос мөдөдлiсны военнöй сöветникөн Афганистанö, Йеменö, Кубаö, мукöд государствоясö.

Ярослав Лазаревич Артеев война заводитчан воас служитiс «Стремительный» эсминец вылын, 130 миллиметра орудиеса наводчикөн. 1941 вося июнь 22 лунлы воча войнас эсминецыс да ещö куим судно нуисны боевöй дежурство Баренцево морейн. Югдытöдзыс на миян кораблясла воча локтiс вөрöглөн квайт судно, на лыдын — кык эсминец. Водзынджык мунысь судноясысь юöртiсны:

«Рочьяс, сдайтчöй, мөданныд водзсасыны — вöйтам!»

Матöджык локтöм бöрын вражескöй суднояс восьтiсны би. Миян корабляс примитiсны боевöй пöрадок и воча кутiсны лыйыны вөрöглы. Артеевлөн орудиеыс кöкъямыс снаряд мөдöдiс. Вөрöглөн öти судно вылын ыпнитiс пожар, а регыд мысти öзйис и мөд. И миянлы ёна сюрис: öти судно муртса нин кутчысис ва вылас. Эсминец вылысь уна матрос пöгибнитiс. Тышыс мунiс час джын сайö, а сэсса корабляс торйöдчисны. Ярослав Лазаревич збойөн петкöдчылис уна тышын.

Алексей Петрович Ануфриев военнöй училище помалис 1941 воын, лои взводса командирөн. Сылөн взводыс вөрöглөн чорыд би улын медводдзаяс лыдын вуджис Нарва ю. Мөдар берегö вотöдз сьöкыда ранитчис ротаса командир, Ануфриев командасö босьтiс ас вылас. Берегö локтöм бöрын рота пыр жö веськалiс тышö. Враглы удайтчис кытшавны ротасö. Кианыс винтовка да гранатаяс босьтiсны и ранитчöмаяс. Помся кык атака лои пöдтöма. Сэки отсöг выlö локтiсны миян танкьяс.

Капитан Ануфриевлөн ротаыс асьсö повтöг петкöдлiс и Чудты вуджигөн. Эстония му вылын Алексей Петрович сьöкыда ранитчис, госпиталь бöрын локтiс гортас. Морöсас дзирдалiсны Александр Невский да Краснöй Звезда орденъяс, «За отвагу» кык медаль. Дыр уджалiс Изьва сельсöветса председателён, партийнöй да сöветскöй органъясын.

Сьöкыд туйяс вуджис фронт вылын сержант Павел Александрович Семяшкин. Вöлi механик-водительөн сöветскöй да английскöй танкьяс вылын. Нель вражескöй машина сотлöма. И аслыс ёна сюрис, кыкысь ковмылiс петны öзйысь танкысь.

А öтчыд, тайö вөлöма Курскöй дугаса Прохоровка сикт дорын, Семяшкинлөн Т-34 танкыс öзтiс вөрöглысь машина. Но некымын минут мысти снаряд веськалiс и сылөн машинаö. Сьöкыда ранитчöм сержантöс петкöдiсны ёртъясыс.

Война бöрас П.А.Семяшкин уджалiс колхозын, а сэсса корисны художникөн районса Культура керкаö. Сылысь серпасьяссö не öтчыдысь петкöдлiсны самодеятельнöй художникъяслөн выставкаяс вылын. «Ижемка» картинасö выlö донъялiсны Москва-ын, Россияса самодеятельнöй художникъяслөн выставка вылын.

1944 во август 20 лунся номерын «Атака» газет (лэдзис 376 дивизиялөн политотдел) йöзöдiс лейтенант Антоний Поповлөн подвигыяс йылысь очерк. Öти тышын враг ыджыд вынөн зырис взвод выlö. Антоний Попов вежис сьöкыда ранитчöм салдатöс да ачыс кутiс лыйсыны пулемётысь. Тайö тышас сийö бырöдiс вөрöглысь 20 салдатöс. Враг бöрыньтчис. Война бöрас Антоний Григорьевич уджалiс плöтникөн, Изьва сиктын кыпöдiс уна керка. Ранитчöмла да висьöмла водз кувсис.

Пётр Фёдорович Чупров война заводитчан वोсяньыс вёлөма шоперөн. Танкъясөн жуглөм васөд туйясөд полуторкаөн фронт визь дорөдз новліс снаряджяс, оружие, патронъяс, прөдукта. Йиөн вевттысьом Ладога ты вывтi кытшалөм Ленинградө нуліс пызь, сакар... И быд татшөм ветлөмыс крепыда пырөма вежөрас. Дас сизим рейс удитіс вөчны Ладога кузя Ленинградөдз. А дас көкъямысөднас снаряд торпыригъяс писькөдісны кабинасө, ранитісны кокас. Госпитальын вылөдз вундісны коксө. Гортас локтөм бөрын уджаліс школаын, велөдіс челядьс.

Михаил Фёдорович Семяшкин — 45 миллиметра противотанкөвöй орудиеса вөвлөм командир. Ленинград дорса Синявин нюръяс вылын ранитчис, куим осколок пырөма яяс. «Абу нин олысь»,— чайтісны ёртъясыс, кор сержантөс нуисны госпитальө. Но том морт веніс смертьсө, бөр сувтіс стройө, комануйтіс 76 миллиметра противотанкөвöй орудиеөн, кык вражескөй танкөс петкөдіс стройысь. 1945 वोся май 8 лунө артиллеристъяс лөсьөд-чисны аддзысьлыны американскөй салдатъяскөд. Сержантөс мөдөдісны видзөдлыны аддзысьлан местасө. Мунігас снайперлөн пуля веськаліс Семяшкинлы морөсас. Но сержант и мөдысь веніс смертьсө. Бурдіс. Фашист снайперөн розьбөдөм комсомольскөй билетыс өні сиктса музейын.

Война бөрас Михаил Фёдорович уна во веськөдліс леспром-козса орслөн рабочөй снабжение отделөн.

Алексей Григорьевич Канев нимавлөма зэв тэрыб көр пастукөн. Казытывлісны, сэтшөм жө перыдөсь пө сылөн и көръясыс, дадюв вывсынь кыйлөма некымын көинөс. Война вылас веськалөма лызьяс батальонө, куимысь ветлөма разведкаө враглөн ылі тылө. Снайперскөй винтовканас уна фашистөс мөдөдлөма мөдар югыдө. Но и ачыс көнкө сорсьылөма, снайперлөн пуля веськаліс юрас. Дас төлысь сайө госпитальса врачъяс бурдөдісны вөвлөм көр видзысьсө. Война бөрас Алексей Григорьевич матө 19 во веськөдліс көр видзысьяслөн бригадаөн. Витысь мөдөдісны Москваө ВДНХ вылө. Морөссө сылысь мичмөддісны «За отвагу» да «За боевые заслуги» медальяс, ВДНХ кык эзысь да бронза медальяс. Но мортыд водз муніс олөмсьыс.

Григорий Егорович Семяшкин война кадө вөлі сапёрнөй отделениеса командирөн. Казытывліс:

«Фронт кө сувтіс дорйысьны, сапёръяслы ковмыліс уджавны лун и вой, пуктавыны минаяс, өшлыны сутшкасьысь сутуга, стрөитны блиндажъяс. Наступление водзын войбыд идравны ассьыным да вөрөглысь минаяс. Менам отделениелы сетлісны задание взорвитны вөрөг тылысь, переднөй крайсянь матө 40—45 километр сайысь, кык пос. Вежон сайө вөлім налөн тылын, кыкнан поссө взорвитім».

Г.Семяшкинөс наградитөма Краснөй Звезда орденөн, «За отвагу» кык медальөн. Война бөрас уджавліс районса главнөй зоотехникөн, Коми АССР-са видз-му овмөс министерствоын главнөй зоотехникөн. Наградитлөма «Знак Почёта» орденөн, медальясөн.

Анна Яковлевна Истомина вөлі ыджыд калибра пулемёт расчөтын наводчикөн, вражескөй авиацияысь дорйис Мурманск. Наградитөма «За боевые заслуги» кык медальөн. Война бөрас

21 во уджаліс лысьтысьысьён, пасйылісны «За трудовое отличие» да ВДНХ медальясён, кыкысь помся бөрийылісны сельсөветса да кыкысь жö райсөветса депутатён.

Врагкөд повтөг тышкасисны Митрофан Петрович да Филипп Николаевич Каневъяс, Иван Александрович Филиппов, Игорь Петрович Родионов, Марианна Вячеславовна Канева, уна мукөд изьватас.

Сиктын эз вөв сэтшөм семья, кодös эськө эз вөрзбөд война. 203 морт сетісны ловнысö врагкөд тышын.

Война воясö сиктсөветыс удж котыртөм да фронтлы отсөг сетөм могысь вöлі аслыссикас штабөн. Сессияяс вылын колхозничаяс водзö сувтөдісны пыр өткодь могъяс: быдтыны ыджыд урожай, фронт ёнмөдөм могысь сдایتны государстволы планысь вывті нянь, йөв, яй, мукөдтор. Заседаниеяс дырйи ошкылісны зіль да тэрыб киа нывбабаясöс. 1942 воын пыртісны вогөгөрся трудоденьяслысь медся улыс тшупөдсö (минимум), кыпөдісны квайтымынсянь сёөдз, и тыртнысö коліс быть.

А сідзсö тайö лыдпасөдзыс некод эз лэччыв, минимумсö вевтыртлісны кык, куим да унджык пөв.

Сессия вылын аттьöалана кывъяс унаысь висьтавлöма конюк Анна Васильевна Каневалы. Бура дөзьöритö вөвъясös, ачыс дзоньталö сийösъяс, мукөд көлуй. Гожомнас Канева ытшкö машинаөн. 1943 вося уджысь сылы пасйöма 521 трудодень.

Депутатъяс пасйисны и Анна Николаевна Ануфриеваös. 1941 во помын верөссö босьтісны армияö, нывбабалы ки вылас коли 9 челядь. Но зіль ань война воясас мукөдысь кольччытөг отсасис колхозлы и турун заптігөн, и урожай идралігөн.

Война воясö сиктса йөз пөвстын ыджыд удж нуөдісны депутатъяс — Александра Лукьяновна Истомина, Лазарь Михайлович Артеев, Анна Гавриловна Филиппова, Александра Кузьминична Канева, Иван Петрович Семяшкин. Найö ыджыд төждөн матыстчылісны сиктса быд морт дінö, торйөн нин фронтовикъяслөн семьяяслы став вермана-позяна ногнас отсасисны.

Война кадас районса промкомбинат Карельскöй фронтлы вöчис кыксё сайö көр дадь, уна пара лызь, вурис палаткаяс, көр кысысь төбөкъяс, көр куысь маличаяс.

Цехъясын медсясö уджалісны 14—16 арöса зонъяс да нывъяс. 1941—1943 воясын Изьва промкомбинат (директорыс Иван Андреевич Чупров, технорукас Мария Степановна Канева) Коми АССР-са татшөм предприятиеяс пөвстын вöлі медся бурөн, кыкысь босьтліс Коми АССР-са совнаркомлысь Вуджысь Гөрд Знамя.

Колис йөз казтылөмö

Война помасьөм бöрас лои кык неминуца. Первой йывсьыс кодъяскö, гашкö, и вунөдісны нин, а мукөдыс оз лыддыны зэв тöдчанаөн важ лоөмторсö.

Варвара Васильевна Артеева казтыліс: «Колхоз котыртөм-сянь видзи ыжъясös. Быд во сетлісны премия, грамота. Москваö, видз-му овмös выставка вылө, мөдөдісны. Быдмыштіс Марья нылö, лоис бур отсасысьён. Колхозлөн ыжыс матö нельсё вöлі.

И колö жö лоны сэтшöмторлы. 1946 вося сентябрын ыжъяс йир-сисны Изьва ю берег пöлөн, матын ва дорас. Кыськö локтисны тшыг понъяс, уськöдчисны ыжъяс ылö. Повзьöм пемöсьяс шы-битчисны юö. Неямын ыж пöдiс. Менö прокурор дорö корлiсны, кöсийсны судитны, но сиктса войтыр мездiсны. Первойөн аслас овмöсысь ыжсö вайöдiс Семяшкин, бөрнас нин тöдмалi: сийö сиктсöветын уджалöма. Сылөн бурлун ылö видзöдöмөн öти-мöд бöрся ыжъяссö вайöдiсны тырмана лыдöдз и мукöд».

Пенсия ылас петöм бöрын 26 во дöзöритiс ыжъяссö Вар-вара Васильевналөн нылыс, Мария Фёдоровна Артеева. Сийöс наградитлiсны «Знак Почёта» орденөн, сетiсны «Коми АССР-са заслуженной колхозник» почёт ним, бөрйылiсны Коми АССР Верховной Сöветса депутатөн.

1948 вося май помын лоöмтор йывсьыс верстьöяс пöвстысь помнитöны, буди, ставөн. Вежон сайын Изьва сöстöммис йиысь. Йöсö öтарö-мöдарö кутiсны вуджöдлыны шнягаөн — ыджыд пы-жөн. Сийö пöрйö пыжас пуксьöмаöсь неямын морт. Нель пелысөн сынан шняга ньöжйöникөн ылыстчöма берегысь. Ю шöрас лэчыд вой тöv ныр доровтöма уна йöза пыжсö. Öкмысөн вермöмаöсь кутчысьны пыж дорышас, куимөн вартчöмаöсь берегöдзыс. Мукöдыс вöйисны.

Война бöрас некымын вöн Изьваса колхоз сувтiс кок ылас. Танi, Коми Республикаса юрсиكتъясысь медводз, вöлi лöсьöдöма овмöс сöвмöдан дас во кeжлö план. Паськöдчим муясөн, видзь-ясөн. 1972 воын овмöсыс вузалiс государстволы 716,7 тонна йöv, 93,2 тонна яй, план тыртöма 109 да 120 прöчент ылö. Ыджыд пай таын агроном Лукерья Алексеевна Осиповалөн, зоотехник Татьяна Андреевна Дуркиналөн. И колхозничаяс водз-мöстчисны. 1982 воын Вера Кирилловна Валейская, Елена Ни-колаевна Чегодаева да Валентина Григорьевна Истомина шöр-кодя быд мöслысь лысьтiсны 3400 литрөн. В.Г.Истомина, ма-шинаөн лысьтысигөн, республикаса конкурсын куимысь босьтлiс первой места.

Реформаторъяслөн власть дорö локтöм бöрын ёна донсялiс техника, ломтас-мавтас, электроэнергия, а йöv-йй ньöбисны дон-тöм донысь. Государство дутдiс отсавны колхозлы. Татшöм ногөн сикт ылас видзöдiгөн сьöкыд сöвмöдны видз-му овмöс. Воысь-во кутiс чинны скöt лыд.

Но сиктын олöмыс эз кус. Бөръя воясö бөр кутiс содны аспом овмöсьясын мöсьяслөн да вövъяслөн лыдыс. Уна семья видзöны кык мöскөн, эмöсь весиг куим мöска семьяяс. Тöдчымөн унджы-көн кутiсны быдтыны порсьяс, лöсьöдiсны кöзаясöс.

Танi кужöны гажöдчыны

Изьваысь кындзи Коми Республикаын öдвакö эм мöд татшöм сикт, кöнi сэтшöм мичаа сьылöны. Наукаяс академия Коми фи-лиаллөн фольклор чукöртан экспедиция кыкысь волiс миян сиктö. Уна сьыланкыв изьва кылөн сьылiсны Елизавета Карловна да Наталья Никитична Истоминаяс, Ирина Семёновна Рочева.

1984 воын сиктаным мунiс фольклор праздник. Волiсны са-

модеятельной артистыяс Коми Республикаса быд районьсы да тшöтш и Тюмень, Мурманск да Архангельск обласьтыясыс.

Изьваса Культура керкаыс фольклор коллектив выступайтис Калининградын, босьтис мöд места, Нарьян-Марын — первой места.

Олöма йöз помнитöны «Народные таланты» паськыд экрана уна рöма фильм. Сиöма Изьваса сылан да йöктан ансамбльлы. Сöвет власьтлы 50 вося юбилей кезлö самодеятельной артистыяс петкöдлсны концертсö Москваса Кремлёвской дворецын. Уна уджалсны сиктса артистыяслыс репертуарсö озыр-мöдöм вылын налөн композитор Глеб Семяшкин, сылысыс Харитон Артеев да Андрей Истомин. Концерт вылö волысыяслы торйөн нин воис сёлöм выланыс «Печора, Печора» сыланкыв (музыкаыс Г.Семяшкинлөн, кывъясыс А.Мурзинлөн).

Унаён аддзылсны сиктса Культура керка сцена вылыс «Видзö пыран лун» вокально-хореографической серпас. Сийö лоис подулөн «Луд» праздниклы. «Луд» праздник ёна воö сёлöм вылас быдöнлы. Сийöс пö поэö öткодявны Чилимдинса горкакöд. Тайö праздникыс мукöдясыс торъялö сийөн, мый видзöдысыс этша, а быдөн зильöны асьныс мыйкö висьтавны-петкöдлыны-ворсны, öта-мöдсö гоститöдöны шаньгаён, чериняньён... Быдöнлы зэв кажитчöны спортын ордысьöмъяс, вермасьöмъяс, конкурсъяс.

«Луд» праздниксö котыртысясыс — районса культура юкөн-ён веськöдлыс Татьяна Попова, Культура керкаыс хормейстер Лидия Терентьева да театрын художественной веськöдлыс Елена Ярцева.

«Некымын во нин ме хорын, ёна радейта коми сыланкывъяс,— висьталö Олимпиада Канева.— «Луд» праздник дырйи зиллям петкöдлыны, кызди ёна важөн мян прабабъяс да прадедъяс гажöдчылöмаöсь. Но, ме думысь, медся тöдчанаыс сийö, мый тані быд морт вермö петкöдлыны асьыс сямсö, мывкыдлунсö».

Людмила Чудова, журналистка: «Зэв бур, мый мян сиктын эмöсь енбиа йöз, кодъяс вöчöны да нүдöны тайö праздниксö».

Пыралам музейö

Юрсиктса медмича керкаас (кыпöдлöма озыр крестьянин В.М.Попов) меститчöма краеведческой музей. 1965 воын подуvsö сылы пуктылис учитель-фронтовик Иван Фёдорович Ануфриев.

Унатор поэö аддзывны музейыс. Тыдаланаины археологической памятникъяс — изйысь, ыргöнысь, көртысь вöчöмторъяс, мамонтлөн бивень. Эм тані и XI нэмын вöчлöм сідз шусяна боевой чер. Жыр шöрын сулалö чум. Көр видзысьлөн паськөм, тасма. Мичмöдöма бронза пластинаясөн, чепгясөн. Татшöмторсö вöчлсны Изьвавомыс Иван Николаевич Филиппов да Кипиевоыс Александр Герасимович Канев. Тані эм Каневөн вöчöм көр дадь, дадь выв ящикъяс.

Петкöдлöма озыра овлöм Поповлыс керка пытшкөссö: шкафъясын дона чашкаяс, тасьгяс. Стенгяс бокын — мича улöсьяс, орччөн — рояль, важ кадся вöччан паськөм, уна мукöдтор.

Экспонатъяс петкöдлöны Первой мировой война кад, Изьва

да Печора бердса сиктыясын совет власьт вöсна тыш, гражданскöй войнадырся документьяс, снимокьяс.

Первой мирöвöй война вылын подвигыясысь Красноборысь Конон Дмитриевич Терентьевöс наградитлöмәöсь нель Георгиевскöй крестöн да нель медальöн. Сизябск сиктысь кукань видзысь Матрёна Трофимовна Артееваöс Печора му вылысь медводдзаöн вöли пасйöма Трудöвöй Краснöй Знамя орденöн да бöрйöма СССР Верховнöй Советса депутатöн. Эм тані снимокыс Щельяюр затонысь плöтник Михаил Григорьевич Пьянковлöн, кодлысь нимсö 1936 воын пыртисны «Социалистическöй стройкаясса Геройяс» книгаö. Снимокьяс петкöдлöны Няшабöжса судоверфын вöчöм баржа макетьяс, эмöсь и Щельяюрын суднояс стрöйтöм йылысь фотояс.

Изва район кольöм нэмын вöли Печора крайлы специалистьясöс дасытан шöринöн. Уджалисны зоотехнической, педагогическöй да речнöй техникумьяс. 1933 воын зоотехнической техникум медводдзаöн помалысь техник-оленеводаьясöс мöдöдiсны көр видзан да вöралан овмöсьясö Чукоткасянь да Кола кöджöдз. Дыр кад веськöдлiс көр видзан Ямалса овмöсöн Василий Филиппов, кодi лоис Россияса Государственнöй премия лауреатöн.

Винтовкаяс, орденьяс, медальяс, планшетьяс, гижöда документьяс петкöдлöны, мый война воясö врагысь Рöдинаöс дорйыны район мöдöдiс 5002 мортöс. Мокчой сиктысь Андрей Хатанзейскийлы, Кипиевоысь Александр Чупровлы (войнаöдз кыкнанныс вöлины көр видзысьясöн) сетöма Сöветскöй Союзаса Геройлысь ним. Стенд вылын снарядлöн тор. Гам посёлокысь Михаил Гуцин морöсас новлöдлiс сийöс дас сизим во. Музей чукöртiс фронтовикьяслысь да тылса уджалысьяслысь казтылöмьяс, фронтвывса письмöяс.

Тыдалана местаын КПСС ЦК-лöн, СССР-са Министрьяс Сöветлöн Вуджысь Гөрд Знамя. 1977 воын сийöс сетiсны районлы видз-му овмöсын ыджыд вермöмьясысь. Синмö шыбитчö и КПСС ЦК-лöн, СССР-са Верховнöй Сöветлöн да ВЦСПС-лöн Юбилейнöй Почёт Знак. СССР-лы 50 во тыран воö сийöн пасйылисны Няшабöж сиктысь «Путь к коммунизму» колхозöс. Сэни, районын первойöн, шöркодя быд мöслысь кутiсны лысьтыны онас куим тонна йöв, гектар вылысь чукöртны 250 сайö центнер картофель. Колхознас веськöдлiс Даниил Александрович Терентьев. Районса колхоз-совхозьяслысь удж кужöмөн котыртöмысь Д.А.Терентьевöс пыртöма «Россияса медбур йöз» книгаö.

Гожöмнас музейö чукöртчылисны вöвлöм 887 ПМК-са рабочöйяс, инженерно-технической работникьяс. Налöн киясöн кирпичысь да пуысь лэптöма уна сё керка. Дыр кад тайö предприятиенас веськöдлiс инженер Роберт Николаевич Дамаскин. Музей чукöртлiс и промкомбинатса вöвлöм рабочöйясöс, мастерьясöс, Изва—Ираэль туй да аэропорт стрöитысьясöс.

Волысьяслы воöны сьöлöм вылас Татьяна Поповалöн картинаясыс. Изваысь самодетельнöй художник Пётр Каневлысь «Ижемка» картинасö да «Көр видзысь» скульптурасö босьтiсны странаса да рубежсайса выставкаяс вёлö.

Тані жö снимокьясыс Олимпийскöй чемпионьяс Александр Ануфриевлöн, Раиса Сметаниналöн, Василий Рочевлöн. Война

бӱрас районьсы петіс 56 спорт мастер. На лыдын Бакурысь нӛль вок Филипповъяс. Бӱръя куми вонас пауэрлифтингын мастеръясӱн лоисны Ирина Сергеева, Сергей Цыгӱев, Елена Бойко, Владимир Филиппов, Мария Хозяинова, Александр Бессонов. 1999 восянь «Пера» спортивной клубысь мастеръясӱс пыртӱма Олимпийской резервӱ. Районьн спорт сӱвмӱдӱмӱ уна вын пуктӱны «Пера» клубса тренер Игорь Колесов, спорт мастеръяс Игорь Лукин, Семён Артеев, мукӱдъяс.

Талун Изъва сиктын

Воысь-во паськалӱ да мичаммӱ миян войвывса сикт. Ӗні сӱні олӱ 3878 морт, на лыдын 3130 — коми. Эмӱсь рочъяс, украинечъяс, белорусъяс, татары — сідзкӱ, уна кыла войтыра сикт.

Вылъ оланінъяс, общественной стрӱйбаяс кыпӱдӱны генеральной план серти. Изъва райсӱветса исполком вынсьӱдліс сійӱс 1975 воын. Бӱръя кӱкъямыс вонас кыпӱдӱма 167 аспом керка. Унаӱн кутісны лӱптыны кык судта стрӱйбаяс. Стрӱитчыны окотитысьыс уна, сиктса администрацияын чукӱрмӱма нин 160 пыӱдӱчӱм. Бӱръя 20—25 вонас нюжаліс куми выль улича — Сосновой, Паромной да Лугӱвой. Бӱръяыс торійӱн нин мича. Унджык керка водзас быдмӱны пуяс, дзоридзъяс. Уличаыс кос, шыльыд, сійӱс бурмӱдны петалісны асьныс улича бокъясас олысьяс. И та вылӱ найӱс кыпӱдіс «Изъва район» акционер кӱтыр сӱветса депутат Иван Семёнович Артеев, кодлӱн оланіныс тайӱ жӱ улича вылас. Бӱръя воясас кыпӱдісны ыджыд да мича поликлиника, больничы корпус.

Дас во нин Изъва, а сідзжӱ Сизыбск, Мокчой, Бакур, Гам да Мошьюга сиктса олысьяс юсӱ вуджалӱны понтон пос вывті. Тані ыджыд пайыс районса вӱвлӱм юралысь Николай Терентьевич Братенковлӱн.

Тувсов ытва быд во нуис берегсӱ, юыс матыстчӱ сиктлань. Райцентр весьтысь берегсӱ ӱнмӱдӱм могысь вайӱма 20 тысяча сайӱ тонна бут из, уна тысяча тонна лыа. Юрсиктын пӱвъя тротуаръяс вежӱны бетон плитасӱн.

Изъва сикт важысянь нимавліс бур йӱзӱн. Семён Тимофеевич Артеев 1919 воын помавліс Гӱрд профессоръясӱс дасътан институт, а сӱсся веськӱдліс тайӱ жӱ институтас политэкономия кафедрӱн, бӱрынджык вӱлі институтса директорсӱ вежысьӱн.

Николай Артеев, Москваса медицинской институт помалӱм бӱрын, уджаліс Усть-Уса больничыын. 1931 воын Кожва районьн унаӱн висисны тифӱн. Николай Лукич унаӱс вермис бурдӱдны, но ачыс пежассис да кулі. Усть-Усаса больничалы сетӱма Н.А.Артеевлысь ним.

Экономической наукаысса доктор Геній Васильевич Канев унатор вӱчис Коми Республикаын видз-му овмӱс сӱвмӱдӱм могысь. Дыр кад веськӱдліс СССР-са Наукаыс академиялӱн Коми филиалын аграрной проблемаяс секторӱн. Канев юрнуӱдӱм улын вӱчӱма дыр кад кезлӱ видз-му овмӱс сӱвмӱдан концепция. Научной видзӱдласа уджсӱ вылӱ донъялісны гырысь учӱнойяс.

Серацион Григорьевич Терентьевлӱн став олӱмыс йитчӱма

тундракөд. Зоотехнической техникум помалом бөрүн дыр кад вөлі тундраын ветеринар-пельшөрөн, а сәсся кызы өти во уджаліс районас видз-му овмөс управлениеса көр видзан овмөсын старшой зоотехникөн. Сійө видзөдаліс Изьва ю да сылөн вожъясбердса ягыяс, карта выло пасьяліс көръяслы төвса яла пөскөтинаяс. Водзмөстчис и сы могысь, медем көр видзысьяслөн быд семья оліс шоныд керкаын. Терентьевөс наградитома «Знак Почёта» орденөн, сетөма «Коми Республикаса заслуженной уджалысь» ним.



Пётр Николаевич Дитятев 25 во уджаліс районса больничаян, вөчис уна сюрс операция. Öти том зонлы сутшкылөмабсь пуртөн, дойдөмабсь сьөлөмсө. Квайт час кыссьөма операцияыс. Мортис быдмис, öні уджалө, сьөлөм дой вылас оз норась. Дитятев 1999 восянь 2007 вося март помөдз вөлі больничаса главной врачөн, сьөкыд кадас вөчис ставсө, медем быд висъысьлы сетны тыр отсөг. Пётр Николаевичөс кыкысь помся бөрйылісны Коми Республика Госсөветө депутатөн, сылы сетөма «Коми Республикаса заслуженной уджалысь» ним. Тавося апрельсянь Дитятев уджалө Изьва районса юралысьөн.

Матө нелямын во Григорий Григорьевич Канев ветлөдліс тундраын көр пастукөн, быдмис бригадирөдз. Нельысь вөвлі ВДНХ-са участникөн. Томысянь кутіс вөчавны көр дадыяс, артмывлісны крепыдөсь, мичаөсь, кокныдөсь. Уна көр пастук шыөдчывлөны тайө могнас и öні. Кольөм нэмса 60-өд воясын Ленинградса этнографической музейлы Григорий Григорьевич вөчис нель көпыла көр дадь, челядылы исласян дадь да дадь выв ящик. Сэні көр пастукъяс видзөны сакар, чай, мукөд сёян-юан. Пенсия вылас петөм бөрүн Канев быд во вөчө некымын көр дадь.

Виталий Фёдорович институт помалом бөрас велөдіс школаын. Уджаліс райкомса мөд секретарөн, көкъямыс во — райисполкомса председательөн. Сійө зэв уна вөчис, медем өдйөджык нюжөдісны Изьва—Ираэль туй, восьтісны выль аэропорт. Кокъясыс висъмөм бөрүн корис мездыны председатель уджысь. Вөзйысис школа-интернатө директорөн. Сиктса йөз унаысь норасьлісны школа-интернатса велөдчысьяс выло: дурөны, учительяслысь оз кывзысьны. Виталий Фёдорович локтөм бөрүн ставыс сэні вежсис. Школа кутіс видзны порсьяссө, воысь-во унджык быдтыны дзоридзяс, помидор, өгурцы, лук. Ставсө тайөс ньөбисны сиктса йөз. Деньга вылас судзөдісны лызьяс, спортивной ботинкыяс, волейбол маच्याс, велосипедъяс, весиг куим мотоцикл. Дисциплинаыс бурмис, челядь зильөмөн велөдчөны. Школа-интернатө сям босьтөм могысь кутісны воывлыны мукөд районъяс воспитательяс. Выло донъялөма В.Ф.Каневлысь челядькөд уджсө — сетісны «Республикаса заслуженной учитель» почёт ним. Öні Виталий Фёдорович пенсия вылын, но весь оз ов: «Изь-

ватас» общественной котырлөн председательӧс вежысь, тшӧкыда
воливлӧ и школаясӧ.

Лариса Дмитриевна Артеева — района социальной управ-
лениены специалист. Дас кык во веськӧдлӧ нывбабаяслӧн
района сӧветӧн. Женсӧвет отсӧгӧн бӧръя вит онас 14 семья
лӧсьӧдӧсны мӧсьяс. Района женсӧвет отсавліс чукӧртны висъысь
челяды операция вылӧ сӧм. Сідз, Брыкаланскыс Максим
Филипповлы операция вӧчӧм вылӧ лои чукӧртӧма 24 сюрс шайт.
Лариса Дмитриевна тшӧкыда йӧзӧдӧ сиктса нывбабаяслӧн сӧвет
удж йылысь статьяс, района бур семьяс йылысь дасьтӧ бук-
летъяс.

Кыдзи и быдлаын, сиктын тырмытӧмторъясыс эм жӧ. Ёна
унаӧнӧсь на уджтӧмалысыс. Но кӧр овмӧса сиктын олӧмыс
тӧдчымӧн бурмӧ. Волӧй мянӧ — асьныд аддзанныд.



Снимокъяс вылын:

1. Изъява района музей (В.И.Поповлӧн вӧвлӧм керка).
2. Генерал-лейтенант Василий Ионикевич Филиппов.
3. Пётр Николаевич Дитятев Вероника Энгельсовна гӧтырыскӧд.



Гусьоник нин кызөкталө ар...

* * *

Гусьоник нин кызөкталө ар,
а ме век на гожомкөд эг коллясь.
Но и мый, өд
поводдяйс бурдө, чинө жар,
сідзкө, тавой сэсся ог нин омляв.
Тавой войнас лесоб лов оз кыв,
мый вөлөма, и лоө, и оз ло нин,
Но ме ог сомын аслам йылысь сыв,
Со поводдяйс кутшөм! Вөнхөн
гартө өшинювса вөр,
да кутшөм вөнхыс — гөрда-вижа,
но та йылысь ме дзик нинөм ог төд,
да бурджык мукөд кывбур гига.

* * *

Кор олөмсыйд нин джынсьыс унджык олан,
быттө төдан, мый нин тэныд колө...
Но со бара радейтчөмыд шымыртас,
вөтлас юр весът өшйөм пөрысь кымөртө.
Көть кымөрыс на пырысьтөм оз мун —
асалөма сылөн югыд лун...
Но, а войыс тэнад —
Радейт! Лэбав! Ов!
...Радейтчөмсьыс быттө он кө пов.

* * *

Миян кольөма кад...
Бордсө видлөны вынаджык чөжъяс.
Миян кольөма кад...
А ми думайтөм, каттысьө ньөжйө.
Миян кольөма кад...

* * *

Видзөдлы, Кушманов,—
кутшөм арыс.
Гөрд пелысьөн кыз сотчө
арся карыс.
Став кывбуръяссьыд
кисьмөм пелысь розъяс

чукөртчөмны...
...Төлыс, буракө, көдзыд лоо...

* * *

Йирыс тывъявлас
да бара лэдзлас.
Нөшта недыр
вөльной светас
педзлан
выль йир
виччысигмоз...

* * *

Ичөтик урпиөн сьөлөмөс гыжъялан,
көні тэ? көні? көн?
...Торъя висьом —
письмө виччөм...
Быттьө ёна зэлалөма кад,
оланпасьталаыс сэтшөм паськыд —
тэа-меа костын кымын сөн?
Зэвтчөм кадыс тронькнитас да орас.
Сэки босьт да менсьым сьөлөм корав,
курав оланпасьтала пасьталасьыс...

* * *

Мирыс бара ордлыяссө чургөдіс,
бара аскөд вөльной светас ме ог төр,
мый нө, мый нө бара сьөлөм жугөдө?
Өти кывйысь он жө йөйтав,
верстьө морт...
А өд кывйыд вөлөма тай быдсяма,
овлө — швачөдөны, но и мед.
Кымын олан, сымда пө и умсялан —
медся мелі кывнас дойми ме...
Дзирыд дойөн көнкө пытшкын чөсөдө,—
кужин аддзыны тэ медся гусяин...
Өні эськө ставсө, ставсө косөді,
Мед ин куж тэ восьтны... Ин...

❖ ❖ ❖

Мича Даша

НАЦИОНАЛЬНОЙ АРХИВСА ДОКУМЕНТЪЯС
ПОДУВ ВЫЛЫН ОЧЕРК

Помөсдинса Успенской вичкоо волысьяс унаысь аддзывлісны пидзөс вылас лэдзчысьмөн пернапас чөвталысь, джоджөдзыс копрасысь мича нывбабаөс.

«Петыр вигзö пыртөдз тагзи Енлы юрбитны кутас раба божья Дарья,— юөртлісны Енлы кевмысьяслы вичкосаяс.— Верөсыг Ен улын, а нывбаба-гөтырыг нөшта на и верөс улын олө-вылө».

* * *

1885 во. Турөбъяса төв. Помся сапкысь лым эз лөнь и ыджыд видз помын. Тырталіс гид-картаяс, турун зорөдъяс, пес чипасъяс. Паськыд зыртөг он писът ва юкмөсөдз, пывсянөдз, кум-жыт-никөдз, орчча керкаөдз. Комын вит арөса Артип Дарья эз жө вермы петавны жыт-никөдзыс. Заводитліс собны, но воськов-мөд мысти сибдіс: лым толаас колис гын сапөг пөвсө.

«Керка помын зыр абу,— броткис сійө.— Гурей Прокө верөсөй зыр вөчны оз сяммы!»

Оліс Гурей Прокө, отставкаын матрос, кык вежөса-горничаа керкаын. Видзис мөс, кук, вөв, квайт ыж. Керка дорас нөшта кум-жыт-ник, гид, пывсян. Керка жыръяс, горничаас пызан-улөс, рөмпөштан, шкап, кык сундук, дозмук, новланторъяс. Дзебасын сьом. Отставкаө петөм бөрас (петлісны 43 арөсөн — **А.П.**), 1869 во июнь 14 лунся индөд серти, дон босыттөг сетісны керка-карта лэптыны вөр, овмөс лөсьөдны сьом. Нөшта быд төлысь воис кык шайт квайтымын ур пособие. Сьом вылас ас сиктсаясыс жө и лэптісны керка, гид, жыт-ник, пывсян, кум. Ачыс эз кутчысьлы: мый нө вөчан ки пөвнад. Вєськыд кыис көнкө Сьод саридз пыдөсын куйлө-сісьмө. Басурман чукля сабянас гыррдза выйөдзыс орөдіс. Овмөсыс гөтыр пельпом вылас кутчысис. Сыысь кызь арөсөн томджык Трөш Наста гумыльгаөн бергөдчис: пемөсьясөс вердіс-дөзьөритіс, гөрис-көдзис, идраліс нянь. А сійө, Гурей Прокө, ботанөн чери, лэчкөн сьөла-тар кыйис. Олісны эськө и водзө, эз кө гөтырыс биа висьомысь кувсы.

Артип Дарья чужліс да быдмис-верстяммис тайө сиктас жө. Петаліс верөс сайө. Верөсыс, Сава Микулай, гөрис-көдзис, кераліс тыла, вөраліс. Төвнас ветліс Из дорса заводө пес керавны. Кык во и нажөвитчис.

Коймод воас, заводсьыс локтігөн, лёк йөз виомаось. А вёлөсьт-саяс серти мод ног: ачыс пö код юрнас сгинитіс.

— Öти воö тэнö и менö шог суис: менам гөтырöй, а тэнад верöсыд куліны,— Артип Дарьякөд паныдасьлігас шуавліс Гурей Прокö.

— Öтиö, öтиö, Прокопей Гурьевич! Öні эня-ныла олам-вылам,— вочавидзліс Артип Дарья.

Гурей Прокö овмөссö кутны-дöзöритны суседьяссö медавліс. Отсавлісны и кувсьом гөтырыслөн бать-мамыс, Öвер Трöш гозья. Но висьом-вермытöм вöсна найö регыд и дугдісны, а дзебасö пуктылом сьом чиніс и чиніс. Гурей Прокö дыр мөвпаліс, кыдзи водзö овмөссö кутны. Воис мөвп гөтрасьны. Озыр овмөс вылад унаөн ыштасны. Эз жö узьсьы и Артип Дарьялөн. Эз пи, а нывсылөн чужліс. А нывсьыд некутшөм отсөг. Нылыды видз-му оз сетны, нылыд гортсьыд нуö. Пиыд нажөвитö, гортад вайö. Сылы видз-му шöрыштöны.

* * *

Квайтымын куим арöса, чукурöсь чужöма, сырмысь мыгöра отставкаын матрос Гурей Прокö да 35 арöса, латшкөс тушаа, кызіник тэчаса ань Артип Дарья венеч улö сувтісны 1884 вося Сретеннö мод лунö. Вичкоö мунтöдзыс Гурей Прокö шуöма Артип Дарьялы, кор пö öтлаын кутам овны, дрöчка нывтö батьмам керкаад нуöd. Квайт арöса нин сійö: ыджыд мамыслы-батыслы отасьысьөн лоö. А сійö, ки пöла айка, оз көсйы сьөктöдны ассьыс олөмсö. Но Артип Дарья көть и көсйысьлөма, абу и думышталöма нывсö нуödны. Оз пов Гурей Прокöысь, ки пöла, сырмысь мыгöра лолысь. И медводдза лунсянныс зык-шум. И абу сöмын сы вöсна: Гурей Прокö оз вермы Дарьяös могмöдны. Войбыд зыксöны. Орчча керкаясöдз зыксöмыс кылö.

— Олөмтö тэнсьыд коркö помала!— горзö Дарья.— Ог кө, томкöд кутчысьлыны кута.

* * *

Гурей Прокö пукаліс гөбöчö пыран öдзöс дорас кыдз пу джек вылын да юкаліс сартас. Видзöдіс, кыдзи гөтырыс ломзöдіс ыджыд пачсö. Но пачас сюялөм пескыс эз ломзыы, чискис. Тöv пöльыштігьясас пач гыркас чукөрмөм тшыныс пуркнитліс пач вомöдыс, тыртіс жырсö тшыннас. Дарьялөн гөбöч вылас узьысь нылыс садьмис да бөрддзис.

— Кос пес он вермы лөсьöдны-дасьтыны. Мыйла и гачсö новлан. Оз гач, а шушун тэныд новлыны колö!— верöсыслы лыддьöдліс Дарья да сямöд тыра чумансö швачнитіс джоджас, талыштіс. Вешйис гөбöч дорас.

Гурей Прокö чукөртіс юкалөм сартассö. Чеччис джек вывсьыс. Пач костсьыс кыскис кузь воропа нянь зыр. Сюмөдөн гартыштіс китыра сартассö, пуктіс зыр вылас да суйис пачас. Здук мьисти пач гыркын яра ломалысь биыс югзöдіс нин керка пытшсö.

— Дарья, тэ нарошнö он ломзöд. Уліас уль пес тэчöмыд,— джек вылас бөр пуксиг көритіс гөтырсö Гурей Прокö.— Нарош-

нө жө и дрөчка нывтө бать-мам дорад он нуөд. Синнад ме
вылө видзөдны он вермы. Быд ногыс дөзмөдан. Көсьян, мед өд-
йөджык кулі. Төда, ог ме, а овмөсөй тэныд колө.

— Колө и көсья! Көсья, мед өдйөджык мөдар югыдас мунін.
Томөс ас вылө гөтрала. Зэв лөсьыда овны-вывны кутам...

— Подей Степаныдкөд али мый?!

— А көть и ськөд!

Гурей Прокө көсийс горөдны, чеччыны да мый вынсьыс сө-
тыштны Дарьялы бандзибас. Но эз вермы: гөрддзассис горшыс,
кокъясыс лигышмунісны, мыгөрыс сырмис, веськыд ки колясас
косыштіс дой. Здук-мөд кезлө керкаас пуксис чөв-лөнь.

* * *

Енэжсө пыкысь дзор козъя парма коли бөрө. Водзын —
пожөма яг, сы горувті визувтысь ёль. Ёльсянныс дас сыв сайө,
медалөмөн жө, Прокө вөчөдліс вөралан керкасө. Ывлаын мөдіс
нин рөмдыны, кор көзяин пырис чомъяс. Пөрччис нопсө.
Ломзёдіс пач. Петіс ывлаө. Пестіс бипур. Ёльсьыс гумовтіс ва.
Өшөдіс пөртсө би весьтө. Пуксис бипур дорас паськыд мыр
вылө да ас кезсьыс казътыліс олөм-вылөм йывсьыс. Кызь өти
арөсөн босьтісны рекрутө. Кулөмдінса Петыр-Павел вичкоын
вежа ай Олексей кийсь окаліс крест. Көсийысис олөмсө жалит-
төг дорйыны сарөс, тышкасьны вөрөгкөд. Усть-Сысољсксянь
Вөлөгдаөдз матө өкмыссө верст восьлаліс подөн. Сэсянь водзө,
сідзи жө подөн, лунвывлань, көні вөрыс абу и вөвлөма. И тадзи
Сьөд саридз дорөдз. Сьөкыд, зэв сьөкыд вөлі. Рочнад эз гөгөрво,
да нөшта на. Фельдфебель да унтер-офицер унаысь ныр-вомсө
тшыкөдлісны, а карабъяс вылын — нөшта на и боцманыс. Са-
ридзас шыбитлісны и. Но эз вөй. Лэптісны. Сьөд саридзсө уна-
ысь вомөнавліс. Муяскостса саридз да басурманъяслөн муяс
пыр ветліс. Уна, вывті уна шензёданатор аддзыліс...

Пөртйын ваыс пузис. Гурей Прокө лэдзис пөртсө мөтыр
вывсьыс. Сера дөра вотлукысь перйис косьтөм турун-быдмөг
сорас да китырнас пуктіс пөртъяс. Матыстіс пөртсө бипур-
ланьыс.

«Уразнөй турун, креста турун, воййыв турун, сэтөр кор, пон-
пир кор пөжсясны, и юны позяс,— ас кезсьыс сёрнитіс Гурей
Прокө.— Мудз бөрад турун сорасысь юанторйыс вын-эбөс се-
тас. Дойысь, юкалөмысь личөдас. Дойясыс уна-уна вөрөгкөд
тышъясысь. Бур на, мый ки пөв сөмын вошті».

Сьөм пособие индөдөн гортас дзикөдз вылө лэдзисны. Көть
и ки пөла да уна дойяса, но озыра олысь лов саяд петысьыд
уна вөлі. Да-да, уна! И өні на эмөсь, көть и пөрысь да вермытөм
нин... Ыштіс жө ме сайө петны и Артип Дарья. Гурей Прокөлөн
гөтыр кулөм бөрас сійө медасьөмөн уджавліс көзяйкатөг кольөм
овмөсас.

«И ачым Дарьяөс көсий. Ас дорас кыскысь мича чужөма, кы-
зіник лядвөйяса. Аддза, да чужөмөй пөсьөн-жарөн ыпнитө.
Ок-ок-ок! Кувтөдз көсья Дарьяөс, Дашаөс! Эг кө көсий, вөжөн
нин торйөдчи, көть и төда, вичко оз лэдз тадзисө вөчны».

Турун сорасысь васө сакарөн юөм бөрын Гурей Прокө куш-
тіс кык сьөла. Пуис. Нуръясис шыднас. Яйсө ставнас сөйис.

«Яйыс вын содтас. Дарьяос, Дашукос мед водзё вылө верма могмөдны,— ас кежас шуалис Прокө.— Аски лэч туй кытшовтігөн вын сетан турунъяс чукөрта: понпир, сус пу коль. Сус пу өрешкиыс пө ай вынтө содтө. Вежон кык-куим ёнмөдча да вөлись нин гортө лэчча. Дарьяос кутла да окала. Водас кө мекөд, дерт».

Көть и первойсянныс виль гозъя өтлаас гежөда узылісны, но бөръя кадас Дарья вермытөмтө дзикөдз дугдіс сибөддыны.

«И вөравны ветлывлікості абу гажтөмтчывлөма. Өдзөс сөмын на восьта, а сійө пинясьө нин. Абу ме, а Подей Степан дум вылас сылөн»,— ас кежас скөралө Гурей Прокө.

Ывлаын сап пемыд нин, а Гурей Прокө пыр на пукалө. Видзөдө бипурас кусысь, чусалысь өгыр вылө.

* * *

— Аددзылі, нопйөн, лазъяс черөн джуджыд йөр дорті вось-лаліс. Вөр керкаас, тыдалө, кайис. Ме лавкаос пөдлалі да котөрөн тэ дінө,— висьтасьө Дарьялы Подей Степан.

— Ме тэнө, мусукөй, важөн нин виччыся. Шогөйла места ог аددзы, мися, татчө йөйма. Лок, лок. Ме вольпасьтө горничаө лөсьөді нин. Тані дукуыс сылөн кылө.

— Кылө, кылө, Дарья Артиповна, кылө!— шуалө Подей Степан да окалігтыр сывйыштө Дарьяос.

Дарья, кок улөдзыс шушуна, коскас көрталөм водздөраа, чипан сера чышъяна, ваяліс пызан вылө вөлөга, чашка-пань, нянь. Пыраліс гөбөчас, сувтөдіс пызан вылас вина штоп. Петаліс ывлаө. Кильчө өдзөс водзас пөлынөн сувтөдіс гөлик рос, посводзсянныс каличаліс.

«Мед некод оз лок!»— ас кежсьыс кывкөрталіс Дарья.

Дарьялөн ывлаө петалікості Подей Степан гулькнитөма нин чашка тыр вина, чеплялө черинянь.

— Степан, петалам горничаас, а сэсса нин сөям-юам. Ог нин вермы виччысьны,— водздөрасө пөрччигмозыс шуалис Дарья.— Шушунөс сэтчө пөрчча.

— Тані нин, Дашук, пөрччы!— вөййө Подей Степан.

— Тані кө и тані, Степанушко!— көсйысьө Дарья.

Шушунсө пөрччигас дөрөм мыг увсьыс тыдовтчылісны Дарьялөн кызіник еджыд лядвейясыс. Степанөс тірөм босьтіс. Пельыс гөрдөдіс, чужөмыс ыпнитіс пөсь жарөн. Сійө звирк чеччис пызан сайсьыс да уськөдчис нывбабалань.

* * *

Ывлаыс пемдіс нин, кор Гурей Прокө пырис гортас. Дарья зэв шань, нюмъялө.

— Төдсьөма, тыдалө, локтан лунтө, да пуси и пөжаси. Пывсян ломті,— висьтасис сійө.— Вежны дөрөм-гачыд дась жө. Мудзтө веськөдны курыд ва штоп эм и.

— Мый водзын нө, Дарья, тадзисө вөчан?! Подей Степаныдкөд торксин али мый? Ассияыд кывлі: мусукасянныд...

— Сөрөм, сөрөм сійө, Прокопей Гурьевич, сөрөм. Сэки өд дөзмөма вөлі. Степаныд кыкысь и воліс. Мөдысьсө локтіс да керка жырийө эг сибөд. Посводзысь карнан босьті да мышку

кузяыс швачниті. Ойзігтыр гортас мунліс. Сы бёрын эз на и
волы... Эз, эз волы, Прокопеюшко...

* * *

Арся пемыд войыс сьод эшкынён личкёма сиктсё. Гөгөр
чөв-лөнь. Сёмын өти-мөдлаын увтышлөны понъяс да кадысь
кадө кылө войся стөрөжъяслөн паличөн тотшкөдчөмыс. Регыд
на пөвстө пырисны выль шыяс:

— Ой-ой-ой! Караул, виисны! Кынөмөс сотө, юрөс поткөдө,—
кылісны сикт помланысь лёкысь горөдөмъяс.

— Гурей Прокөлөн быттьө горзөмыс...

— Гортас кө... дерт, вежон кык нин некөн эз мыччысьлы.

— Сылөн, буракө, и эм,— сёрнитісны войся стөрөжъяс да
веськөдчисны сикт кывтыдлань.

Гурей Прокөлөн керка өшиньясөдыс пыськөдчисны би югөръя-
яс, а пытшысь кыліс лёкысь ойзөм да гораа пинясьөм.

«Вөр керкаад гут кулан тшак сёйин! Төда: быдсяма быдмөгсө
чукөртан да сёян!»

«Эг некутшөм тшак сёй. Водка чашка юём бёрын висьөмыс
босьтіс!»

— Матрос Гурей Прокө Артип Дарьяыскөд пинясьө.

— Пинясясны и дугдасны. Уна вой и лун нин өд зыксьөны.
Сиктсө садьмөдөны.

— Водзынсө эз татшөм лёкысь пинясьлыны. И эз ойзывны...

— Асывнас урадниклы колө юөртны: эз-ө мича Дарьяыс
верөссө изведит...

* * *

— Господьёй дай Енмөй, мый мортыскөд вөчөмаөсь!? Мыйён
вердөмаөсь-юкталөмаөсь?— джоджын туплясьысь, горзысь ки
пөла матрос вылө видзөдіг, шуалісны керкаө пыралысьяс.

— Посмотрим, посмотрим, что с ним! Съел-не съел что-либо
противное, нельзя пока сказать,— рочөн шуаліс урадник Важов,
коді участкөвөй пельшеркөд, сотскөйкөд да десятскөйкөд пырис
керкаас.

— Фельдшер осмотрит его, а сотский с десятским обыск сде-
лают,— индаліс урадник.— А я Дарью допрошу. Не сомневаюсь,
что она каким-то зельем муженька своего напоила...

— Напоила, напоила, господин унтер-офицер, напоила,—
тіран гөлөсөн шуаліс Гурей Прокө.— Дарья ненавидела меня.
Изменяла. Степаном Мефодьевым гуляла... В водку, видно, яд-
сулему положила. Сулема в сундуке была.

— Ой-ой-ой! Кынөмөс вундө, юрөс топөдө,— норасис пель-
шерлы Гурей Прокө.

— Дайте больному питьё, и как можно больше: желудок его
промыть надо!

— Снадобье, лекарство дайте. Жить еще хочу... В баталиях
скольких бывал — не погиб, а тут умереть придется...

— С питья почти сутки прошли,— часі вылө видзөдіг, шуаліс
пельшер.— Раз так — жить будешь. Много раз таковые случаи
я расследовал. Сулема-то в каждом доме имеется... В небольших

дозах сулему как лекарство используют. В очень небольших дозах, конечно...

— Сулема яд тыра дозйыс сюри! Горничаас вёлёма,— юөртис урадниклы сотскöй.— Дарьяыс сэнi жö. Подей Степанкöд пызан сайын пукалöны.

Кызь куим арöса Подей Степан, отставкаын унтер-офицерлөн пи, олис кывтыд помланыыс жö, Гурей Прокö керкасянь сыв кыксё сайын кымын. Рекрутö Степанöс эз нуны: батыыс, Мефодий Никитьевич, сы пыдди рекрутавын орчча сиктсьыс 21 арöса Ярö Педöрöс медалис. 570 шайт уездса казначействоö мынтис.

Вузасысь купечлөн — унтер-офицерлөн — горничаас, керка жыръясас вöлины нин самöвар, рөмпöштанъяс, стеклöысь да фарфорысь дозмук, көрт кроватьяс, стеклöа, карасина абажуръяса лампаяс. Горничаас, какод вылас, сулалис ыджыд-паськыд вома-трубаа граммофон. Подей Степан рытпукъяс, войпукъяс вылö воывлис нойысь вурöм роч пиджак-гачöн, югъялысь кучик сапöгöн, нывъясöс чöсмöдлис преник-кампетöн, зонъясöс — папиросöн. А öнi, батыыс кулöм бöрын, вайывлис и вина штопъяс — нывъяслы юмолöс, быгъяös, зонъяслы курыдöс. Ачыс жö и тöварысла Чердыньöдз ветывлис, Нёбдинö да Усть-Сы- сольскö ярмангаяс вылö лэчывлис. Артип Дарья дорö волигъясас, преник-кампет кындзи, юмов да быгъя винаяс, сакар юръяс, мича чышгъанъяс, ковтаяс вайывлис...

Талун Подей Степан вайöма дас пунт сьöкта сакар юр, мампассьö, штоп водка и парта юмов вина (штопын — 1,229 литр, партаын — 0,6 литр — **А.П.**). Джынгъялöм штопыс да партаыс сулалисны пызан вылас. Степан, голяöдзыс кизялöм мича серпасъяса еджыд дөрöма, ной гача, югъялысь-лöсталысь кучик сапöга, пукалис Дарьякöд орччöн. Мусаыслы кисьтöма юмов вина, аслыс — водка. Дарья чышгъантöм, мичаа сыналöм да бöрас шмакö алöй лентаöн көрталöм юрсиа, мича рöма дзоридзъяса роч ковтаа, чужöм вылас ворсö нюм. Сингъаснас и став мыгöрнас ас дорас кыскö...

— О-о, какой гость! Пожалуйста к столу! Откушайте, выпейте горячительного!— горничаас пырысь урадникöс аддзöм бöрын корö Подей Степан...

— Степан Мефодьевич, я при исполнении. Откушаю, выпью, когда следствие закончу. Дас-с!— рочöн жö вочавидзис урадник Важов.

— Кыкнанныд комияс, зыряна, а рочöн сёрнитанныд!— чашкасыс винасö гулькнитöм бöрын вомалыштис Артип Дарья.— Степан висьтавлис, тi пö, Важов, карысь. Зырянин...

Урадник көсйис öлöдны нывбабаös, но кор сингъясыс паныдасисны Дарьялөн сингъяскöд, воштис кыв-ворсö... Туша-мыгöрыс сырмыны, дзöрны кутис.

«Сингъаснас, мича чужöмнас, юрсинас ас дорас айловтö збыль вёлöм кыскö. А лядвейяссö кө нöшта аддзывны! Эжва йылас, шуöны, татшöмыс пö öти,— ас кежас донгъялис Артип Дарьяös урадник.— Абу и шензянатор, кызь арöсöдзыс кө, верös саяс петтöдз на, кык чурка удитöма вайлыны».

— Юыштöй, юыштöй, Василий Михайлович!— сингъаснас ворсигтыр, урадниклы чашка водка мыччиг, вöзйис Артип Дарья...

— Юышта и эм: кыдзи нө он ю, татшөм мича нывбабаыс кө тэнө юктөдө,— тіригтыр-сырмигтыр, надзөник шуалө Важов. Босьтө чашкасө да курыд васө пөрөдө вомас...

Урадник бөрся чашка тыр курыд васө гулькнитіс и Подей Степан...

— Степан Мефодьевич, өні ме кута лоөмтор йывсьыс Дарьялысь юасыны, допрос нуөдны. Закон серти юася. А тэнө кора петны гортад. Допрос дырйи бокөвөйяс оз ковны. Думайта, тэнө ньобасысьяс виччысьоны. Час-мөд мысти бөр верман локны. Дарьятө, мича Дашуктө, некытчө ог нуөй. Гортас коляс. Первойсө эськө көсья вөлі чижовкаө йөртны, а өні коланлуныс быри...

— Сьөлөмтө вөрзьөдіс али мый?

— Вөрзьөдіс, вөрзьөдіс: татшөмыд измөм мортөс пальөдас...

* * *

— А вөлі тадзи,— висьталіс Важовлы Артип Дарья.— Кык вежон нин Подей Степанкөд кургим-олім, гажөдчим, радейтчим, окасим-кутчысьлім. А мөйму менам чужан лун вөлі. Степануш-кокөд шуим пасйыны. Пуси-пөжаси. Пывсян ломті. Пывсян бөр кежлас штоп водка да парта вина лөсьөді. Степанушко вайис. Пемдіс нин. И төдлытөг вощьө өдзөс. Пырө кодзөм межыс.

— Ки пөла матросыд, Гурей Прокөыд?

— Сійө, дерт, сійө. Водзті сөмын на пырө, а ме пинясьны нин уськөдчывлі. А өні эг. Важөн нин дум вөлі изведитны тірысь-дзөрысь лолөс. Лөсьөдчи. Сулема яд кипод улын видзи. Та вөс-на паныдалі Гурей Прокөөс шөвктуг, рочакань моз: нюмъялі, небыдика сёрниті. Пывсьыны лэччыны вөзйи. Пывсигкостіыс водка пытшкас сулема ядсө пукті. Зэв жаль, ядсө этшаджык пуктысьсөма. Эз пагав, эз кув Гурей Прокө...

— Оз и кув, Дарья Архиповна, оз. Пельшер бурдөдө нин. Шуө, регыд пө бурдас...

Вина чашка вомас нөшта пөрөдөм бөрын урадниклөн киясыс дугдісны дзөрны. Сійө паськөдіс ас водзас бумага листьяс и вөчаліс пасйөдьяс. Водзө юасис, ачыс висьтасис:

— Дарья Архиповна, верөсыд кө кулі, а тэ, кыдзи нин вись-талін, зэв ёна көсйин, мед тадзи лоис, тэнө пыр жө и чижовкаө эськө йөртісны, а сэсся судитісны. Судитісны эськө лыйлыны либө өшөдны. (Российскөй Империялөн 632 статья серти.— А.П.)

— Куліс кө, господин урадник, некутшөм суд мыждыны эз вермы: кулөм мортыд өд оз сёрнит. Некод жө и эз аддзыв сулема ядсө водка пытшкас пуктөмсө,— дорйысис Дарья.

— Сідзтө эськө сідз, Дарья Архиповна, сідз. Но закон серти друг кувсьөм морттө кулөмдінса станөвөй кулөмдінса врачкөд эськө виддалісны. Вермисны и полицейскөй управлениесянь чинаяс, мирөвөй судса следовательяс воыны. И весиг Воинскөй присутствиесаяс. Од верөсыд и тэ ачыд воинскөй сословиеө пыранныд. Кулөмысь помкасө туялігас вермис жө тыдовтчыны и вөчөм мыжыс, кувсьөмыслөн помкаыс...

Дарья перйис шкапсьыс лөз стеклөысь осьмушка стөкан. Штоп сулеяысь кисьтіс водка. Шкапкөд орччөн суалалысь камодысь босьтіс тасьті. Пуктіс сэтчө пуөм сьөла, сола ёді. Тасьтісө пуктіс пызан вылас. Мыччис стөкансө урадниклы.

— Оз позь, Дарья Архиповна, оз. Гижнысö ог вермы, киясöй со дзöрны заводитöны, мыгөрöй сырмö жö...

— Тöда и аддза, Василий Михайлович. Тöда, мый вöсна...— дзик урадник дорöдз матыстчиг, мургö Артип Дарья.— Гортад мунан да гижан. А öнi юышт. Юышт. Сола черисö видлы, пуöм сьöласö и. Сьöласö кодзöм межыс тöрыт на вайлис...

Урадниклөн киясыс тöддытöг босьтисны стöкансö и пызан вылас пуктöм тасьтисьыс сола черисö. Здук мысти Важов пукалис Дарьякöд дзик орччөн. Малалис сылысь мичаа шыльöдöм юрсисö...

— Даша, збыль гортын бумагасö и гижа. Öти-мöдтор, висьталöмсьыд, вежа. Гижа, мый сулема ядсö пуктöмыд верöстö бурдöдöм могысь. Да-да, бурдöдöм могысь. А став Эжва йывсаыс тöдöны, мый Гурей Прокö висьö. Висьö йöзлы тöдтöм на висьöмөн. И тэнö мыждасны сöмын вичкосаяс, верöстö пыдди пуктытöмысь. Дерт, и верöстöг кагаяс чужтöмтö казътыласны жö...

— Василий Михайлович, кыкнан кагасö öд Енмыс босьтис. Енмыс сетис, Енмыс и босьтис.

— Енмыс жö и мездас тэнö öнiя мыжсьыд...— кывкöрталис урадник Важов. Чукöртис пызан выlö пуктылöм бумагаяссö да петис горничасьыс.



Ольга БАЖЕНОВА



Сэтшөм окота енэжас усьны...

* * *

Ме серпасалі тэныд арсө...
А регыд мысти
Сыктивкарсө
Виж рөмөн пөдтіс арся кор:
Тэ менсьым серпасөс эн коль,
А пыр и чашнитін да
Лэдзин.

* * *

А тэ көмтөгыд,
Көмтөгыд
Котөртан медводдза
Лымтіыс. Чөв,
А сьөлөмыд сьылө...
И кок туяд
Енэжыс сысьялө тавося
Йөв,
А кажитчө, кок туйыд сылө...
И ачыд тэ каян
Веськыда кымөръяс
Сайө.

* * *

Еджыд бобулөн чунь помад
Пукся.
Тэ сэк менө эн лэдз,
Сөмын шонділань менө эн лэдз.
Позьө, нэм кежлө тэ дінө
Кольчча?
Сэтшөм сынөдыс сөдз,

Сэтшөм окота енэжас
Усьны.
А тэ менө эн лэдз,
А то шонділань лэбигөн
Сотча...

* * *

Енэжлысь пыдөстөм мичлунсө
Синмад тэн Зараньыс кисьтөма...
Но кыпөдө менө оз енэжыс,
Но гажөдө менө оз мичлуныс,
А енэжад-синмад
Ворсөдчысь
Шондіыс.

* * *

Тэ чукөрт лым чиръясысь шуд,
Мед артмас ыджыд-ыджыд тола,
Тэ сэтчө сунгысь. Али полан?!
Мед лым чир вежөртө оз дойдав,
А сунас лолад шоньд войтөн,
И сэк тэ ачыл лоан —
Шуд.

❖ ❖ ❖

Галина Бутыревалон кывбурьясын челядьдыр

Галина Бутырева кывбурьясас сёлөмсянныс, лов тырөн казтылө челядьдырсө. А ичөтдырыс и томдырыс коли вөр-вакөд йитөдын. Войвывса вөр-ваыс сэки вөлі сөстөм на. Сиктса йөзлөн төдчис восьса сёлөм, бать-мам радейтлісны авъя челядьсө. Ылі войвыв сиктын өтувъя удж, тувсов ытва дырйи быдторсө вайысь паракод виччысьом да ректөм, чери кыйөм — ставыс тайө төдчө коми юбердса сиктын быдмөм морт олөмысь кывбурьясын, серпасьясын. Став лоөмторйыс кывбурьясас быттьө төдса, виччысяна, сійөс аддзывліс сиктса быд олысь. Но Галина Васильевналон кывбурьясын тайө быттьө выльмөдө олөмсө, чужтө аслыспөлөс видзөдлас.

Ичөт арлыдөн на татшөм серпасьяссө аддзөм-казялөмыс, артыштөмыслөн эстетикаыс кольө морт вежөрө олөм чөжыс.

Быттьө
ыджыд из
пырыс тыдалана онь
ва улын,—
Баблөн керка —
Суналө югыд войө,
восьса өшиньяснас
Льөм пуа садьö.

Кывбурсыс весиг льөм көрсө кылан югыд войө. «Ва улын из» метафораыс — ылі челядьдырсьыс жө, кор ыджыд юлөн ытваяс понда керкаысь керкаө изъяс костті сөмын пыжөн позис веськавны. Ю берегын керкалөн образыс зумыд, шань, тыр эмоцияөн.

Сійө здукө,
кор пыжөй
йирлөн сьод ва вывті
кывтіс,
ме чайті:
пыж водзасьö
гөрд чери чукөркөд —
синтө ёрысь еджыд кымөрөд
вылын енэжас.

Кывбурас олө челядьдыр йылысь вежөрө кольөм серпас. Тайө челядьдырыс паськыд и сөстөм, лым еджыд кымөра,

югыдлөз енэжа. Ичөт мортлөн фантазияыс пыр на олө лирика герой вежөрын, югдөдө челядьдырнас на аддзывлөм пемыд ваа йирсө.

Гожся асыв.
Менам ичөт чужанінын
Шоныд, лөнъ.
Муна фермаө йөвла,
Кыла юлысь көр.
Либө:
Чинёны толаяс.
Тувсов зэр торкөдчө
и торкөдчө өшиньө.
Художник гижө картина
«Турунвижысь гажтөмтчөм...»
Либө:
Мый колям ми
Ас бөрын?
Тулыслы — ытва,
Гожөмлы — онъ да кодзувъяслысь усьөм,
Арлы — ниа пуяслысь зарни
медводдза лым вылын...
Либө:
Ставсө мырдаян,—
а ме быттё арся видз,
выль пөв чужа
 лым водзвыв турунөн,
 казытёмъясөн.

Ытваяс, лымйыс, зэрыс, онъыс, лөнъыс вөвлі нэм. Тайө ставыс и пырөма дженъидик кывбуръясас да найө и мичмөдөны гижөдъяссө, лооны медшөр сьөлөмкылөмнас да вежөртаснас, кор кывбурас муса вөр-ваыс кытшалө лирика геройсө. Геройыс кылө сылысь ставсө, и бара медводдза стихсө көсйыссьө лыддыны — окота кывны и казявны кодзувъяслысь гылалөмсө, аддзывны медводдза лым вылө ниа пуяслысь уськөдөм зарни емъяссө. Кывбуръясас быд кывйын — серпаса поэзия: сылөм толаяс, ытшкөм-косьмөм видзьяс вылын зорөдъяс, вежөтаваа видз выв — ставсө аддзам строкаяс костсьыс. Вөр-ваыслөн стихияыс кывбуръясас — асланым, зэв төдса. Но гижысьыслөн сьөлөмкылөмыс пыр выль, виччысьтөм.

Кутны позьтөм ю!
Өдйө да паськыда кылалан тэ,
Менсьым тшөтш ньөжмыд олөмөс
Дзуган —
и сьөлөмөс
тувсов ваяс
нуоны кытчөкө
пыжөс моз.

Виччысьтөмлунсө да збыль олөм русө төдчөдөма визув ю серпас пыр да сійө кольө морт вежөрө. «Тувсов ваяс нуоны сьөлөмөс пыжөс моз».

Миянөс торйөдө лөньлун —
Вөрзытөм, пельтөм.
Сөмын сэні, улысас,

тшынӧдӧ на
бужӧдлӧн
лымъя бус.

Лӧнныслӧн «вӧрзъйтӧм», «пельтӧм» образ тшӧкыда паныдасьлӧ Г.Бутыревалён кывбуръясын. Вӧр-ваын лӧньлуныс — карын олысьлы медколанатор. Сійӧ и збыльыс пыр виччысьтӧм да чуймӧдана, шойчӧдӧ мудзӧм мортӧс, кыпӧдӧ сылыс ловсӧ, чинтӧ дойсӧ, пальӧдӧ шогсӧ.

Вӧр-валӧн лӧньлуныс лирикаын — ставсӧ шымыртысь образ. Тайӧ образыс медвына, медмича, торъя нин, кор йитчӧма югыдыскӧд, долыдлункӧд, водзӧ вылӧ лачакӧд. Сэк сійӧ воча сувтӧ сӧлӧмкылӧмъяслӧн бушковлы да нӧшта на мӧрччанаджыка инмӧ миянлы... Ставсӧ тайӧс колӧ казавны, орчӧдны, лӧсялана йитны, мед вӧрзӧдны сӧлӧмсӧ лыддысьысьлыс, восьтны сылы сайӧдӧм поэтической мӧвпъяс... И кымын этшаджык кывйӧн шуӧма, сымын вынаджык, майшӧдланаджык кывбурыс. Помӧдз шутӧмыс, восьттӧмыс лирикаас — ыджыд вын, сэтшӧм жӧ, кутшӧм и лӧньлунсӧ ловнад кылӧм.

Лирикаын дженъыдсӧ да вынасӧ тэчны ёна сӧкыдджык кузьсьыс. Ӧд кузя висьталӧмыс пыр нин жеб. Дженъыдыс пыр нин вӧрзӧдӧ лыддысьысьлыс сӧлӧмсӧ, чужтӧ выль эмоцияс — мортлы лӧсялана сӧлӧмкылӧмъяс. И лыддысьыс пыдди пуктӧ дженъыда шуӧмсӧ да сэтчӧ «суйӧм» пыдӧ вежӧртаса образсӧ.

Еджыд, пашкыр, гӧна
Ловъя лов
ӧшӧдчӧма-водӧма
Дзоридалыс пуяс вылӧ —
Лым.

Галина Бутыревалён кывбуръясыс петӧмаӧсь коми фольклорыс. Шуам, бӧрдӧдчанкыв тӧрӧ вит дженъыд строфаӧ либӧ весиг кӧкъямыс стихӧ, кытчӧ тӧрӧдӧма став шог-печальсӧ. Дженъыдик кывбуръясын эм быдтор — чуксасьӧмъяс, лирика нога шыӧдчӧмъяс, асалан формаяс, повторъяс, анафораяс. Рочӧдан кӧ, найӧ воштасны аслыспӧлӧслунсӧ, йӧзкостса сюрӧссӧ, коми шыяссӧ, коми образъяслыс «паськӧмсӧ», жанрыслыс традициясӧ.

Видлалан кывбура казтылӧмъясыс, а уна кывбур — збыльыс казтылӧмъяс, йитчӧмаӧсь коми ногӧн казальӧм да кылӧм традициякӧд.

Кольӧм вося вижӧдӧм турун вылын,
льӧм пуувса дӧ вылын,
ытва шӧрын
сулалӧны вӧвъяс.
Сьӧд Буян да Бурлак,
пеганъяс — Красотка да Орлик,
а гӧрд-гӧрдыс
кымӧсас еджыд кодзула —
сійӧ Бойко чань...
Ӧти тулыс вежӧ мӧдӧс,
а ме бара

— 60 —

4. Абу татчӧс
 Ӧзйысь дзоридзьяслӧн
 чукӧр
Ижемка пельпомъяс вылын —
 ылі муясса шаль,—
 бур тун —
баблӧн тылӧсысь.
5. Сӧмын мунысь лунлӧн
Алӧй кок туй.
 Рытъя кыаӧ.

Нӧшта ӧти мича, виччысьтӧм и век жӧ тӧдса коми мувыв рӧмъяса серпас, кӧні быд кыв джуджыд вежӧртаса, колана ас местаас. Тэ некор эн аддзыв, эн кывлы кӧр стадалысь тундраӧд мунӧм? Сійӧ, вӧлӧмкӧ, «дзуртышталӧ увъяса сюръяснас» да дзик вӧвлытӧм пу кодъ, пыксьӧ увъяснас пемыд енэжас... Тэ тӧд-малін сы йылысь унджык, тэ кылін сійӧс! Тайӧ «войся» образ. А орччӧн — маличаа челядь «лӧз парус — чумъяс дінын»... Тшӧтш рытъя серпас: рытъя кыаӧ мунысь лунлӧн гӧрд кок туй...

Ставсӧ ми тӧдмалім, быдторнас чуймӧдіс миянӧс тӧдтӧм Войвыв. Сылӧн мичлуныс, вӧлӧмкӧ, помтӧм. Абу сӧмын вӧр-ваыс, но и йӧзыслӧн, кодъяс тан олӧны, радейтӧмсӧ кылӧмыс помтӧм.

Сьӧлӧм...
Вӧснъыдик хрустальысь кубок моз,
вирлӧн быд чепӧсйӧм бӧрын
бытьӧ меліа-меліа
тільгӧ
кутшӧмкӧ мича мелодия...
А гашкӧ,
тайӧ
абу на мелодия,
а сӧмын сійӧс водзвыв кылӧм...
...Радейтӧм?...

Образыс матыс, пырыс тыдалана,— войвывса поэтӧн тӧчӧм образ. Оз рифма, а быд сёрникузя, шы кыпавліг-лӧччыліг арт-мӧдӧ кывбурсӧ...

Мыйла
сэтшӧм уна ӧткодь кодзув
августын енэжас?
Али дзирдалӧны найӧ
мукӧдсьыс, орччасыс, югыдджыка
да пемдӧдӧны найӧс?
Либӧ, гашкӧ, тайӧ
Ловйӧн кольӧм кодзувъяс
кусӧмъяс пӧвстын,
чужӧмъяссӧ век на казътылӧны?
Либӧ, гашкӧ, тайӧ
мӧвпавтӧг вылісянь
усьӧмъяс,
 тӧдтӧмъяс...
Нэм кежлӧ
 ӧткаӧсь?

Кывбурыс быттьö водзö нуöдö енэжөн нэмöвöйся нимко-
дясьöмсö. Войвыв кодзув дона коми вöралысьлы. Сійö символ.
Нимсö кодзувъясьлы коми йöз сетавлісны асьныс. Кодзувъяслөн
енэжын бергöдчöмын найö аддзисны му вылын водзö уджалöм
вылö аслыныс пас. Енэжлысь дивуйтчан мичсö морт матöдліс
аслас олöм дінас, кöсйис тöдны, мый и судзöдны позьтöмыс —
оз весь свет вылас ов. Енэжсö юавліс, а му бердын дзуглясис:

Рыгъяснас,
войланьыс,
сынöдыс кöдзальштöма
июльса жарысь,
сійöс кылан:
чайтан, кияснад
чепöстчан шоныдсьыс кö,
верман вартчыны,
шоныд юын моз.
Но мыйла сэтшöм шог
 тайö кадö?
Кор абу арлөн лолалöм,
а сöмын августлөн,
оз на кыв, а
сöмын тöдчö:
Енэжтас весьтын öтка кодзулын,
Тöлыслөн виччысьтöм лöньöмын,
Вөр-валөн кыпыдлунын
и öттшöтш
быттьö сылөн кулöм водзвылын,
быттьö виччысян мыйкö быть лоанасö.
Тшöтш сетчан сылы,
чöв-лöньлы,
морт нога вежöрлы...
Регыд август...

Збыль вылас тайö — кывбура проза, көн йитчöма мортлөн
пытшкöскöд вөр-ва да олöмсö кылöмыс. Оз рифма, а сьölöм-
кылöм да мöвпалöм «лайкъялöмыс» босьтö тэнö дзоньнас, чуй-
мöдö этша кывйөн унасö висьталöмыс.

Карбердса поездын
öшинь дорын
пукаліс том ань
куим арöса
ичöt пиыскöд,
коді мыйкö висьталіс и висьталіс
мамыслы...
Регыд вагоныс
кывзіс сылысь лöниник
сöстöм гөлöссö,
мед унаөн (весиг комияс)
эз гөгөрвоны,
мый йылысь тольгис
тайö еджыд юра кагаыс.
Мыйöнкö туналіс
ставöс сылөн
 сёрнитöмыс.
Ог нин шу ас йылысь:
Ме босьті ас пытшкö шыяс
чужан сёрнилысь

да мөвпалі, мый
талунёдз некор
меным эз лолы кывзыны
тайё сёрниысь
мичаджыксё,
и нёшта —
талун
тадз
кужоны сёрнитны,
чайта,
сёмын
сиктса челядь.

Кывбурыс дзоньнас — висьтасьём. Но сэн — ыджыд лирика
нога вежёртас, вильторъяс казялём. Виччысьтём козин. Олёмсё
арталём. Чужан мулысь, чужан кывлысь помтём туйсё водзё
вылё аддзём. Эм на сёстёмлун да морт нога олём! Эм на, сідз-
кё, и чужан му да чужан кывлён некор кувлытём вылё лача,
кыздз кувлытём серпас — ки вылас Кагаёс кутысь Мадонна...

Сьёлёмкылёмъяслён выныс, налён мортыскөд да муыскөд
йитчөмыс поэтлөн артмёма сы вёсна, мый сюрёма стөч, вына
кыв өтчыл овлөмаыслы, бырөдны поэтьомыслы, Войвывлөн
олөмыслы. Татшөм «Апрельса толаяс» кывбур, көн ставыс —
быттё төнлун вөлөма. Чуймөдө челядьлөн моз вөр-васё казя-
лём — стөч кыв босьтё ас пытшкас уна информация: «шондіа,
сөніка шоръяс», «ракапийн моз», «му көрнас, шоныднас, югыд-
нас коддзём». Челядьлөн кутны поэтьом долыдлун — кывбурын
быд кывйын, быд стихын, сы вёсна сійё и «чөскыд көра, ка-
галён окыштём кодъ».

Кывбур пытшкын уна сьёлөмысь петана, инман кыв. Та
понда сійё — лирика. Стөчджыка кө, сөмын кывбурлөн мед-
воддза джынйыс — лирика. Мөдас эпичностьыс унджык: гижөд-
ыс помасьё мөвпалёмөн, и лирикаыс бырө. Медбөръя шуөмас
век жё эм казътылана лирика, эскөм, художествоа өтүвъялун:

...ылі войвыв ю вылын челядь
пидзёсчанысьомны
Вөр-Валён Вичкоын...

Вөр-Валён Вичко, Ёртъяслөн Сад, Сьылысьяслөн Ыб —
Галина Бутыревалён пыр эм художествоа юкөнъяссё өтүвтём.

Коркө эськө став комиыс,
му вылас олысьясыс,
ичөтсянь ыджыдөдз
чукөртчисны кө өтлаын,
сійё эськө вөлі сы мында жё,
мыйта төрө Таллиналён сыланкывъяслөн
Ыб вылё.

300 гөгөр сюрс морт «Ыб вылын» и 30 гөгөр сюрс морт —
сцена вылын. Найё сьылісны том композиторлысь «Эстониялы
ошкан кыв»:

Чужан му бласловитём,
а ме бара бергөдчи

аслам ичөтик войтыр дінө.
Кутшом уна эстонецос чукөртис сомын өти праздник.
Кутшом этшаёнсь ми, комияс,
Ми кө сымдаён жө.

300 сюрс морта хор сыліс Эрнесакслысь, Тормислысь
сыланкывъяс, и сёлөм топавліс нимкодьлунысь и шогысь:

«Сылам-ө ми, комияс, коркө өтчыд тадз жө ставён,
ассыным радейтана сыланкыв?»

— аслас ичөтик войтыр дінө шыасьö поэт, тшөктö пыр
кутны тöд вылын, мыйла «топöдöны сёлөмтö нимкодьлун да
шог».

Сетöма дженьдöдöмөн.



Эз повлы некутшом уджысь

Пöшти кык во сайын Мылдінын чукöртчылісны Пищик* рöдö пырысьяс. Тайö котырас сюрсысь унджык морт артавсьö. Содта, мый вель унаон на пöвстысь новлöны Попов ов. А кор ковмис корсьны татшöм ова öти мортöс, босьті телефон книжка, восьті «П» шыпас да чуйми: сы мында Попов-Поповаыс. Эг дышöдчы да лыдди. 67 мортöс арталі. Чайта, ог öшибитчы, шуа кө, мый унджыкыс сэтысь лоö матыс рöдвужөн.

Чукöртчылöм бöрас юалі аслам рöдвужлысь, пырö оз Пищик рöдö Ленин ордена кавалер Фёдор Яковлевич Попов? Меным пыр и индісны пельöсын пукалысь нывбаба вылö: «Со сылөн гöтырыс — Рида Николаевна». Матыстчи, чолöмасы да висътасы.

А аслым весиг юрö оз во, мый верöсыс, Фёдор Яковлевич Попов, ловъя да тыр-бур дзоньвидза на. Öд медбөръяысь ськөд 1961 воын аддзысьлім. Сы мында кад колис!


Гөгөрвоана, тайöс тöдмалöм бöрын Фёдор Яковлевичкөд аддзысьлөмсö бокö вештыны эг вермы. Юалі патераса телефон номерсö да аскинас нин йитчи и вöзйыси волыны.

Татчö быть колö содтыны со мый: ичöt дырйи гортсаяс, торйөн нин батыным, тшöкыда казътылісны кутшöмкө Федя Поповöс. Бöрынджык ыджыдджык чойяс, Мылдінö либö Печораö мунігөн, зілісны веськавны «Социализм» пароход вылö, көні Федя Попов уджаліс капитанлы отсасьысьөн.

Бать, ог тöд, кутшöм чинөн, уджавліс жö Печораса речнöй пароходствоын, и тшöкыда ветлөдліс пароходъясөн, видзöдіс сылөн участок вылын уджъяс нуöдöм бöрся. Помнита, сійö сöмын бур кывйөн казътыліс сэки прöстö на Федя Поповöс.

Колис кад. Пароходъяскöд тшöтш Печора кузя кутісны ветлыны пассажирскöй («Москвич» серия) и груз кыскан да весиг йөткан (300 вöв вына) теплоходъяс.

Аслым мойвиис жö мыйтакö кад уджавны матросөн да рулевöй-мотористөн «Печорлесосплав № 181» катер вылын. Буретш сэки и кывлі медводдзаысь Фёдор Яковлевич йылысь. Öтчыд Льöмты куръяысь «Зубатка» теплоход босьтіс кылöдны Печораса лесоперевазбазаöдз 8—10 кымын сюрс кубометра пур. Капитанным (миянös буретш тшöктісны кольöдны пурсö Льöм-



* Пищик — (писчик, писарь кывйысь). Авторлөн ыджыд рöдö пырысьяс.

діббж удвордз), Владимир Степанович Антонишин, тувкис меным бокö, индiс пур кыскыс теплоход вылö да юалис: «Тöдiн эн капитансö? Да тайö жö Федя Попов, кыдзи нö тэ сийöс он тöд?»

Со и аддзысим Фёдор Яковлевичкöд 45 во мысти. Мортсö öнi тöда бура. Кадыс, дерт, вежöма чужöмсö некодлы ковтöм чукыръясöн, но кок вылас зэв на зумыд, вöраса. Висьтаси, кытысь да кодi, но сийö, кöть и гöтырыс тöрыт юöртлöма, менö вöлöм вунöдöма нин.

Заводитiм сёрнитны комиöн, да пыр и тöдчис улыс Печора бокын дыр олöмыс — сёрнитiс сэтчöс олысьяс моз.

Чужлöма Фёдор Яковлевич Архангельск обласьтса Красноборскöй районын, Мардановск сиктын. Батьыс, Яков Попов, 1936 воын вербуйтчас уджавны капитанöн Печора ю вылö. Архангельскыс сэки мöдöдасны Комиö 3 пароход: «Общественник» и «11» да «12» номеръяса пароходъяс. «Общественник» вылын капитанöн лоас Федялөн батьыс. Пароходъяссö буксируйтасны саридзтi, сэсса Печора кузя Нарьян-Марöдз, кысянь найö асьныс нин катасны Щельяюрöдз. Пассажирыяс, на лыдын и Федя мамыскöд да воыскöд, воасны сэтчöдз торъя пассажирскöй пароходöн.

1938 воын Яков Попов кутас кылöдны Уса ю кузя из шом тыра баржаяс. И öтилаян, ляпкыдiнын, баржалөн пыдöсыс пысьтас. «Компетентнöй органъяс» аддзасны татысь диверсия, суд мыждас капитан Поповöс да, кöть и стажыс вöли 38 во, шуас чöвтны сийöс капитанысь.

Но капитанысь сийöс дзикöдз оз чöвтны, а индасны мöдлаö — капитанавны Изьваöд ветлысь катер вылö: Сосногорсксянь баржаясөн кылöдны мусир, бензин, карасин да солярка. Мöд ногөн кö, Яков Попов кутас вöчны сийö жö уджсö, мый и водзджык, сöмын öнi — ГУЛАГ системаын.

А Федя тайö кадсö велöдчис Щельяюрса школаын. 1941 воын витöд класс помалöм бöрын сийö пырис велöдчыны Щельяюрын сöмын на вoсьöм ремесленнöй училищеö, кöнi дасьтiсны Печораса речнöй пароходстволы уджалысьясöс. «Кыдзи менö босьтiсны училищеас,— шензьö öнi Фёдор Яковлевич,— ог тöд — öд сэки меным весиг 14 арöс на эз вöв». Мамыс пиыслысь бöрйöмсö эз ошкы, но Федя велöдчис бöрйöм специальносът кузя и 1942 воын гожöмнас уджалiс нин Печораса техучастоктi земснаряд кыскалысь «Горняк» пароход вылын штатнöй штурвальнöйöн. 1942 вося тулыснас пароход баржаясö сöвтiсны из шом, и «Горняк» быдса караванкаöн (земснаряд, брандвахта да кык шняга) мöдiс катны Щельяюрсянь. Денисовкаын сылы отсöг вылö воис мöд пароход, сэсянь найö кык нырөн нин пырисны Уса ю вомö и мöдöдчисны ва паныд. Воисны Петруньöдз да гожöмбыд сэтчöс коськъяс вылын джудждöдiсны ва туй. Сöмын сёр арнас пароход бөр воис Щельяюрö, а земснаряд кольчис тöвйыны Ошкуръяö — сэнi буретш вoссис техучастоклөн затон.

1943 воын ремесленнöй училище помалöм бöрын Федя Попов тöвнас плöтникалис, а ю вoсьöм бöрын штурвальнöйалис «Серафимович» пароход вылын. Тшöкыда ковмылис вежлыны и кочегарöс. Но том морт эз пов сьöкыд уджысь и некор эз ыждав. 1944 вося арнас пароход сувтiс тöвйыны Льöмдiбöж затонö. Сэтчöс öзынса начальник Василий Антонович Демидов

видзодлас кык том морт выло — сөмын найо и колясны «Серафимовичлөн» став командасьыс — да шуас: «Вайо, пиукъяс, мунёй гортаныд — ни вердны-юктавны, ни пасьтөдны тиянос ог вермы».

Вöчны нинöм. Федя Попов да Миша Канев сöласны «Георгий Иванов» пароход выло (öкмыс во мысти Ф.Я.Поповс индасны капитанöн буретш тайо пароход выло), воасны Канино (öня Печора карлөн öзыно) да «Тургенев» пассажирской пароходон воасны гортас, Щельяюрö.

Навигация помасьтөдз сэсся Федя уджаліс «Пограничник» пароход вылын кочегарөн. Машинистлөн удж сылы воис сьölөм вылас, нöшта и велöдысьнас веськаліс шань морт. Тöвйыны пароход сувтіс Лёкшарö (Щельяюр мöдлапöлын), сэні сулалысь баржаяс дорö. Прамöя и сюрис тшыгъявны командалы, кытчöдз йиыс эз кылав да эз вуджны пыжөн Щельяюрö. Сэні Федялы бара лоис кутчысьны чер воропö.

Кад исковтіс водзö. Война помасис сöветской йöзлөн дыр виччысяна ыджыд победаөн.

Юалі Фёдор Яковлевичлысь, мый кыліс, мый аддзыліс сійö война дырйи?

«Висьтавны кө ас серти,— казътылö Ф.Я.Попов,— медводз война тöдчис училищеса велöдчысьяс да мастеръяс лыд вылын: 6 велöдчан группаысь (200 морт мында) колис сöмын 2 группа — война выло нуисны 1923 воын чужом да ыджыдджык арлыда зонъясöс, а мастеръяс пиысь колисны сöмын инвалидъяс да нывбабаяс.

Фронт выло йöзсö нуисны пароходъясөн — көрт туйыд сэки эз на вöв — да öд весиг пуксьынысö некутчö вöлі. Сы мындаос нуисны! А мыйта синва кисьтісны колльöдысьяс, көть эськö рекрутпуяс юръяссö лэптöмөн мунісны: вөрөгöс пö регыд пасьвартам да бөр воам гортö.

Война помасян воö ме штурвальнöялі «Сыктивкар» пароход вылын, и буретш война вылысь воысь салдатъясöс Изьва нылыд кылöдім гортъясас. Вöліны и ранитчöмаяс, и дзоньвидзаяс, наградаяс и наградатöмъяс. Но лыдыс ёна этшаджык война выло мунысьяс серти. Эз во и 1924 воын чужлом ыджыдджык вокöй.

Война помасигөн меным дас сизим арös да джын на и вöлі, но некод эз юась, тыр арлыда тэ либö абу. Колö кө, суткинас уджалім и дас, и дас кык, и дас квайт час. Ставсö вöлі веськөдöма вөрөгöс вермөм выло».

И колö быть татчö шуны, Рöдина бура донъяліс тылын уджалысьяслысь Победа шедöдöмö ыджыд пай пуктöмсö. Медаль «За трудовое отличие» вичмис Федя Поповлы да сы кодь арлыда вит-ö-квайт зонлы 1946 воын. Мöдысь «За трудовое отличие» медаль вичмис Ф.Я.Поповлы дыр да бура уджалöмысь 1954 воын, кор сійö капитаналіс нин «Георгий Иванов» буксирной пароход вылын.

Война кусом бöрын Печораса пароходство кызвыннас кылöдіс вөр. Тулыснас, ыджыд ва дырйи, пуръяс кылöдісны вылыс Печораысь да сэтчö усьысь посни юясысь, а гожöмнас — Митрöпанысь, Дутовысь, Лёмтысь. Пöдчеремын генеральной запань лöсьöдөм бöрын пуръяс босьтісны и сэтысь. Кушөн Пе-

чора йылөдз пароходъяс эз жö ветлыны — Уньядинөдз во чöж кежлö вайлісны сёян-юан, сельпо складъяс пыр вöліны тырöсь.

Пескөн ветлысь пароходъяс (öтикыс суткинас сотліс 30 кубометрöдз пес) вочасөн вуджөдісны из шом, а сёсся и мазут вылö. А регыд воисны и выль пароходъяс, сідз шусяна «молодогвардеечъяс»: «Лиза Чайкина», «Ульяна Громова», «Любовь Шевцова», «Олег Кошевой», «Иван Земнухов», «Сергей Тюленин» да мукöд. Найö вермисны ветлөдлыны ляпкыд ваöд, дай пуръяссö кылөдлісны весиг Нарьян-Марöдз, пöшти саридзöдз.

Сійö жö воясас Печораса пароходствоö воисны 300 вöв вына буксирнöй теплоходъяс, баржаяссö найö вöлі йөткöны, а оз кыскыны — тадзисö пö видзтöмыс лöö 25 прöчентöдз. Буксирнöй теплоходъяс кылөдлісны пуръяссö сöмын Кожваöдз, Печораса лесоперевалочнöй базаöдз.

Пассажирскöй да буксирнöй пароходъясөн ветлысь, опыта капитанъясös кутісны индавын буксирнöй теплоходъяс вылö. Найös бара велөдісны, но тайö пöрийö механикъясö, стöчджыка кö — механикы отсасысьö. Сідз, капитанлы колö вöлі лоны механикы мөдöд отсасысьөн, сёсся сійö «быдмыліс» медводдза отсасысьöдз, а бөръяпом лоліс капитан-механикөн. Механикъяс талялісны-мунісны татшöм жö сяма туйöд — лолісны капитанлы мөд, сёсся медводдза отсасысьөн.

«Георгий Иванов» буксирнöй пароходса вöвлöм капитан Ф.Я.Попов лоис «Омуль» теплоходса медводдза штурвальнöйөн, сёсся — «Форель» теплоход вылын медводдза штурвальнöйөн да механикы мөдöд отсасысьөн и вöлисти нин — капитанөн да механикы мөдöд отсасысьөн «Окунь» буксирнöй теплоход вылын. Мойвиис лоны и капитанөн да механикы медводдза отсасысьөн «Пурга» пассажирскöй теплоход вылын.

Кори Фёдор Яковлевичлысь видзөдлыны трудöвöй книжкасö да чуйми: 28 пасйөд! Татшöмыс водзті вöвлі сöмын сідз шусяна «летунъяслөн» — йөзлөн, кодъяс эз öшйыны уджавны öти местаын. Но тані — пыдди пуктана морт. Видзөдлі ошкана гижөдъяссö да нöшта ёна чуйми: нелямын кыкысь пасйöмаöсь уджын зільöмсö да том йөзös бур вылö велөдöмсö! Сöмын почёт грамотасö дас витысь сетöмаöсь!

Эг вермы овны шмониттöг: «Фёдор Яковлевич, Ті тай зэв уна чöскыд чери вылын ветлөдлöмныд: «Омуль», «Форель», «Сёмга», «Зубатка», «Кета»... «Окуньыд» абу жö чöскыдтöм и».

1959 вояс помын Печора ковтысын кутісны осьтавын озырлун куйлөдъяс: мусир, газ. Комсомольск-на-Печоре, Джебол, Вуктыл — тайö нимъясыс кутісны кывны эз сöмын республикаса, но и Ставсоюзса радио передачаясын. Найö весиг «вуджисны» самоходнöй баржаяслөн бортъяс вылö.

Стрöйтны мупытшса озырлунъяслөн быд куйланінөдз көрт либö машина туй — вывті дыр. И Печораса пароходство «доддясис» новлыны-кыскавын трубаяс, бурöвöй вышкаяс да мукöд оборудование коланаинö. Печора нылыд — пуръяс, ва паныд — мусир да газ перъян оборудование.

«Öтчыд арнас, 1966 воын,— водзö казътылö Фёдор Яковлевич,— ми сэки Вуктыл вевладорын уджалім, Кузьдібöж вöвлöм грезд дорын — буретш сэні Печора ю вомөн вуджö «Сияние Севера» газопровод, рубкаö пырис нывбаба-радистным, вомыс — пельсянныс пельöдзыс, киас кутö кутшöмкö кабала да шуö ме-

ным: «Фёдор Яковлевич, йокты!» Ме сылы: «Кутшом мыжысь? Ог йокты!» Сійо бара: «Он кө йокты, ог и висьтав!» Быть лои штурвал лэдзтөг некимынысь тапнитны кокъясөн. Радист сетіс радиограмма, көні СССР Верховной Сөвет Президиумлөн 1966 вося сентябр 14 лунся Указ вылө ыстысьомён менө чолөмалёны государстволөн сәкся медыджыд наградаөн — Ленин орденөн наградитөмөн. Уліас кырымалөма: Речной флотса министр Пучкин да öзынса начальник Пуртов. Вильтор кывлөм бöрын менө чолөмалісны уджёртъяс, рөдвуж. Дерт, аслым зэв жө любө вөлі, весиг öні на быттьö оз эскыссы.

Ыджыд государственной награда, дерт, ышөдіс уджавны нөшта бурджыка, а шуны кө веськыда, Кузьдібөж да Вуктыл костса участокын уджавны эз вөв кокни — груз колө новлыны уна, а ваыс, торйөн нин гожомнас, ляпкыд, видзөд сөмын, мед баржаястө некытчö оз шыбит, мед он сибды, мед винт лопастьыд оз лэб либө винтыд оз гарт кутшөмкө трос ли сутуга. Гортысь вөлі мунам водз тулыснас, а бөр воам сөмын наридз петөм бөрас нин.

Быдсямаыс, дерт, вөлі. Öтчыд, 1948 воын, миянлы колө вөлі босьтны груз, кызвыннас Печора йывса сиктъясö сёян. Матрос кутіс киас сідз шусяна носөвöй чалка, медым домасьны коланаинö. И друг тросыд матрос кийсь мыніс, усис ваас да гартчис пароход көлесаас. Көлесаыс дугдіс бергавны, и миянөс кутіс öдйö кылөдны веськыда пос вылас. Парохода-поска костыс вөлі 500 метрысь эз унджык. Ми зэв öдйö чөвтім якөр, да кызкө öд сувтіс пароходыс. Зубилө да кувалда отсөгөн сәсся кералім сталь троссö, мездім көлесасö, и сійö бара кутіс бергавны. Зэв ыджыд неминуचाысь мынім сәки.

А со нөшта öтитор. Кор вөлі капитан-наставникөн нин (тайö должност вылас Ф.Я.Попов уджаліс 17 во — В.П.), лоис юрси сувтана неминуча. «Печора» буксирной теплоход йөткөмөн кылөдіс каржа тыра сюрс тоннаа кык баржа. И друг шуйга «вөжжиыс» орис. Капитан öдйö мездіс веськыд «вөжжисö», көсийс эськө лэдзны баржаяссö пос мыджөдъяс косттіыс, но эз удит: кыкнан баржаяс сэтшөм ёна зурасисны веськыд берегса мыджөдас, мый ме öнөдз шензя, кызди көрт туй поскыс сәки дзонь коли,— öд воддза баржаяс дзик гудөк кодь лои, а мөдыс письтіс да кымыньөн вөйис пос увладорас. Мый вөчны? Кыдзи лэптыны кымыньтчөм баржасö? Вөйи, вайö, мися, баржа дортіыс кывтыдсянныс гуран кодъям, а сәсся кранъяс да буксирной теплоходъяс-пароходъяс отсөгөн гатшөдам сійөс. «Тэ вөйин — тэ и вөч»,— шуисны джуджыдджык креслөясын пукалысьяс. Миян öд водзмөстчысьыд пыр мыжаөн кольліс. Чукөрмис 11 теплоход да пароход, матыстчис весиг земснарядлөн ён лебөдкаа самоходной баржа. Ставныс домасисны, кыскöны, а баржа ни тпру ни ну. Видзөда да, кывтö Р-40 теплоход, каржа тыра баржаяс жө кыскö. Ме рация пыр йитчи капитаныскөд — кори отсөг вылө. И мый думайтан? Гатшасис öд баржаыд».

Уна позьö казътивны татшөм сяма лөөмторсö — öд Фёдор Яковлевич сөмын капитаннас уджаліс 16 во.

Аслым дум вылө тай пыр и усис буксирной мотокатер вылын уджалігөн кык вөвлөмтор. 1959 вося тулысын миянлы тшөктісны Шердынсянь Печораөд нуны пур. Нуам да лючки-

ладнӧ кӧ вайӧдам урчитанінӧдзис — вичмас пӧ тӧлысса удждон мында премия.

Босьтӧм 3 сюрс кубометра пур (а 150 вӧв вына катерыдлы тайӧ вӧлі вывтӧ уна) и мӧдӧдчим матӧ 400 километр кузьта туйӧ. Да ӧд километр мында кымын эгӧ и воӧй лесоперевалбазаӧдз, видзӧдам берегӧ да шензям — места вылын сулалам тай нӧ, да и пурным миян чегсис-чукыльтчис вӧв подков моз. Повзим, нинӧм ог гӧгӧрвоӧй, а капитан нӧшта и содтӧс: «ньюмъяліс» пӧ, вокъяс, миян премияыд.

Ковмис керавны пурлысь сӧдз шусяна бортӧвӧй обшлаговкасӧ. И чепӧсйис пур улысь — мый эськӧ тӧ думайтанныд? — зӧв ыджыд йи пласт, дзик айсберг кодъ. Медся тешкодъыс ӧд вӧлі сыын, мый сибдӧм... дзик «Печорлесосплав» трест весьтын.

Кык во мысти та ыджда жӧ пур кыским Пӧдчерем генеральнӧй запаньянь, но куим катерӧн нин (коймӧд катерсӧ сӧсса, эз ковмы да, мӧдӧдӧм бӧр). Мунам, пурлы быттӧ некытчӧ сибдыны. Но друг казялӧм, мый катеръяс да пур водзӧ оз мунны. Дыр мысти помкаыс сюрис жӧ — пурйӧ вӧлӧм пысасьӧма... адмиралтейскӧй сяма ыджыд якӧр. Ӧтар лапаыс вӧлі чегӧма, но чеканитӧм гижӧдыс — п/х «Волховстрой», 250 кг — тыдалӧс зӧв бура.

Фӧдор Яковлевичкӧд сӧрни дыр на гартчис удж гӧгӧр, кытчӧдз эг вуджӧд сӧйӧс мӧд туйвежӧ.

«Регыд тырас 50 во, кызди ме аддзи да йитӧ олӧмӧс аслам кок шонтыськӧд. Гӧтра си 30 ар матыстӧгӧн», — шуис Фӧдор Яковлевич. А гӧтырыс, Рида Николаевна, содтӧс, мый кызвынсӧ сӧйӧ уджалӧс аптекаын бухгалтерӧн.

Гозъя чужтӧсны-быдтӧсны куим пиӧс да ӧти нылӧс. Ӧти пиыс трагическӧя пӧгибнитӧс, мӧдыс вахтаӧн шопералӧ Усинскын. Нылыс олӧ Ухтаын, ӧнӧ оз уджав — быдтысьӧ. Медыджыд пиыс речнӧй училище жӧ помавлӧс, олӧ Сыктывкарын. А гозъя ӧнӧ олӧны Мылдінын, чунь кыкӧн.

Фӧдор Яковлевич зӧв нимкодя висьталӧс, мый сылӧн рӧдын унаӧн уджалӧсны Печораса пароходствоын. И ӧнӧ сӧйӧ ӧна шензӧ, кызди лӧдзисны кысьтыны юыввса флот. Кутшӧм нин ди-настия йылысь вермас мунны сӧрни? Водзтӧ пӧ миянлысь зӧльӧмтӧ вылӧ донъялісны, а ӧнӧя веськӧдлысьяс збыль вылас став наградаысӧ «мырддисны».

Татчӧ, кызд шуласны, ни содтыны, ни чинтыны.

2007 вося декабр 22 лунӧ вӧвлӧм капитан-наставник, Ленин ордена кавалер, Коми АССР народнӧй овмӧсса пыдди пунктана уджалысь Фӧдор Яковлевич Попов тыртӧс 80 арӧс.

Сиа сылы дзоньвидзалун, кузь нӧм да бур шуд.



Сет, мый тшӧктіс мамыд...

В И С Ъ Т

Кор ме уджалі Сыктывкарса вина заводын, сэки менам вӧлі Мишӧ нима ёрт. Мырсим ӧти сменаӧ, стӧчджыка кӧ, орччӧн. Мишӧ кӧть и ӧдйӧ пузысь мортыс, лӧгсӧ кузя эз видзлы. Та вӧсна, буракӧ, ас костаным ладмылім. Кыв песны некоднанным эгӧ радейтлӧй, но кодыр вӧлі гулькнитам «Агдам» дозйӧн пайӧ, варовмылім. Мишӧ пыр ӧтитор висьтавліс: кызди да мыйла сійӧ веськалӧма карӧ, кӧть ёнасӧ абу окотитӧма мунны сиктсьыс.

Тадзи кымын нюркойӧдліс-мойдіс менам ёртӧй.

Ӧти гожся асылӧ мамыс ыстӧма писӧ суседъясӧ, орчча керкаӧ, чарлала: луннас пӧ керка гӧгӧрысь вежсӧ ытшкыштан, шырсывтӧм мортлӧн моз пӧ гынмӧма туруныс да мисьтӧм и видзӧднысӧ.

Матыстчас Мишӧ Дарья тьӧтьяс дорӧ, а сійӧ кильчӧсӧ нин каличалӧ, киас куран кутӧ. Висьталіс Мишӧ могсӧ.

«Ойя, да ӧд ог эшты, зонмӧ,— ӧвтчӧ Дарья.— Дзик ог эшты, тэрмасы, дай ог нин бӧрсӧ кос, лёк примета тайӧ».

Мишӧ ышловзяс да балябӧжсӧ гыжъялігмоз водзӧ гӧгыльтас. Жаль лоӧ аныдлы зонмьд... Ладнӧ пӧ, час, чуксала Машӧ нылӧс. Горзас да горзас Дарья тьӧтӧ. Коркӧ Машӧ мыччысяс жӧ ӧшиньӧдыс: ачыс ставнас банйӧма, нӧкъя шаньга кодъ, а паръясыс кисъмӧм мырпом дай:— «Мый нӧ, мамӧ, колӧ?»— «Ме вир тэрмасы. Эсійӧ...— Дарья чӧвтлас синсӧ шонділань,— юрысь петіс, вӧрсаыд... Эсійӧ. Чеччан да эн дыр гыжъясь. Мишӧыс мый корас, сетлы».— «Гӧ-гӧ-гӧгӧрвои»,— вочавидзис Машӧ да пыр жӧ пӧдлаліс дзирья ӧшиньсӧ. А Дарья здукӧн кытчӧкӧ войтыштіс.

Мишӧ кольӧ сулалан ӧшинювса потшӧс сайың, лавкаысь ньӧбӧм снитки вель кӧрт тув кодъ векныдик да веськыдик. А ныв оз и тэрмасы восьтыны дзирья ӧшиньсӧ. «Гашкӧ, бӧр водіс,— майшасыӧ зон.— Либӧ мольӧдчӧ...». Мишӧ вӧлі дась виччысьны коланасӧ кок йывсьыс усьтӧдз. Машӧ мыччысяс жӧ сэсся кымӧр сайӧ вошлӧм шонді моз: синкымыс са сьӧд, парьясыс мырдгӧрдӧсь.— «Мишӧ, мый нӧ тэныд колӧ?»— «Быттьӧ он гӧгӧрво»,— виччысьтӧг артмас Мишӧлӧн.

Здук-мӧд кежлӧ пуксьылас тӧвся вӧрын кодъ чӧвлун.— «Но кор, мый мамӧ тшӧктіс сетнысӧ»,— бара шыасяс Машӧ.— «Мися, ачыд ӧмӧй он гӧгӧрво? Школаад тай бур велӧдчысьӧн лыддыссин».— «Вай эн ворсӧдчы, веськыда шу, мый тэныд колӧ».— «Ог лысьт веськыдасӧ шуны. Кывйӧ и парйӧ быттьӧ турдӧмаӧсь».— «Збыль ӧмӧй?»— «Крест чӧвта. Машӧ, помнитан, ӧти тулысӧ вадорын окасьлім?»— «А-а. Менам нин вунӧма, ӧд

важөн нин вөлі».— «Вай вильмөдам».— «Кыдзи?»— «Сідзи...»— Мишө здукөн чеччыштас потшөс вомөн да сувтас Машёлы воча ныр.— «Но, Польё пи, мый колө тэныд?»— Машё быттё дэльөд-чис сыхөд, но зонлы дузмунөм вылас збыль помкаыс эз жө на вөв, делөыс сыын, мый збыльысь Мишёлысь батысө мыйлакө Польёөн нимтылөмаөсь.— «Машё, вай окыштчам,— эскөдас зон.— А сэсся висьтала, мый мамыд тшөктіс сетлыны».— «Сы-төг оз позь?»— «Оз».— «Кутшөм тэ мудер, пыр и дон коран. Веськыда шу, эн мекөд ворсөдчы».— «Яндзимыс кутө, сё зөлө-тө».— «Көні сійө тэнад?»— «Веськыдасө шуны яндзим жө... Окышта да пеляд шуа».— «Но и но... Сөмын эн кузя»,— сет-час ныв.— «Сылас өмөй парйыд».— «Оз. Краскаыс вушъяс. Менам татшөмыс зэв нин этшаник колис».

Польё Миш нюжөдчас кок чунь йылас. Машё копыртас юрсө, и парьясныс стөч судзасны.

«Но, сэсся висьтась»,— веськөдас коссө ныв.— «Ог на вермы».— «Мый тэкөд?»— «Яндзимыс эз на сыв».— «Но, мутивөй, краскасө дзикөдз вуштан. Он өд ньөб?»— «Ньөба. Батылы удждон сетасны, и ньөба».

Машё бара копыртас юрсө, Польё Миш кокчуняяс. Зонлы кажитчө — Машё воддза серти дырджык эз орөдчы парьяснас. Сэсся пыркнитчис, өні кө пө он висьтав, көдзыд көш ваөн койышта чужөмад.

«Машук, зарни ныв, тэ Енмыслы эскан он?»— «Эска. Но мукөддырйиыс вунөдла».— «Енмыс шулөма, быд панас пө колө куимладорсянь пыкны. Колө коймөдысь окыштчыны, сэк нин стөч висьтала».

Машё ышловзяс да выльысь копыртас юрсө: Ен пондаыс пө сөмын. Бара кузя сывъясьласны.

«Но, өні яндзимыд сыліс?»— «Кытік сыліс, кытікө нөшта на кынмис».— «Мый-мый... Бара тешитчан? Сэсся тэкөд ог сёрнит, клопка өшиньөс».— «Эн пөдлав, өні стөч нин висьтала, копыртчыв медбөръяысь, пеляд шуа, медым некод оз кыв».— «Но, медбөръяысь»,— шуас Машё да лөсьөдас пель боксө.

Польё Миш нюлыштас нывлысь пель йывсө да восьтас ассьыс могсө, быттё нывлөн мамыс стөч сідзи и тшөктөма керны.

Машё мый вынсьыс тойыштас Польё Мишөс, а сійө гатшасяс веж луд вылас, кутчыяс юрас да ымзигтыр веглясьө, быттёкө ловсө пөлыштан кадыс матыстчис.

«Нолы, видла, мый лои?»— кылө зон нывлысь майшасьөмсө, кыйкнитлас син пөвнас: Машё өшинь вомөныс зэлвартчөма, быттё асланьыс кыскыштны лөсьөдчөма. Польё Миш ымзигтыр чеччас, изйө пө баябөжөн веськалі.

«Ойя да ойя,— зырало баябөжсө Машё,— йөгыс тай оз төдчы-а».— «Лоас на, кытчө сылы тэрмасьнысө. Ёти синмөй тай пемдіс нин».— «Збыль?»— «Оз воссьы».— «Лунъюгыдсө аддзан?»— «Тэнө весигтө ог вежөрт».— «Ачыл мыжа».— «Мыйөн?»— «Пыр и вольпасьө кыскан...»— «Аслад жө мамыд тшөктіс. Кывліл эн: мый пө корас, сійөс и сетлы».— «Сійөс эськөн кывлі. Ме чайті, мыйкө мөдтор».— «Мый сэсся чөскыд-торйыс тэнад эм?»— «Кос преник көнкө буссьө. Зэв важся нин. Колө?»— «Синмөс тшыкөдін, өні көсьян пиньөс кисьтны».

Мамыдлысь шуөмсö колö пыдди пуктыны, сійö лёк выlö оз велöд».— «Гөтрасян эськö ме выlö?»— «Дерт».— «Кор?»— «Көть öнi».— «Мый выlö овны кутам?»— «Аддзам».— «Вот и мөвпав, а ме видзöдла. Институтö пырны сём абу. Озыр жöник кö эськөн слöймис — эг падъяв. Тэ öд, Польö Миш, ме кодъ жö төв чужъялысь. Мый кутам нямны?»— «Артыштам».— «Аддзам да артыштам. Ме вот мыйкö думышта да пель бокад вартышта. Но мый?»— «Совкозыслөн эновтöм тракторыс вель уна шойвидзö. Босьта и дзоньтала öтиöс».— «Кыськö тэныд».— «Бать отсалас. Вок на эм и».— «Сэсся?»— «Совкозыслөн карта дорас дзонь гора куйöдыс öкмöма. И водзö содö. Кута вузавны кардорса дачникъяслы. Тырмас миян тэкöд».— «А мөсьясыс кö оз лоны?»— «А шондiыс кö оз кут петавлыны?»— «Шондiыс эськөн, гашкö, петалас на, а куйöдыс кö некодлы оз ковмы?»— «Куйöд оз ковмы! Шуин жö. Моровоас тай гутъяс моз уськöдчöны сы выlöтö».— «Гутыс öд свежöй вылас сöмын лемасьö».— «Карсаыдлы веськодъ, көть сiсь мыръяс костас тэч. Мый көть шу, а куйöдтö найö ёна радейтöны, чайтöны миянлысь кодзыд мусö куйöдөн ломтыны, шондiөн сiйöс лыддьöны. Куйöдыс көть и колö муыслы, век жö сiйö шондiсö вежны оз вермы».— «Кысь тэ тайöс бара тöдан-а?»— «Мам-бать шуöны, Войладор бансö көть пö мыйöн верд — оз госсая. Тусь ни пызь оз сет. А дачникъяс вой морösö поздысьöмаöсь, вердöны и вердöны мусö. Куйöдыд век кутас ковны! Тшыглы ог кулö ми тэкöд».— «Мыйла вой морösас найö овмöдчöмаöсь?»— «Абу ас вöляысь. Кодкö ыджыд юр сада дядьö индöма налы. Асфальт вылын олысьыд и сы выlö рад. Куйöдыд уна ковмас, эн майшась».— «Веськодъ меным тэнад куйöдыд. Висьтав, Польö Миш, кысь тэныд та ыджда вежöрыс?»— «А мый, школаас весьшöрö дас восö коллялiм? Юр вемтö кö изыштан да уджöдан, сэк жö кутшöмкö нуртор изяс-а».— «Менам тай нинöм эз вежсьы, көть öти классö ветлöдлiм. Быттö первой класс и помалi. Збыль. Букваяссö тай помнита жö-а».— «Кывiйö нин дубалис больгöмсьыс. Веськыда шу, мый мамыд тиöктiс, сетлан он?»— «Эсiйöс аддзылiн?»— «Машö мыччылiс пигасö».— «Сiдзкөн... Ме кувтöдча».— «Гашкö... öнi?»— «Дзик öнi».— «Кызди? Интереснö...»— «Вода этайö луд вылас и дугда лолавны. Чужöм кельдас — лыддьы, эштöма. Сэки сöмын чукöст йöзсö, эн торк лов петöмös».— «Ладнö. Он тешитчы?»— «Ог».— «Оз кö немтор артмы, сэки мый?»— «Артмас...»— «Кысь водзвывсö тöдан?»— «Лыддьысьны колö... Менам гу дорын эн лимзав сэсся».— «Петас кö синвайöй».— «Кутчысь. Медем йöзыс мыйкö омöльтор эз думыштны тэ йылысь. Он вунöд?»— «Ог. А мый вермасны думыштны?»— «Гашкö пö, тэ вöсна помалi олöмös. Йöзыс тай сöмын омöльтор öта-мöд йывсьыс думайтöны».— «Ме тэ йылысь омöля ог думайт, чайта, он вермы ловтö ас пытшсьыд чуктöдны».— «Мыйтакö жаль, но верма».— «Польö Мишö, дыр-ö нö кутан чушъявны?»— «Тайö процессыс вель дыр кыссяс».— «Но, сiдзкөн, ме пока керка пытшкösнымös пелькöдышта».

Польö Миш нюжөдчас öшинь улас, тшöтшöдöм туруна луд выlö, зэлöдас ки-коксö, топыда куняс синъяссö, ньöжiйö лöньöдас лов шысö. Сiйö лыддьылöма та йылысь кутшöмкö книгаысь и мыйтакö збыль эскис: ёна кö окотитан, стöч позьö

кувны ас көсйөмөн, ас ки помысь. Өтитор лёк: Машё оз аддзыв... Мед эськөн видзёдіс, тшөтш майшасис, кутшөм сьёкыда петё лолыс том зонлөн, коді некутшөм грек на эз вөч тайё му вылас. А Машё быттё кытчөкө сыліс, весиг шы оз сетлы. Гашкё, рад сылөн олөм помасьөмлы?

Польё Миш век отарё кусөдө лов шысё. Мырдёнавны асьсё эз вөв кокни, но кутчысьё став вынсьыс. Сэссия кутшөмкө здукё лосьыд лоас сылы, весиг шондіыс, буракё, вошны мөдіс, пемыд ру шымыртіс, ки-кокыс лигышмуні, абу нин аслас быттё. «Сідзкөн, мөдөдчис ылі туйё,— вирдыштас сөнікасьысь вежөрас мөвп:— Эз ло прөщайтчөма ёртъясыскөд. Гашкөн, косны мөдар югыдас мунөмысь? Мөдарсянь кө, кор на татшөм кокниасё сэтчө веськөдчан. Пөрысьман, да сөмын мучитчөмсё и аддзылан... Пенсия лоө ичөт. Гашкөн и, ньөти оз ло. Гашкөн и, кутшөмкө война вылө тойыштасны, код төдас, кыдзи на сэні ловтө перъясны. Гудрасян кадө тай чужсьылөма. Он төд, мый водзын виччысьё...»

Мыйла и чужтылөмаось батъ-мамыс, аслыныс шог вылө сөмын, артмө... Йөзыс пө миллион вояс нин олөны му вылас. Чужөны и кулөны. Чужөны и кулөны кутшөмкө кадколастөн. Гашкөн, оз и кувны, а вьльмөдчөны. Миллион во чөжыс өмөй эз и вөвлы райыс му вылас, чинлытөм гажыс да нимкодълуныс? Эз кө, сідзкөн, мыйла сы мында йөзыс өкмыліс му вылас? Шудтөм му вылас өні сійө чинө, а оз сод. Но вөліс-ө шуда пөраыс коркө? Вөліс кө, кытчө вошис? И мыйла? Тайөс кө лоө восьтөма, сэки, гашкё, бөр ладыс пуксяс?

Со кутшөм мөвпъяс өдөлитөны Польё Мишөс мөдар югыдө веськөдчигөн. Кузя ышловзяс Миш, и здукөн вошөны кытчөкө муыввса майшасьөмъясыс.

...Келө Польё Миш пушыд лымйөд. Оз кев, вөйлалө, лымйыс сөмын кокчөрйөдзыс. Мунө и мунө, лызь оз ков и мудз оз өкмы. Буракё, мөдар югыдас век төв. Но мый көть и төв, абу тай көдзыд. Тюрө и тюрө пушыд лымйөд. Кажитчө, райө веськөдчис, восьлавнысё, буракё, вель дыр ковмас, некөн нинөм оз рөммы. Лым... югыд... лөнь... Көні райыс? Кор сэтчө воас? Мунө и мунө, көть оз мудз. Коркө өд дөзман жө отарё мунөмсьыс. Төдөмысь, оз и волы сэтчө. Но мыйла оз во, мөдөдчис кө, өд сійө абу на и грека. Эз пөръясь, эз гусясь, сөмын батъ-мамыслы дөзмөдчис. Мед эз чужтыны татшөмнас дай...

Мыйла сөмын лым, и некутшөм туй абу? Некод на өмөй эз ветлы раяс? Дзикөдз пырзьөма туйыс. Тадзтө поэё и вошны, бокө коляс райыс. «Ө-ө, райсаяс, шыасьөй, тайө ме, Польё Миш, гректөм морт».

Гөлөсыс эз и пет, чилзөм артмис. Коді тадзтө кылас?..

«Йёюк тэ, Польё Миш»,— ымөстас ройсялөм коз.— «Кыдзи йөй, школаын велөдчи пять вылө да...».— «Нинөм оз сулав тайө, кор велөдысьыслы колө кык пуктыны».— «Но-о, дед, тайө кывъ-ясьыд тоштө нетшкасны, миян му вылын кө лоан!»— «Хе-е, ме абу тіян му вылын олысь».— «Сідзкөн, тайө и райыс!»— горөдіс Польё Миш.— Видза оланнуд, райса войтыр, босьтөй менө асланыд котырө».— «Абу тані райыс»,— бара ымөстас коз.— «Дугдөй менө ылөддыны, мудер козъяс да тшап пожөмъяс!»— «Да-а!»— равөстас сера катша.— Збыльысь, абу райыс. Некор

эз вөвлы и оз вермы лоны». — «Мый нө, сідзкөн, эм?» — ымзө паськыд лымъя эрдө веськалом Польо Миш. — «Эм, эм, — кызөктө коз. — Райыс быдлаын, көні оло морт». — «Кызди быдлаын! Кодыр ме сэтчө некор на эг веськавлы, — чилзө Польо Миш. — Воны мян сиктө, ройсялом пөль, петкөдласны тэныд рай, здукөн нярман!» — «Делөйс сыын, — вежөртөдө коз. — Колө овны райсаыс моз гректөг, зыктөг, ладөн». — «И тані велөдөны...»

Коз быттө оз и кыв Польо Мишлысь шуөмсө, водзө нуөдө мөвпсө: — «...Сэки и казялан райсө, и дугдан корсьысьны, весьшөрө воштыны кадсө, көні первойысь аддзан му югыдсө, сэтчө и вөч райсө». — «Ме тайөс кыскө кывлі нин, — нускө Польо Миш. — Но өд ме ог вермы райсаыс моз овны. Ме өд тшыкөдөм лов. Меным гажтөм». — «Да, муса пи, лөк ру көвъясьөмыд тай вина юөм кодъ жө, заводитан кө, помыс оз тыдав». — «Мый нө меным вөчны, пөрысь коз пу?» — «Шөйт, вошөм морт, и нэм чөжыд майшась, корсь воштөм райтө и майшась, ныр вылад усьтөдз корсь... и каитчы... пыдзрав сьөктөдөм ловтө». — «А көні помыс?» — «Хө-ө, көнкө эм... Та вөсна эн вийсьы».

Кодкө тайө здукө чорыда чужьяс Польо Мишлы коклябөрас.

«Мый сэтчө нюжөдчөмыд, быттө гортад. Шкорган сэні!» — тайө Дарья тьот вөлөм кураннас шенасьө зон водзын. — «Дарья тьот, тэ мөдар югыдысь менө бөр татчө кыскин... весьшөрө...» — «Эн сөр». — «Збыль. Райө нин көсйисны меститны. Но... торкин тай со». — «Мыйкө жө сөрлан, грекө вөйтись. Нөшта, колөк, содта коклябөрад...» — «Олышта, инө, мыйтакө нөшта танісө. Аттьө, Дарья тьот». — «Интереснө, мыйысь нө бара мөдар югыдас...» — «Машөыд понда». — «Мый нө эськөн ловис?» — «Тэ тай асывнас шулі, сет пө, мый корас Мишөйс. А сійө некызди оз... Бурөн и лөкөн кевмыси. Дөзми да и эштөдчыны заводиті. Ас вөляысь, дерт». — «Машө, көні тэ, дявөл ныв?» — пондас лөвтны Дарья тьот. — «Тані ме, мамө. Джодж мыска». — «Мый нө эн могмөд Мишөсө?» — «Мамө, төдан мый сійө дзайгис асывбыд?» — «Мый?» — «Вольпасьө нөровтчывлыны аскөдыс... Тэ тайөс тшөктін?» — «Ме дерт татшөмтор тшөкта... Эг на өд выживмы. Мишө, тэ тай нө пеж козёл вөлөмыд. Весась син водзысь, курансө чегьяла мыш вылад!»

Мишө кокниа чечыштас потшөс вомөныс, син лапнитігкості и сылас кытчөкө. Дарья дыр на ойзас да горалас, весиг суседьясыс чукөртчасны. Бабйөйс өтув клопөдасны гөса бекъясаныс да мурзасны, быттө Мишөйс найөс тшөтш мыйөнкө кедзовтөма. Быд ногыс видасны том зонмөс да ошкасны Машөөс бур мывкыдсьыс. Медбөрын Дарьялөн бурмас сьөлөмыс да корас пөдругаяссө чай юны.

А зонмөс та бөрын нимтасны Пороз Мишөн. Олөм эз ло Мишлы аслас чужан сиктын. Посни зоньяс ылісянь на «му-у» горзөны, нывкаяс бекайтөны, кывнысө мыччалөны, гораа чилзөны: Порозыс пө со локтө, өдйөджык гортө пырам да топыда игнасям. Мый вөчан? Челядь эм челядь, бөрд көть серав сэсся.

Нывбабаяс вашгялөны: кызди нин пө, Михайлө, артмө оз пө порозалан делөыд. Мужикүлов гизьөны: колө пө тэныд, Михайлө, профсоюзө пырны, сэні, кызди общественной удж нуөдысьлы, век нин кутшөмкө нуртор ликмас.

Веськөдчас Польо Миш карө, а нимыс кольө чужанінас.

Ньөжйөник мустөм нимсө пырзёдісны төвся турөбъяс да кы-
лөдісны тувсовъя ваяс.

Вылісянь, буракө, шуөма вөлі миянлы паныдасыны Сыктив-
карса винзаводын. Дыр ми, дармөвөй винатө юигмоз, уджалім
өти цехын, стөчджыка, орччөн. Зэв өдйө исковтисны воясыс. Öти
асылө мастер и шуис, ті пө тай, зарни тусьяс, дзикөдз юсинныд,
марш пө кадръяс отделө, тодмышкала пө кыдзи профнегодникъ-
ясөс, весиг вина юөмнытө ог пасйы. Ми өтвылысь сөгласа док-
нитім юрнаным.

Кывтісны вояс. Неважөн өти карса киоск дорын аддзысьлі
Пороз Мишкөд. Бөр мунөма чужан сиктас... Сэні пө некод нин
пөшти абу олысьыс, кымынкө баб сөмын легыштөны на. Мишөос
өні некод нин оз дэльөд Порозөн... Шуи на сылы, мися, өти нэ-
мөн тэ воштін кык родөвөй пас. Мортыд көдзыда нюмдіс,— өні
пө син сайын меринөн шулөны. Мися, дерт нин мерин, дзикөдз
пужъялөма бурысьыд да, көть пенсияөдзыд доза на ылын. Да,
тюрө пө кадыс. Мед кытчөкө и кылөдас, меным пө өні дзик
веськодъ... Öтка пө меным тайө енэж улас. Мися, Машөыдкөд
мый лои, коді тай тэныд вьль нимсө көвъявліс.

— Ö-ө,— шуө Миш,— лючки олө-вылө. Некымынысь верөс
сайө петавлөма. Öні пө тай колана морт веськалөма. Верөсыс
«сьөд рынокас» бергалө, гусьөн курыд зелянад вузасьө. Машө
сөксялөма, чими чери моз лөсталө. Мый сэсся татчө вөйпан...
Ме абу велөдысь, мед олө, коді кыдзи кужө.

Недыр мысти содтіс: гашкө пө, тадзи и колө.

Медбөрын дөзмис Миш: мый пө ачыд мыр моз дітшвидзан,
нинөм он шу. Кызмырдөн моз вочавидзи, мися, эн дивит, дыр
кад уджалі лекторөн да кывйөй висьмис, врачъяс шуөны, рев-
матизм пө, став сертиыс.

Мишө серөктіс:

— Со өд мыйөдз вайөдө сөрөмыд...



Ен праздникяс

<i>Вояс</i>	<i>Берба лун</i>	<i>Ыджыд лун</i>	<i>Вöзнесенньö</i>	<i>Троица</i>
2008	апрель 20 лун	апрель 27 лун	июнь 5 лун	июнь 15 лун
2009	апрель 12 лун	апрель 19 лун	май 28 лун	июнь 7 лун
2010	март 28 лун	апрель 4 лун	май 13 лун	май 23 лун

ПАСХАЛИЯ:

Ыджыд лункöд ветлысь праздникяс

ВÖЗНЕСЕННЬÖ — Ыджыд лунсянь 40 лун бöрын, четвергö.

ТРОИЧА — Ыджыд лунсянь 50 лун бöрын.

Быд во тайö жö лунас (Вежласьтöм праздникяс)

Январ (Тöв шöр)

- 7. Рöштво
- 14. Василей Великöй (Василей лун)
- 19. Крещенньö (Ва вежöдан лун)

Февраль (Урасьöм)

- 15. Господьлөн Стретенньö

Март (Рака)

- 30. Алексей

Апрель (Кос му)

- 7. Пресвятöй Богородицалөн
Благöвещенньö

Май (Ода кора)

- 6. Георгий Победоносец (Ёгорей лун)

Июнь (Лöддза-номъя)

- 7. Святöй Духлөн (Духов лун)

Июль (Сора)

- 7. Чужис Иоанн Креститель (Иван лун)
- 12. Петыр да Павел (Петыр лун)

Август (Моз)

- 2. Илья пророк (Илля лун)
- 19. Господьлөн Преображенньö
- 28. Пресвятöй Богородицалөн Успенньö

Сентябр (Кöч)

- 14. Семен лун
- 21. Чужис Пресвятöй Богородица
- 27. Господьлысь крестсö кыпöдöм
(Звиженньö)

Октябр (Йирым)


- 14. Пресвятöй Богородицалөн Пöкрöв

Декабр (Öшым)

- 4. Пресвятöй Богородицалөн Введенньö
- 19. Николай Чудотворец (Тöвся Микöла)
- 22. Пророк Анна



Выль небөгъяс




А 94 Афанасьев Е.С. Вежласяна поводдя.— Сыктывкар: ГУ «Редакция журнала «Арт», 2007.— 272 с.

Тайö небөгас пырисны 1975—1997 воясö гижöм висътъяс да повесътъяс. Öткымын гижöд петалис нин «Кытшъяс» (1985 во) да «Пурзьöмын ар пом» (1994 во) книгаысын. И öнi лои öтувтöма Евгений Афанасьев-лысь медбур гижöдъяссö «Вежласяна поводдя» книгаö.

Книгаö пыртöм фотоясыс автор-ыслөн.

Обложкасö серпасалис Ю. Лисовский.



К 59 Козлова Е.В. Шундыр: повесть, висътъяс, мойд.— Сыктывкар: ООО «Анбур», 2007.— 88 л.б., илл.

Елена Козловалөн «Шундыр» ни-ма небөгын выль ногөн вощёны челядълөн этшыс да сямыс.

«Вова да мукöд» повесытын том лыддысьысь тöдмасыс сизим арöса зонкакöд, кодi воöма овны гожöм кежлö сиктö ыджыд мамыс ордö.

«Шундыр» мойдыс ичöтик шаньсьöлöма зонка йылысь, кодi быдöн-лы дась сетны отсöг.

Небөгö пыртöм гижöдъясын ге-ройясыс туялöны-тöдмалöны олöмсö,

велöдчöны ёртасыны да пыдди пуктыны матысса йöзöс.

Обложкасö серпасалис А.Минченкова.



Р 80 Рочев Е.В. Кӧрысь тэрыб-
джык: Повесьт.— Сыктывкар:
«Эскӧм» издательство, 2007.— 112
л.б.

Нималана коми гижысь Егор Ро-
чев вӧзйӧ челядылы «Кӧрысь тэрыб-
джык» выль небӧг. Сэні куим юкӧн.
Висьтавсьӧ Митрук нима зонка йы-
лысь. Кызди сійӧ баты-мамыскӧд олӧ
тундраын, видзӧ кӧръясӧс, кызди
быдмӧ-сӧвмӧ, верстяммӧ, велӧдчӧ
школаын, лыжиӧн котралӧ... А сесся
нин лоӧ нималана мортӧн, спортсме-
нӧн.

Обложкась серпасалис А.Попова.



ПЫДДИ ПУКТАНА АВТОРЪЯС!

Редакцияӧ гижӧдъяснытӧ ыстігӧн быть колӧ юӧртны:

1. Ассыныд ним, вич, ов; кор да кӧні чужлӧмныд (лун, тӧлысь, во).
2. Паспорт юӧръяс: номер, серия, кор да кӧні сетісны, гортса адрес (прописка серти).
3. Индивидуальной налогӧвӧй номер — ИНН (кодлӧн эм).
4. Страховӧй свидетельство номер.

Тайӧс юӧрттӧг редакция гонорар оз вешты.

*Журналын йӧзӧдтӧм гижӧдъяс
редакция оз рецензируют и авторыслы найӧс оз мӧдӧд.
Редакция оз век во ӧти кывйӧ авторъяскӧд.*

Комп. набор и верстка **Н.Кузнецова**. Корректор **Н.Габова**.

Адрес редакции: 167982. ГСП-2, г. Сыктывкар, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс).
E-mail: kodzuv@mail.ru

Подписано к печати 15.01.2008. Формат 70х108^{1/16}. Печать офсетная. Усл. печ. л. 7; усл. кр.-
отт. 8,4; учетно-изд. л. 7,54. Тираж 952. Заказ № . Регистр. ПИ № ФС 3 - 0226.
ОАО «Кировская областная типография», 610000, г. Киров, проезд Динамо, 4.